



傅與礪久集十二卷附錄一卷
錢補元史藝文志所載以此但傳本絕少
此詩八卷不知得何時上下方
校字係余輩又不知據自何本皆健
忘之故耳丁丑校理書者借母記之
如左

其弟若川云又集陸德刊^并則當時所行詩
集在之前亦未知又集果否陸德刊行也
世必習其書而不自知詩集之有仿燭
又集亦以成定錄也

書此自為

元傳若金字与礪江西新喻人受業

元傳在機之門年三十遊燕系虞伯生見

其詩大加稱賞由是知名元統三年介

供安南予授廣州教授余修江西志

于惟江人物而立傳此八卷借抄于吳尺

堯氏書有文集若干卷希從花山



馬氏合成全集初白翁識
七十一



傳與礪詩集序

翰林高平范公

孔子曰詩可以興可以觀可以群可以怨朱氏釋曰興者感發志意觀者考見得失群者和而不流怨者怨而不怒四者之事不同而其序究有先後蓋見乎他日論詩禮樂則首曰興於詩詩者志之所之以其志感人之志者孰不足以有所感發哉然則興者豈非吾先乎感入之道莫尚乎焉歆聲音人方寂然泯然忽而興起震奮動蘊淪浹入之深而蕩化之敏者斯其效曷從而至哉古人云聲音之道與政通夫聲者合天地之元氣軋乎物而生焉人聲之為言又其

磨

樂其以和接亡國之音其
民困接亂世之音

常

妙者則其因于一時盛衰之運發乎情性之正而形見乎辭者可瞻已故曰治世之音安以樂其政和亂世之音怨以怒其政乖亡國之音哀以思其民困和正得失動天地感鬼神莫近於詩夫詩道豈不博哉要其歸主于詠歌感動而已斯義也司馬太史嘗聞之矣其言曰三百篇孔子皆弦歌之以合韶武雅頌之音夫既合之則當時存什一而去千百必其不合者也深矣哉聲音之於政也聖人蓋取之矣新喻傅汝礪妙年工詩自古今體五七言皆屢屢馬力追古人有唯恐不及意間示余以所著編曰牛鐸音者讀之連日不厭聞其音而樂焉以為誠識所尚者因孔

多揭

多揭
誤校

子之言詩徵以師說遂演繹以告之天曆二年四月一日二
范梈書于百丈山房

集賢揭文安公

興運
韻純

詣

自至元建極大德承化天下文士乘與逕迪、抵稍知復往哲古至于詩去故常絕模擬高風遠、而不雜朔南所共推而無異論者蓋得江西范德機馬德機沒後又得其鄉傳與礪馬德機盛矣余每讀與礪詩風格不殊神情俱、如復見德機也然德機七言歌行勝與礪五言古律勝餘亦在伯仲之間而德機得盛名時年已過與礪使與礪及德機之年不知又當何如也天下文章莫難於詩劉會孟

嘗序余族兄以直詩其言曰詩欲離欲近夫欲離欲近如水中月如鏡中花謂之真不可謂之非真亦不可謂之真即不可索謂之非真無復真者惟德機與礪知之及此言之及此得之及此故余傾倒于二君焉而德機已矣余無能為矣庶幾猶有若與礪者他日足為學詩者之依歸也傅君初字汝礪余以天下同其姓字者衆也而易之曰與礪且以與與汝聲相近而便于改稱也元統三年九月辛巳朔揭傒斯序

七

奎章虞文靖公

詩之為學盛於漢魏者三曹七子至於諸謝極矣唐人諸

風淺

體之作與代終始而李杜為正宗子美論太白比之陰常侍庾開府鮑參軍極其盛流之所至贊詠之意遠矣芟者未足以知子美之所以為言也崔顥人品非雅馴太白見其黃鶴之篇自以為不可及至金陵而後彷彿焉其高懷慕尚如此誰謂其恃才傲物者乎求諸子美之所自謂盛稱文選而遠師蘇李詠歌之不足者王右丞孟浩然而所與者岑參高適實相羽翼後之學杜者多矣有能旁求其所以自致自得者乎是以前宋之盛亦有所不逮矣國初中州襲趙禮部元裕之之遺風宗尚眉山之體至涿郡盧公稍變其法始以詩名東南宋季衰陋之氣亦已銷盡

大

天德中文章輩出赫然鳴其治平集所與游者亦衆而貧寒相望發明斯事者則浦城楊仲弘江右范德機其人也楊之合作吳興趙公最先知之而德機之高古神妙諸君子未有不許之者也其後馬伯庸中丞用意深刻思致高遠亦自成一家觀者無間言而進士薩天錫者寔長於情流麗清婉作者皆愛之而與前之諸公先後淪迹識者然後知其不可復得也德機之里人傅君與礪始以布衣至京師數日之間詞章傳誦名勝之士無不倒屣而迎之以為上客臺省館閣以文名者稱之無異辭豈非其風韻足以及于予所道諸君也哉予去國十年與礪自交趾使還

頌

以家貧親老授南海文學以歸嗟夫上林千樹豈無一枝以棲朝陽之羽哉而一官嶺海之不厭何也前數年諸公相知者多散出於外今明良一廷無所忌諱清澗之蒲

可啓

海灣之木不足以久頌吟詠也必矣書其別後稿如此違其北還則沈鬱頓挫從容溫厚有起予者何幸於餘生親見之哉作傳君與礪使還新索序至正辛巳六月朔虞集伯生序

書

前進士胡居敬

渝舊隸袁山水寂為秀麗扶輿清淑之氣鍾為人物代有其人鄭李以詩鳴于唐二劉章謝以問學詞章顯于宋煒乎其相望也近世范太史傳廣文相繼以詩名于時文章鉅公莫不推重而海內搢紳士興於詩者咸師仰之信乎黃鍾大呂之音震于瓦缶雷鳴之餘有耳者莫不傾聽也傳廣文詩舊有刻本而燬今弟若川恨其久而傳弗廣也欲重鋟梓介友人袁大賓徵序其端余觀三閣老之文推許如彼其至奚敢贅為之辭而若川愛兄之情嗜學之力且吾郡山川人物之美不可蓋而弗彰也遂書是語以綴

其後洪武壬戌仲冬月同郡胡行簡序

洪武壬戌仲冬渝川百丈山前建溪精舍新刊

江西志喻水在新喻縣一名秀水其源

出袁州達於贛江百丈山在新淦縣唐天

寶六年改豐城山

傅與礪詩集卷之一

任丘宋應祥伯禎點校

弟傅若川次舟刊

雜著

清安堂賦為思南李經歷作

夫何茲堂之靜佳谿谷繚以間深泉歷除而細響木交戶

而餘陰世溷濁其汶上咸役體而勞心爰順時以息養况

顯敞而開襟美怡寂以禦煩諒君子之所廬感人生之長

勤寒暑迷而相驅靡徇逸而非害孰忘患而恒舒雖燕樂

止 迭

其何傷將不見之是圖庶依仁以自正潔吾穢而休居



惟茲生人均厥受命莫貴惟德莫尊惟性惟性如何萬善
斯全君子于學思因或愆惟德如何有積乃大君子于學
思罔或懈詩書六藝進退洒掃近思弗遺上達有道夙興
夜寐惟一乃心毋終食弗念毋閤室弗臨毋若彼教奕鴻
鵠是惑譬茲服田力乃有得聖或罔念亦之于狂孰曰予
玩而聖之望敬之敬之遠實通是基有節高山君子之儀

楚辭

楚漁父渡伍胥辭劍圖歌

江有阻兮踞有岐時將迫兮來何遲子弗渡兮我心悲既

渡子兮我何以劍為吁嗟行兮子母我疑

黃鵠歌為劉母王氏作

黃鵠孤飛兮傷其匹儔生則同巢兮寡處何求死寧敢愛
兮孰將其雛山則有木兮隄有泉流翾飛何知兮雛飽以
娛雛既羽翼兮將母來休母詒母愿兮無使心憂

寄題袁氏具慶堂

高堂兮巍、華采衣兮芳菲瞻父母兮壽豈兄弟翁兮孔
懷出則仕兮自公入則養兮于堂之中昊天兮福尔錫眉
壽兮未已夫人兮自有美子曰予婦兮將父與母

樂

松澗引并叙 樂依澗有松無序三字序上無

松澗引者為林氏子晉作也晉父信卿本中山人客游衡陽樂其土遂居焉信卿死晉復築堂其居之偏題曰松澗志其師之言也晉讀書善鼓琴元統初過家上冢因北至京師無何思其所居即慨然別故舊而去為作琴操三疊以贈之

澗之水兮冷々上有松兮鬱青々嗟衡之居兮吾所寧胡淹留兮于帝京

澗之水兮揚清波上有松兮被女蘿我嘯兮我歌胡不歸兮歲蹉跎

澗之水兮石楚々上有松兮以風以雨築吾居兮其下誰

將歸兮來吾與處

歸來三曲送李建中

月皎々兮河漢長黃鵠在天兮招我以翱翔天氣涼兮夜未央援鳴琴兮託宮商商聲作兮風撼々歸來兮天路杳渺不可以終極

月皎々兮夜既寒白露下兮衣裳單南風一去兮何時還援鳴琴兮曲再彈曲再彈兮天地為秋歸來兮清都之上不可以久留

月皎々兮寒風作猿啾々兮怨鳴鶴常恐秋遂為冬兮群物以蕭索援鳴琴兮忽不樂忽不樂兮思吾土歸來兮山

中之人不可以無父

芳草辭為杜若洲作

乘吾舟兮流湘攬芳艸兮朝行續眾美兮在于懷靈氛兮芬
兮不能忘進予舟兮極浦將誰思兮遠者來杜兮葺薜、雜
之兮宿莽羌姣服兮夷猶撫予帶兮宜修機何克兮佩帙椒
荃何地兮為茅沅何為兮湯、湘何為兮浩、滿庭兮艾

蕭眾紛進兮謂予不好望洞庭兮楚之野路漫、兮夕愁
予思君子兮孰後來結芳菲兮吾誰與

芳草歌

賁

玄化順兮日月昌至和蒸兮地發祥燁靈草兮貫齋房雲

續：兮流玉英五色爛兮時文章何所徵兮德芬芳爰作
歌兮著勿忘我君子兮思永曠

三言

滋之水奉題蘓氏滋溪書堂

滋之水瀟且長流安極沛洋、滋之矣德所履續芬芳

萃厥美、滋之水澹而文豐迺積淋後昆騰聲詩播金

石逾千祀永昭德

右四章、四句 某作右滋之水四章、四句

五雜組

五雜組機上絲往復還城中見不獲已生別離

五雜組

某已上刻本三葉作一卷
畢此後有雜著二首
葉三言別一葉起

一葉
此詩三章止四言別起

園中花往復還將維鴉不獲已貧去家之
四言
正月二十日壽揭學士

吉月美君子有德以壽也 吉月之正日既陽止君子之
土辰亦昌止天錫之德孔茂且植允善弗易惟君子之福
其善伊何如芬如芳如芬如芳于前人勿忘其福伊何
如山如岡眉壽以康時君子之慶 慶維雲矣亦施于天
華之蘊矣亦被于人君子有言有斐其文允也令人德音
振 德音振 民之正矣百禄既臻神之聽矣飲我春
酒壽考是承被履之安于木之兗曰有君子時邦家之興

章

吉日四章五章以句一章十句

東臯詩題長沙易君美存耕卷

瞻彼東臯每其田孰其甸之維古之人 其田每其
稼絲之日月以治厥有豐年 維田弗治維莠生之維心
弗制維欲傾之 我思古人有播斯種子孫其承庶茂厥
德

右東臯四章早章四句

傳與礪詩集卷之一終

傅與礪詩集卷之二

卷之二

傅與礪詩集卷之二

五言古詩

雜詩五首

任丘宋應祥伯禎點校

天天園中桃鬱鬱松上枝春陽發新榮貞脆誰能知一朝
繁霜墜百卉各已萎青青乃自保不為時所移向非厄歲
寒何以別竒姿

植蘭彌九畹種菊被三徑幽芳固殊姿馨德良可並
奪蘭以為美餐菊以資命賤言理蕪穢恒使枝葉淨蕪穢若易
侵枝葉若不盛豈無桃與李貴此諧野性

賤

蔬

窮巷有畸人夙夜勤古道敝衣適至飢
蔬食恒不飽歌聲若金石顏色終歲好
豈無當世念所趨惡佻巧美玉不足
珍懷義以為寶

餘

閒夜坐中庭素月流我懷鳴琴發玄思
俗音難與諧微颺經前楹徐響正裴回
欲歌南風曲聽者良已希願言薦清
廟復感鳳來儀

異人言種石可以致雙璧千金受玄秘
辛苦乃有獲温其比君子韞積良愛惜
青蠅易為汙恒恐傷厥德連城不願
售思以置君側終歲無與言持之將安適

從軍行

征夫遠從軍徒旅無時還炎暉薄五嶺
修蛇橫道間朝食未遑飽夕寢馬能安
駕舟涉廣川驅馬登崇山生別已不
惜矧畏道路艱豈不懷室家王事有急
難生當同富貴沒當同憂患

少年行

行長衢若平川輕車馳流波上有都人子
明肌豔朝霞芳塵揚遠風白日耀舞羅
少年輕薄兒調笑相經過狎生酌美酒
日莫酣且歌千金罄一笑豪右焉能加
時俗誇朱顏美女悅春華春華豈不好
遲莫當如何

經采石

未明發蕪湖終飯次采石大江天同瀉巨浪山與敵松寒
虬 蒼蚪姿厓古老鉄色其傍有仙冢云是李太白生為長庚

精沒與大塊息因思開元中出入蒙帝澤御羨白瑤杯宮
硯青玉滴思榮日深重意氣何赫奕酣歌泰華小豪飲渤
澥窄頗聞宮中怒遂有天上謫殷亂微子行楚昏屈平斥
嗟哉唐家帝同姓逝安適何年為茲遊千載但故迹騎鯨
信縹緲捉月詎昏惑得非厭塵羈無乃遠寄客翻然委之
達 去富貴何足惜杜陵平生友夢寐頻見憶白骨馬所求青

酌 山亦岑寂相去嗟已遠令人心悲塞舉酒欲酌之帆去招
不得

晚憇

朝濟黃河流莫馳長路塵路長無時已河險難具陳高歌
激層霄緬懷古之人剡木以為舟斲木以為輪自非制作
聖何以通萬民飄飄遠遊子勿用歎苦辛

雜詩四首

皎皎素明月娟娟含令姿浮雲遽起滅圓景遂參差山川
莽回互天地亦相疑焉知冥昧中明潔終不移弦望有恒
運清光寧久虧

不 寸隙塵所投片言害所藏行徒惡蹶馬豈復惜其良榮辱
具自致否通亦靡常修正未蒙福為邪欲何望天道豈遠

人撫心徒自傷
温温匣中玉什襲慎自持荆和始見賞舉國競慕之青蠅
遽言集魚目亦相嗤昔為人所寶今為人所疵保終諒庶
幾逝者已如斯
白璧易為毀常惧世所捐憂心日悄悄自好及成愆君子
遠嫌疑胡為偷自安始知丘山累乃在半辭間盜金信不
疑攫塵惑子淵故心苟不易既往復何言

飛雪篇

北風厲中宵明晨散飛雪連翩素彩動泱泱玄陰結群林
互騰耀衆景紛變滅既增寒竹姿復宜青松節因高始成
勢遇坎俄就缺東西衢路間來往昧深轍衆穢交凌踐幽
光自娛悅皎皎恒易汙無為恃清潔

寒竹篇

寒竹依澗阿石生何磊磊滋息因厚地生成藉玄宰春陽
散華景枝葉被光彩及茲芳歲闌使我憂心痲遽悲凜節
變但恐驚塵浼寒燠既異宜遲莫復焉悔淇園蔭未息嶰
谷音猶在君子夙相好深懷邈雲海竹性諒靡遷人心惧
中改願言卒封植勿使傷樵采

梅花曲

素芳何婉婉姣服耀江湄美人慕佳植託根乃在茲朔風

振嚴冬孤花難自持流塵復浩浩焉得不為緇芳筵坐積
思急管夕傷離頃筐墜佳實所願及良時感彼李下人正
冠乃見疑禮義夙所敦人事偶乖睽撫樹倚增歎中心誰
復知

刑部三主事幕嘗有菊一蒂三花尚書僚屬咸異
之號三台瑞品屬朝之大夫士能文辭者傳詠其
事至是奎章趙授經以其卷見及為賦五言一首

西曹應秋高庭戶肅以清金行戒時令嘉鞠正羅生台精
麗前除流耀發華英三萼專夕秀衆芳謝春榮連枝靡阿
比同氣斯合并匪茲恤明刑何以獲休徵願言保初服永

懷歌德馨

勤耕亭

日月靡閒暇四序更運之斯人務作業矧敢怠遑時負耒
適西疇恒患耕作遲仲春時雨至群物具含姿牛食青澗
阿鳥鳴芳樹枝興言播嘉穀夙夜將耘耔豈不懷逸居亦
念寒與飢但使秋稅畢聊樂及我私羲農雖已遠沮溺不
吾欺努力順人命素餐非所知

右詩為鄒福作也福豐城田家子事藝文揭先生餘力
能讀書為聲詩又喜國語習通其學然朴慎不忘乎勤
先生甚喜之嘗手書福自為詩七首叙其所從出京師

累刻李此葉起

累刻李無跋語

為文詞者福多得其題述是何福之能使人愛若是也
學者果皆繫所出乎于是益知藝文為有德矣

寄題奉元張氏望松亭

塚

青松翳高墳重、閉玄陰孤亭何鬱鬱林氣肅已深白雲
翔其巔悲鳥相與吟佇立以瞻望哀思不能任時祭羅豆
觴祖考聿來歆歲晏寒風至零露亦在林危柯起悽愴令
人生悲心逝者已如古來者復為今

清明日遊城西詩并叙

景作清明日遊城西五首並并序字叙亦無

予素嗜幽澹所遇名山水興至輒翛然徑造興盡即休
無留滯之意客京師三年聞西山之勝未至焉乃元統

二年二月二十五日為清明節風和景舒卉木妍麗金

華王叔善父四明俞紹芳同里范誠之與予從一小蒼

頭載酒榼共出遊城西遂至先皇帝所創大承天護

聖寺縱觀行望壽安香山而還先是約信宿徧歷山麓

諸寺迺止至是謂三子曰是行適意爾即一詣而窮其

勝豈更有餘興哉相與登高丘藉草而坐酒數行約賦

古詩五言六韻五章道所得之趣書二十字亂中人

探五字以為韻時誠之止酒予又性不飲叔善紹芳脫

冠縱酌旁若無人予亦吟嘯自若都人士游服聲

相聞咽金壺玉槃羅列照耀意若甚得子者而

又有若甚慕者焉既夕罷歸所賦詩

為一卷明

日會余于杜氏館中夫子在同游

少而好任意

興王子不以予年少而奪之誠之

俱不舉酒而能

從二子之飲不厭其醉是游不

叙以識之

鳥

曜靈動若木晨鷄鳴東窓興言集儔侶西郊出翱翔登高

瞻藹

望荆吳延日極三江密林何菴愛嘉樹翳蒼感此時節

遷慨然思舊邦乘風即清曠薄使我心降

出自城西門未知道所窮並驅陟長阜山川鬱何雄纍

道邊墳四顧生悲風茫昧萬物始冥天地終陰陽相推

用塲墳

化焉知悼工誰能同朽木俱盡委蒿蓬

程階

梵宮何巍白日耀流藻前楹交網樹陰被靈草宿昔

構

構華麗河沙施七寶丹霞通飛閣清飈激馳道車馬縱橫

空返

至虛若漫浩飛龍逝不令人傷懷抱

游子愛良辰出門各有携陽春發惠氣好鳥鳴喑芳花

明曲渚新楊拂大堤群物紛相悅斯人多所懷飄彼陌上

塵化為水底泥百年亮如此不樂復奚為

層

長風度廣澤清輝汎遙甸魯宮岌崔嵬落景駐遐春群觀

娛

各侈靡金壺列豐膳幽賞聊共疑誰云極遊衍曠水中

一士

鳧翩雲間燕微生亦何勤志足非所羨

寄題吳興馬氏清華堂

豐堂翼華構陽景麗前楹曲流相映帶軒牖一何清微欲
涵素暉嘉卉發丹榮中庭列書史芝桂亦羅生有酒介眉
壽內無憂患并朝弄石泉香夕采玄玉英從之不可得願
欲濯塵纓

題淵明漉酒圖

淵明性嗜飲所遇適其真漉酒東籬下邈若旁無人捐紱
非所吝焉愛頭上巾田園日成趣松菊相與親百年何為
爾酩酊及茲辰陶然至和內混沌以為鄰

送陳助教衆仲赴江淞儒學提舉

登高送將歸車馬橫道周白日明大河遠望悵悠三宿昔

遠鄉國慷慨事行游懷寶非固售同氣乃相求茲焉去皇
邑被命赴南州說三曹子徒惻三不能留逝將敷文教邇
可被遐陬我無千金贈臨別但懷愁獨有清商曲可以慰

網繆

秋風吹浮雲鳴鴈復南翔山川何惴慄草木日夜黃客游
歲云除倏俛懷舊鄉君行即吳會執別此河梁淮泗多奔
流雲海浩茫三靈颺翼飛艦馳景曜征裳去途日以遠來
會日已長援之不可得躑躅情內傷

瑞芝曲

并引 案此首刻本接清明游城西五首後無并

引二字引無

瑞芝曲者為麻陽簿任君作也君掾順元帥聞時芝產

于所寓之地以為瑞圖之以傳觀四方思州劉文學來
京師持以示余求詠其事按王充論衡土氣和則芝草
生又鷓冠子曰王者德盛則芝草生醴泉出然則祥瑞
之至有以也任君是圖豈私有之哉亦將以侈國家之
瑞也吾聞古者以君子在位賢人衆多為國休祥任君
繼自今相率其僚為豈弟之政以布天子之德于民則
為祥莫大焉草木之瑞云乎哉

聖人運元化和澤被遐方黃靈啓幽秘朱草發嘉祥
暉晨敷秀藹夕含芳慶雲流瑞露丹霞沃太陽紈緼所凝
結玄造亦何常夷居勿云陋斯人樂以康繼今崇令德諸

福應時昌

題陳氏菊所

滿

陶公逝已遠舉俗慕高情之子厭塵雜開徑挹其清晨起
除翳苗種菊蔽前楹結根固其所獨立誰為榮中園何荼
敷綺席蔭朱甍車馬日自臻絲竹騰妙聲凝霜既被野清
露復盈庭百卉豈不佳朝敷夕已零東籬信淒素可以馳託
幽貞

蕭索

幽貞

題董氏恩榮堂樂義取榮啟期之言

梁刻李作董氏
具樂堂

以涼

董生築高堂于斯養其親溫軒納飛旭凍牖謝流塵大椿
蔽庭前慈竹映冠巾中厨足甘脆可以奉昏晨有酒及嘉

梁初車止此

賓餘歡洽四鄰生當隆盛時至德覆無垠群動各蠢蠢靈
明貴斯人既復為男士夙夜懷苦辛年命恒幾何胡為勞
其神所以榮公者樂世乃忘貧矧茲堂上翁安富殊等倫
夫婦齊壽考遐福日以臻有子才且賢有孫復詵如何
不為樂言咲及良辰好鳥四時鳴佳花萋復新黃髮日娛
戲烏知冬與春

挽張隱君

峩：浮柵山鬱鬱彭蠡濱中有隱居者逍遙畢冬春讀書
徇城府杖屨卒耕耘雞黍會田家酒醪合四鄰既醉亦詠
歌富貴如埃塵一朝厭浮世含咲返其真貴賤同一盡各

為丘與墳所立苟不忘浮榮為足珍

彭叔璵得杏花一枝歸置小齋同居王叔善甫邀

余同賦杏花曲人一章約五言五韻

朱葩會朝景流芳自中園顏色一何麗灼爍耀標軒嘉賓
從外來臨賞各欣然同根豈不好異處乃殊妍貞心諒自
知脉、終不言

題叢蕙

蕙葉何青、羅生在巖隙中庭忽邂逅四顧風蕭、含翹
紛旖旎懷馨潔以修時俗苟不佩芳草或為茅微物恒易
遷君子內傷憂願從芝蘭化庶異薰與蕳

題草虫圖

火氣流天地動植紛自形陽升耀春華陰條敷夕榮昆蟲
信微細于以托生成守宮夫何慕蠻觸諒矣爭虫之伏青
黷豉之緣紫莖促織為念寒牽牛不事耕吳公性舍毒多
足復能行莊周齊蝶化晉惠昧蟊鳴玄蟬翳高枝君子慕
其清蛄蟻溺所嗜汙穢不能靈感茲動中懷變幻為足憑
群生各有命鴻化亦何情

送張景陽歸覲

鴻鵠懷遠舉騏驥慕高馳志士多慷慨文墨徒相羈挾舟
行遠遊翩至京畿四方會別珮交陸離紫宮承星

辰高盖岌雲霓聖人內垂拱至德徧群黎求言逮微賤一
善思罔遺君子道既達胡為忽言歸嚴冬霜霰零晨起候
鳴雞送者亦在門南望各逶迤願君自貴重歲寒勿相違

題

太虛憑網緼萬化更往還函生難異靈蘊德諒斯全聖人
繫周易茲道廓以宣鬼神無逃情天地世出玄稽微內無
象舉大窮八埏研思何能極精義乃不煩來者紛討求窈
元氣端君子依恒運小人昧至言憂道不可忘正利非
所先需時良有時知命復何患

使至真定赴都計事過大電傷穀時逆臣唐誅其勢

午發潯陽城莫投郭村店人烟樹相錯分野昂所占連屋
臨古塗幽花垂深塹行旅各已息下馬卸征鞞形容風日
槁衣服塵上染倚床秋蕭々汲井月灑々舍翁得客喜亭
長見官廩田家始收穫勤苦供稅歛夜來大雨雹婦子憂
食歉還聞公侯家終歲酒肉饜天子今聖明誅鉏盡奢
僭覆車監前轍焚室戒微焰禍淫良已速福善終必驗區
區予何人行役奚足念

中山北道傍丘阜

自出城北門平野亘長雲道傍多高阜累累若丘墳豐州
為不生白日何氤氳為知非陵墓下有長逝人棺槨化為
土衣剋腐為塵既往不可見來者不可聞百歲何足恃為
生良自勤

八月十三日至京

孟秋涼颼至驅車出西門去京始彌月白露忽已繁茲行
亦何為于役義所敦山川既悠遠晨夕違清溫我馬北以
南豈不思丘園努力在王事賢勞奚足論

九日夷山驛

馳驅涉長道時節良易更去日能幾何商飆颯以盈玄蟬
號且息群雁翩南征茲辰揆重九在俗豈殊情抗袂出虛
館登高望舊京圓穹無留翳素顯有餘清延矚周四遐但

見古時城頽宮委蔓草喬岳襲前名
茫陰陽間感此百慮并我性不解飲虛觴聊自傾

使還至長沙侍嚴親及外舅孫公遊

仲春景氣妍卉木具萋中園凝芳暉時鳥鳴且嗜游子
遠于役歲晏乃旋歸父母日瞻望親戚久睽違及茲時物
佳少長翁相宜携尊出東郭聊以舒永懷鴻鵠隨天風焉
能忘舊栖王事亦可念勗哉以驅馳願言飲春酒各保黃

髮期

歌風臺

黔首厭秦暴龍德奮炎劉英雄乘天誅拔劍起相仇天風

隳陵谷飛雲揚九州天下事既定懷土未遑休置酒宴高
臺中厨進庶羞悲歌落林木父老皆涕流功臣日殖醞壯
士從何求至今豐沛間長願使人愁故鄉帝所愛零落遺
舊丘大運各有終聖賢誰能留焉知萬歲後魂魄復來遊

雲松巢為鎬益之題

青松矗雲際此有巢居者心清謝秦爵根遠思夏社斤斧
庶不戕棟梁誰能捨常懷太古世木處人事寡高步凌駿
隼幽棲據瀟洒星河入戶動霧露當虛瀉重霄相屬九
域莽在下磅礴俯大氣微茫見平野飛仙遙相即風翮時
可把浩區中塵流景若馳馬鳳鸞或叢枳燕雀乃大厦

所以安一枝萬事齊土苴

送范悅古再之江西憲史

客行辭國都南望越山河
燕趙宛相距吳楚為我家別離
生永歎送子以長歌長歌慷以慨
憂憤一何多大道日隳墜
逝川無還波浮雲翳中天
明月乃為瑕君子燭微詞
小人祇自阿素心苟不渝
非意焉足加嚴霜厲松柏日出當
柰何歲晏將自見願勿改其柯

疾風暴陵谷所觸為我仇
林木無寧枝大江汨其流
悄悄君子心熒々增隱憂
歲月忽馳邁行道阻且脩
白日臨九圓環照靡窮
隙下生獻奇璞再剛始見收
不有固窮節焉

能忘怨尤行矣勿重陳
居易復何求

送別宋子與

人生若浮雲冉冉各四馳
居同桑與梓會合乃在茲
華月洞靈襟高霞結麗詞
晤言永諧好暫失繫懷思
矧當萬里行策馬從此離
舊鄉未同返胡能忘嗟咨
仲春景氣妍翔鳥悅新枝
素節湘川澁攬轡俯江湄
及家洵云樂懷土非所宜
丈夫務不朽慎勿棄良時

三用謝玄暉入朝曲分韻送馬中丞赴南臺得收

字就用其體

金陵鬱迢々行旆暖悠々
蘭臺清露集松庭積霽收
白鷺

迴修渚朱鳳矯崇丘離々曳青綬擘々振彤駟遠甸芳風
散神都旭景浮臨軒結冲想還車寧久留

朝出國南門

朝出國南門北顧望重城紫宮承星辰雙闕岌雲興貴賤
各有安孰知昔所營天地忽震蕩山川皆沸騰虹霓貫白
日鳥獸相號鳴達士多憂傷貧天喻自生佇立倚長嘆天
道安可明

西行出周道

西行出周道歷覽至平原灑澗何寂寥豐鎬若浮烟二公
營洛邑王業亦已艱禾黍忽離々麥秀復芊々不見舊宮

室但感書所言羸氏滅諸侯雄跨六合間商君用法令一
朝廢井田赫々彼宗周在昔多聖賢消歇無復餘何況恃
強堅

和周伯溫翰林齋宿

英顯散微颺圓靈夕清穆詞臣屆嚴祀齋房敞空曲臨下
赫明々在公誠屬々風條象九奏露樹彰三沐書告蠲柔
翰陳詩列明燭從 禮紀虔迨旦興 夙皇德亮攸歆景
命忱有僕升氣 奠幣玄 束神休對精享至和敷
百祿 事庶無懈來祀永相臨

秋日懷揭翰林二首

涼風吹庭樹大地何蕭索玄蟬寂不鳴群鳥飛相失寒氣
日以至誰能無家室驅車望江介道路焉可述河濟無安
流原野皆蕩潏稷黍寧復遺州木但蒙密虎豹無時號蛇
龍多夜出對此不能言懷人易成疾

遠行去鄉邑單栖無匹儔黃鵠鳴中天夙昔垂所求東西
無恒舍南北異遨遊同居更離處誰能心不妯日月逝無
厭弦望疾若流咫尺踰千里翅思若三秋白露淒以降寒
風忽我道蘭若委岩谷蔓草靡周道君子多思念感物諒
懷愁河海豈無梁風波安可由且復加飡飯無為增隱憂

送仇繼善歸光州

季秋寒風發時物日淒淒鴻雁鳴索群野鳥求其棲寒暑
不貸人客游多所懷昔為山上雲今若水中泥曲躬狗微
祿時俗誰能諧大道喪阻修中路願低回朝發城南門日
莫淮水西歸哉從晉志貴賤焉可齊

送蕭介召

游子幕名都負志辭草萊驅車望國門宮闕何神哉月入
軒車動雞鳴閭闔開王侯多宴集弦管切雲哀燕俗信豪
雄自古皆愛才黃金致賢士賓客四方來俛仰時既迂蔓
草沒荒臺不見古時人何以舒永懷舍茲復南去招悵不
能裁

冉之歲將暮寒氣下嚴霜征夫懷往路
手野徬徨草木既蕭條山川悠且長
念子今何嚮言適鄒魯鄉泰山鬱崔嵬
沂泗浩洋自昔生聖人衣冠宿所藏
詩書被遺俗禮樂未云亡豈不念時命
斯道不可忘願求同心者攜手與翱翔

題胡氏存菊堂

素商薄庭戶豐草日漸萎晨興頽林薄
百卉無復遺叢菊依前除遲莫獨相
清飈振綠葉零落發幽姿淹留諒有
俟暴盛非所期對此時物佳欣然賦
新詩嘉賓既在門有酒復盈卮日莫
采其英斟酌及茲時四序委元化焉
知榮

與哀

九日會飲和胡古愚并簡諸公

凜秋肅已至榮木遺故枝蕭蕭翔在庭
汎汎酒盈卮興言愛重九良會欣及期
飲酒非所性杯至聊共持天地嗇余閒
義和逝若馳陰陽紛離合變化襟神奇
太古不可還淳風日已漓佳辰樂清讌
言詠竟餘暉微月忽在楹飄颻吹裳衣
斯興良未極携手且同歸

梓人圖

聖人肇宮室制作配陰陽般輸守規矩
經畫故有常營構在斯斤斧若飛揚
深林產喬木可以勝棟梁大材諒不

遺細者各相當青雲岌華廈丹疏通曲房日月齊晦朔天
地擬圖方茨堅既具周^母聖亦輝煌居處信崇高先民不
可忘君知太古世巢穴以爲堂

和趙德隆秋夕雨

落景翳重城凝陰起初夕蕭條飛雨至散漫輕颺激酒幌
靜彌多喧簷暴復息清商亂急管遙怨生離席游子恒念
鄉氣淒感時易既興北風歎亦抱南山戚晨雞不廢度征
鴈無寧翼嚮道乖夙期寸陰違所惜詠歌良可興幽懷坐
填積

和韓都事秋夜

招搖指西北河漢被天東四節自成歲衰榮焉可同陽丹
日蕭條陰林不復濃慷慨夜多念太息生淒風鷓鴣散中
天野草集蜚鴻群物各有適焉知心所從

雪中送宋上舍仲敏歸滑州省親

北風何烈烈雨雪亦霏霏遊子去成均將歸古靈昌詩書
豈不樂歲晏懷我鄉我鄉伊可懷父母在中堂休告亦有
時定省焉可忘浮雲踰大任白日照宣防子行日已至送
者各盡觴當歎念遠遊令我愧中腸

寄題番易劉氏靜觀齋

萬化紛往還陰陽相終始人生齊性命誰能獨離此寂寞

山中士冥冥會其肯大窮六合外細攝秋毫裏因茲連變
化何嘗 生死林春野花發庭雨流雲起對坐終日閒悠
然聞 史

菊坡爲白公嚴賦

嘉菊生林下含英覆坡陀離離帶長坂冉冉閒層阿靈飈
度鮮蕊濃露濯寒柯靜者愛幽姿對之行且歌朝作常不
忘夕息以婆娑凜秋薄原野百卉忽已過偉茲霜中秀獨
立諒殊科始志苟無違芳菲豈在多

四月十四日發京

六龍西北馳群鳥東南翔感我客游士心神隨飛揚迢迢

踰大河悅之越崇岡已驚時序易復念道路長驅車出東
門浩歌慨以慷燕薊豈不樂吳楚爲我鄉父母久違離兄
弟不在旁當茲遂歸志聊可慰中腸

劍門圖

劍門天下險亦復天下壯崢嶸扼西南氣欲軋萬象石壁
摩往來風湍東奔放深蟠虛無底峭出日月上二儀含崎
嶇萬古設眺望一夫或當關強敵不敢傍胡爲昔人國恃
此亦傾表聖朝今無外皇化極浩蕩勢狹秦漢爭治同唐
虞讓乃知不在險六合德可王前年南中行其地少平曠
懸車度重隘東爲下疊嶂翻疑蜀道坦劍閣固殊狀及此

觀畫圖間閔愁西向浮雲從中來日莫一惆悵
城西墓田
世傳神仙壽舉俗爭慕之不見松與喬高墳但纍纍松栢
蔭路衢行者慘遶遙遙千載心只爲後世悲秋春更代
謝萬化諒如茲自古皆有盡令名百世遺生時不努力死
後竟何爲

送何志友抱琴遠遊

客從東南來辭我將遠征九州何遠邈道路縱復橫商飈
振長林露氣淒以清感此歲月變念子將何行聞有太古
琴鼓之南風生一奏天地和再奏萬物成知音亦已寡持

此感人情願言荐宗廟可以備咸英

題胡質夫更好山亭

盤盤青山阿苒苒嘉樹林中園誰所治亭榭藹沉沉貞松
蔭奇石修竹亂珍禽時雨濯丹葩春陽敷綠陰游觀日成
趣巖谷有清音他山豈不好誰能同幽襟矧茲蓄靈秀芳
氣蔚以深油雲給膚寸可以致甘霖沛然澤群物乃復返
高岑始知茲山前仁者諧夙心即此得逍遙浮名何足欽

題胡信夫一川風月亭

斜川多佳山流水會中園華亭鬱深秀卉木茂且蕃明月
賁林幽清風行樹間流彩散復定微雲中往還幽人坐平

石日夕觀其瀾素暉迴衣中爽氣在櫺軒會心時自知意
得復何言

贈揲著蕭達則

太極函二儀萬象昔未形陰陽倏變化奇耦互相乘群生
六合中動作何營營吉凶紛自致憂吝焉所徵天道良已
微人事豈無恒聖神發著策揲初見其情大易據玄秘至
言不可更俗流師異端怙妄昧前經遺生乃稽古茲義日
修明願言善其用庶以道自成

挽劉兩卿

達人慕高隱乃在北山隱感昔生離亂弱齡已自持在世

何所營課子以書詩秋桂擢丹葩春蘭敷紫莖既壽亦且
康浮名何足羈一朝乘化盡溘然與世辭天地亦有終聖
賢各如茲生存苟無憾委順復奚疑

王芝曲爲鄧或之作

聖人履昌運至德配方員郁郁林氣翔粲粲靈草鮮白雲
被素趾甘露洒華顛上有飛鳳凰下有滿醴泉銅池方
秀瑤圃諒齊妍聞昔松與喬_來之以得仙頤因獻 天子
服食致長年

題顏友立耕樂堂

深居謝輪鞅畢力事田園生世食其勤誰能同久安晨興

負耒出日夕負耒還時雨集丘隅雲禽鳴樹間桑麻蔚北
墉稼穡藹南阡鄰曲多往來斗酒數爲歡誦書不求解契
道乃忘言在昔訊素餐畎畝多聖賢簞食苟無憂作勞非
所歎

琵琶怨

美人揮哀弦上客歎蛾眉急響多悲思孰知心所之感昔
奉綢繆不言生別離誓將桃李顏結君長相思如何雙栖
翼中路忽乖睽不怨歡會難但恐恩愛虧含情冀回顧中
曲多苦辭君子苟不聽賤妾欲奚爲

團扇辭

團扇昔在時素手不相離涼溫得君意動息亦有儀盛暑
良未徂恩愛詎中衰何言遽相失一旦弃如遺舊物諒非
貴故心不可移願因新人得持以置君懷

題過氏適安堂

營營俗間務莽莽城中塵疑冰悲夏蟲惡影咲塗人達者
悟茲言思還樂我真生世嗟物役誰能勞其神 足諒非
慕爲歡聊及辰深居無塵雜豐屋麗且新庭柯集翔鳥池
藻散游鱗觀化獲自然戚戚非所遵庶將依仁宅處樂以
終身

題蘇氏耕樂堂

少年思薄宦既老思田里耦耕非吾事素食良所耻時雨
行東皋平疇被流水興言命童稚東作從茲始飯牛柴亭
陰秉耒郊原裏舊麥既青青新苗復靡靡升堂舉杯酌閒
暇閱經史有秋庶可待敦本聊自喜古人不復存斯士亦
云已食力吾所安夜行貴知止

題王元載御史為潘彥實作幽人瞻綠圖

曳杖綠芳引睇陟前岑修篁鬱蒼清亭構遂沉沉零露
發春姿流雲滋夏陰蒼輝度行袂碧影赴橫琴美色非所
貴高節良可欽歲月自流邁霜霰自交侵青青乃不渝瑟
瑟有餘音此物思衛風瞻望意何深爰求詩人體實獲君

子心永言託嘉喻聊用寫幽襟

徐氏生意亭

芳春會陽景佳氣蔚前楹春澤亦已和時物日滋榮茫茫
大鈞軸塊軋四時成熟知萬象先甲者悉未萌陰陽無停
化元氣以流行觀茲悟生理人道亦有恒百穀播始獲大
倉積乃盈願言樹豐德奕世永其生

飛龍圖

聖人御天下九五應乾元神物何矯矯精氣久乃全屈信
陰陽際出入有無間風雲一時合雷雨相後先下顧周八
方上行窮青天流澤無愆候原野以豐年功成不自居寂

然歸九淵

觀外偈為天寧講主慈公賦

團團虛白室了了圓通士心觀乃非目性定猶止水群動
紛自形諸緣速相倚譬如中堂上坐見前林裏空方無定
在內外非可擬凡此分別見皆緣識根起微塵含空畎玄
象標月指應現本無方恒不離所止世人執邪見外驚何
時已應當離塵世玄悟從此始

題宜春鍾清卿清露軒

清卿能琴

秋氣集太虛夕光溥高樹時聞陰液墜暗識商飈度旒旒
星動林英英月霏霧涼局息塵想幽琴寄玄晤寂歷松上

聲逍遙丘中趣釣天澹斜景銀漢暖微素古調今所稀大
音誰能喻仙人飲沆瀣壽命金石固千歲不可期空歌徒
延慕

挽談孝子

白璧傷易毀幽蘭悼先顧陰陽孰吹噓修短從所制伊人
邦之秀少小拔其萃孝友積和順諱華著光麗青春何忽
忽韶景暉云逝愛親希長年保已非素志至今常山下行
客揮涕淚芳風吹謖草英雲被叢挂去者日以長來者日
以繼立世務不朽生死徒歎歎顏殤易為感陌壽何足貴

挽廖節婦 孝子妻

關雎有恒匹別鵠不更雙婉婉令母儀煌煌君子堂事夫
死同穴誰能易其常皐蘭殞夕露庭菊厲朝霜芳齡誓靡
適暮齒終弗忘懿德耀高閭清風弥大邦哀榮一朝異縞
素蕝道傍虛窓委斷織重壤燁幽缸高山上我我流水下
湯湯瞻言歌衛風三歎我心降

題栢友亭

交道日淪喪結恩不結誠朝爲春華敷夕已秋葉零薄俗
傷易遷使我慕清貞深居謝朋游嘉樹旅前庭影直靜相
偶心通潛有聆霜霰依時至雨露至滋榮下根附藟薄上
枝拂窈冥興言著歌詠伐木感嚶鳴德義古所敦切琢庶

相成友已苟無益不如草木生

種木必種堅取友必取端汎交無完節常木有凋殘彬彬
魏亭士古栢義所觀封植嗣前視斧斤違世患衆芳或搖
落修榦鬱桓桓舊本亦已固新枝日復蕃夏蔭交座隅秋
影溢簷間薰濡致德採服資妙顏不有後凋操誰茲同
歲寒

題登瀛洲圖

龍姿御昌曆詞館萃群賢日優暇更番時後先退集
樂餘間誰能徒食眠游云未寓情諒匪專十洲不可
求瀛海以言傳遂令是中士望者稱若仙丹青孰是非翰

墨互騰宣才難古所歎者或求全

和虞公同李伯宗賦呈公四珠精舍

泠泠清澗流磊磊碧山岑巖栖遺紛競禪懋悅幽深兩道
虛室寒竇氣發前林明月交珠柱微風來樂音圓明攝諸
境空觀明宿心嗟茲遠行客悵望結祥襟

淵明圖

淵明高世姿稟性良寡諧出山諒云偶忽去亦奚疑人生
驅衣食微祿恒累之枉已既非志在俗固多違萬鍾不足
顧五斗奚以為卓茲千載中作者與為期

題塵架閣所藏故人新竹圖

參差蔭奇石磔礪連孤樹初穉既從風新枝復承露瞻茲
時物化感彼芳辰度故人思久要夙昔乖良晤山阮詎非
倫求羊諒同趣虛心願自比從今至遲莫

九鷺圖

鮮鮮白鷺羽振振清江滢露草寒已衰風蘆近相蔽飛鳴
各自適雖居亦有次雖愜江海情終懷雲霄志君子思有
則畫者工取譬儀羽庶可希修潔誠所貴

群鴈圖

微茫洞庭野隱約瀟湘岸鴻鴈將栖息飛鳴求其伴先集
良未安後至凄欲斷使我懷弟兄因之中腸亂留連江海

遠憐淡秋暉晏常恐隨天風高飛入雲漢
題袁宏泊渚圖

秋氣集空渚月彩汎微波夕生起遙思中流聞嘯歌移舟
近相即酌酒望銀河高懷
稀偶良會豈更多未知百歲
下視此復如何

題袁安卧雪圖

積雪既填戶衝風或入衣空廬獨僵卧豈不念寒饑薄俗
何足干回窮良自為自非洛令賢誰能顧荆扉茲事已云
往高風今絕稀

川蘭棘圖 為丁上人題

樹蘭勿近棘剪棘或傷蘭惡木翦復生芳草樹不蕃空門
一諸幻君子殊衆觀薰蕕戒同器玉石忌俱燔不見致芻
人懷馨增永歎

題張仲衍書屋圖

茅屋閉柴荆度橋聞讀書風含萬谷動雲集兩屋虛松葉
走山犬花源通夜漁世俗自多違林泉非見踈他時或相
憶來就此山居

題雲崖圖

高崖含青空雲氣所出入網緼日千態斲絕恒特立雨合
龍鞋低風迴鳥飛急寄言為山者進簣庶可及

題張伯龍書屋圖

清江帶茅宇絕壁連松寺溪響漁未歸橋聲客應至數鴉
林外落一犬庭陰睡終日對群書焉知俗間事

題墨竹

吾聞崑崙竹可截黃鍾管千尺雲外安數寸煙中斷時人
拘兩目所見何自短撫卷方寂寥清風生來滿

題石榴畫

漢使致石榴千秋見嘉實漿寒瑪瑙破枝重珊瑚屈憶昔
開天宛疑將薄西日丹青有微喻意豈貴遠物

題山水小景雜畫

晴煙翳高樹野水連幽草渾疑輞川業復似斜川島鷺下
白波聞鶯啼綠陰好安得買田廬相從是中老

空村斷行迹深雪連昏暮慘淡既平岡坡陀復盈路時聞
一樹折猶見羣鳥去中有映書人柴扉對何處

江白雲稍歸山青樹如沐輕舟漁石渚獨騎經林麓野氣
昏已明泉聲斷猶續坐憶汎湘時村西見茅屋
雲煙狀幽絕丘壑懷棲遯新雨松樹涼輕颺竹林晚閉門
堆亂石行脩坂寂寞垂釣翁扁舟去人遠

雲歸山欲暝月出泉相映石影生夜寒松聲起僧定遙疑
露下立或發風中詠幽境何聞寥長廊罷鐘磬

平湖寫山影遠嶼來花氣魚鳥終日閒琴書有時至風樞
出彷彿雲木生迢遞對此獨逍遙誰能識幽意
雲山不可極野水多相似古木生夏涼幽篁起秋思漁舟
石下出蹄騎山陰至中有隱居廬蒼茫何處是
盤盤蒼山根泉出如素練含風靜復響觸石瀉相濺竹迥
秋氣來松涼夏陰轉山翁閱妙理獨立無人見
野樹蔭輕舟晴波照層嶽平橋昔未斷孤客來何晚生便
春思多應懷暮山遠

少奇

題墨梅二首

老樹亞晴空疎花帶寒野風流不自惜澹泊從人寫歲晏

孰能娛空山少來者

孤花何婉婉玉立含幽素短短時出橋疎疎或臨路坐疑

簷下月半照牆西樹

傅與礪詩集卷之三
七言長短句古詩

奉題仇工部壁間古松圖歌

蒼松在山自奇古灌木翳之人不驕忽然圖向堂上聳滿
坐嘆息長風生交柯崛走森晝晦其下將疑鬼神會霧雨
寒霏虎豹毛雷霆怒折蛟龍背乃知巨筆老且神力幹造
化雄千鈞皇天不夭棟梁其後土階回霜雪春尔松已為
人愛惜見爾為爾生顏色山中豈無材木倚絕壁未逢匠
石嗟何益

虞公見之題云絕妙絕妙吾人
吾人新來第一手由是名動京師

題衛知事廣衍倉西軒墨竹歌

吾聞渭川竹如簣太倉欲致那可得開眼睛烟落戶牖透
裳冰雪生胸臆爰之借問作者誰毋乃與竹同標格自是
君懷足清致故須好事番真迹陰森雨氣發中林颯爽秋
聲起前席微坡直具百畝意老幹真憑萬鈞力玄豹猶含
隱霧章蒼龍已奮干霄翼火雲六月思遠避安得生我林
間石待實誰憐彩鳳飢釣鱉來試長竿直為君歌罷久歎
息群玉蕭蕭動高壁

猛虎行

長林瑟瑟多悲風猛獸引子戲林中白晝橫行動山谷周
遭十里無糜鹿路暗樵夫畏獨歸行人愁向山家宿近山

日、取牛羊更囓居民橫路傍民要耕田給倉庾官家得
知射殺汝

寄題岳陽蕭氏四亭

舍南舍北佳山水虛簷黛綠浮空起明月秋生坐榻前白
雲暮落屏風裏微茫遠色帶晴湖造物經營趣獨殊世上
徒傳摩詰畫胸中誰得輞川圖

右天開圖畫

山人住山塵鞅斷艸色看見流年換葉落長林鷹過落花
開雜樹鶯啼亂秋去春來醉復醒常時玄鶴下青冥岳陽
道士應相遇千歲松根煮茯苓

右山間四時

流泉涓涓出池底梢切行雲翻日光環山已歷千峰窈到
海寧辭百折長波濤日夜相推激戶牖憑高興何極風雨
漠漠聲合時蛟龍變化那得知

右百川偉觀

長松當簷擁高蓋翠色浮光照庭內天矯聲從霄漢回蒼
茫氣與風雲會柴扉晝寂思共倚藜杖秋閑知獨對辛苦
移根待雪霜江頭種柳三年大

右倚雲獨秀

墨蒲桃歌為俞紹芳題

大宛蒲桃連萬區貝丘蒲桃高十丈宿昔仍聞植漢苑見
之坐右神森爽露餘火實垂堪摘烟際危藤引初上度海
疑從博望槎入林恐倚曇霄杖流沙飄飄豈易致別館蕪
廢今誰賞蕭蕭素壁走龍湏風雨蜿蜒日應長憶昨揮毫
雲正愁炎天忽若對清秋玉珠滿把君能得綠酒千鍾不
用求古來豪富誇蓄積肯貴翰墨相傳留君不見秋風孟
氏子咲談一斛買涼州

賦得秋夜長送方叔高二首

叔高名積
九江人

秋夜長如歲長如歲尚可夜涼薄人不能寐群雁各南
翔一鳧尚北飛團團素明月流光照我衣當歌正激烈慷

慨送將歸丈夫成名微亦足為能終夜悲刺促
秋月皎々夜何長念君客遊思故鄉當壚美人惜年芳遙
夜起舞歌清商歌清商送急管為君酌美酒請君勿辭滿
夜長迢々漏未終離思比之何時斷離思長夜猶短

渾沌石行

九江方叔高得武侯魚復八陣磧中小石于其處白質而黃章狀若雞子字曰

小渾沌揭藝文為作渾沌公傳云

渾沌以來不可數萬八千歲止盤古網緼乃在卷石間光
怪潛通落星渚來從魚復人盡訝坐念武侯心獨苦八陣
圖成泣鬼神三江石轉凋寒暑蒼波噴浸圓且堅雞子結
成生理全久當化鳥非為怪大未成羊亦可仙玉精隱月

此詩錯簡今依元詩改正又缺

一首亦據元詩補入

奉題達無善御史壁間劉

伯希所畫古木圖

遠樹含幽姿近樹亦古色水

傍嘗見畫不得乃在君家中

堂之素壁青林寂寞行人

窈白澗微茫斷烟隔入門

蕭々雲氣生落日便恐歸

禽爭耳後颺寒寒氣聲

知君夜眠愁雨黑留客畫

坐宜秋清劉侯學李成画

手稱獨步時見作古松盤

屈百怪聚中林一株直且良

安得劉侯寫其趣

相照射金液沆霞紛繞纏輕清已判中黃外元氣猶涵太
素前英雄事往惟存石天衡地軸今誰識江上常疑霧雨
寒坐中歛恐風雷黑一作摩挲直如見溟滓位置豈肯同
沙磔長路相將拂劍隨天陰勿使精靈得

送鄧朝陽歸赴分寧州杉市巡檢

男兒生當游八區烏能鬱々守座隅往昔滯留湘中日我
兄翱翔天子都先皇崇文坐垂拱平明西閣千官擁瓊島
稱觴日月間玉階奏賦星辰動後來執筆隨天官纂述大典
垂不刊書成入對紫微曙宴罷歸辭青瑣寒兄今得官三
釜足借乘邏騎南山麓我有家書欲寄將柴門迴映清江曲

朝陽余同里天曆初至京師嘗因天壽節獻萬歲山賦
後以能書助修大典當得內郡校官借江西司警之職
近家故也南山在寧州境脩水之上杉市寧屬故及之

送危尊師奉香還龍虎山

蓬萊使人朝帝闕馭風上下何超忽青節春辭霧閣還紫
簫夜送天香發山上蟠龍應著花五雲何處是仙家但祈
下界多年穀長共群仙飯熟麻

白苧詞

白苧白如霜美人玉手親自浣製作春衣宜短長春衣
成有時遠行歸無期願君著衣重愛惜風塵變白能為黑

題太白玩月圖

明月出高樹上懸青天中下有萬頃之澄江揚波汎彩清
若空江風吹人色淒凜此時對月誰能寢十千斗酒何足
論舉杯直就花前飲花前飲酒無與儔酒酣意氣輕王侯
仰招行雲不可得但見月與河漢俱西流仙人伐桂樹玉
女倚瓊樓願盼暫相悅弃去終莫留昨日已浩々來日復
悠々人生如飛光及時不飲空白頭君不見月中玉兔搗
靈藥不能醫此萬古之間愁何如盡醉江石上天地與我
同虛舟長嘯六合間浩然何所求

黃鵠山人歌壽

黃鵠之山仙者所遊上有萬里之雲氣下有千古之江流
日月往來揚光于絕頂崔嵬萃律橫高秋山人隱其下奇
氣與等侔時逢王子喬白日相邀留口授長生訣吹笙緱
嶺頭玉京群仙朝帝所合偕風雲會龍虎中有一人王子
徒上帝命之司府長跪誦山人引之升九霞左攀琪樹
枝右接蟠桃花逍遙佩明月出入太清家有時乘獬豸下
界觸群邪帝令司民命禍福無舛差坐調陰陽運帝車文
昌六星示光華耀照地鳳凰麒麟班陸離仙人
飄翩翠霓旗手把雲裾宴瑤池宴瑤池飲綠酒玉童東來
獻長壽下顧黃鵠山蒼々年命與之同永久

送奎章閣廣成局副楊元成奉旨之徽州熟紙因
道便過家錢塘二首

新安江水清見底水邊作紙明于水兔臼霜殘曉月空
鮫宮練出秋風起五雲高閣染宸章最憶吳牋照墨光明朝
驛使江南去詔許千番貢玉堂
綠槐五月高雲冷行人辭闕瞻鄉井奎壁秋迴帝座深斗
牛夜隔天河永君今衛命出江關却到徽州幾日還天上
應須朝絳節湖邊何得愛青山

憶昔行送雅琥正卿叅書南歸叅書居間京師行
中書調廣西選為靜江同知比上其名中書正奏

授高郵時廣西寇盜而叅書母老即移家歸武昌
待次遂作此奉送無問訊江漢故人

初名雅古登天曆
第御筆改雅琥

憶昔 文皇御天曆知君已是青真客寶氣經年動斗牛
璇光徹夜通奎壁比來蹇刺人所歎况復貧病家多厄忽
聞除書雙及門老親白髮生顏色秦郵近水足杭稻桂林
只今多盜賊待次且食武昌魚携家不過湘南驛王祥攜
來驅別乘賈誼未及遭前席此時父老怨來遲他日攀轅
會需臆騏驎那愁九州大鳳凰蚤恨三山隔秋浮江漢雲
木清夜過淮河月波白新詩屢成知自誦遠道即見何由
得黃鶴樓前遇故人因君為致長相憶

立春日對雪 己亥歲

帝城東風作春雪千花墮地吹還滅雲氣微分五鳳樓日
華稍動蒼龍闕天涯對節每思親况復愁中數見春坐憶
高堂獻生菜朝來說着遠行人

古杉行題陳兵曹所藏李遵道畫靈隱道中二杉圖
靈隱道中古杉樹上與雲霧相膠葛李侯一見為寫真霜
雪蕭蕭起毫末此杉蒼茫幾百年鬼物扶持人所憐貞心
豈容螻蟻蝕老幹或有蛟龍纏山林萬里那得致見者皆
驚棟梁器暗辟尋常度兩声暗窓彷彿生秋氣吾聞大厦
衆多持此杉誰能久弃之君不見道邊不材木擁腫百圍

安所施

隴西節婦歌為閻母田氏作

隴西節婦生何苦二十夫亡子方乳琴底愁聞黃鵠音鏡
中畏見青鸞舞自從十八嫁良人年々離索怨征塵葉落
啼看隴西月花開坐憶劍南春劍南忽報消息至生死那
知蚤相弃寒日秋明化石心悲風夜落崩城泪誓將埋玉
歸同穴終擬遺珠照來世諶州萋々種北堂柏舟渺々臨
東逝于今門戶有光輝八十紅顏世所稀郎君佐府紆朱
綬年老辭官着綠衣當時哀苦痛欲絕晚節尊榮忍能說
寒織猶殘新後机香巾未解來時結人間萬事可勝悲賜

斷江波日夜馳君不見會稽愚婦輕貧賤不待白頭生別
離

奉題陳叅議溪山四雅圖

陳公退食一事無間閣示我溪山圖晴林當畫發煙霧頃
刻松陰生坐隅恍聞鳴琴動疎竹一亭宛在清溪曲樹下
風声出舸舫石間水影搖棋局隔溪高堂鬱森爽丈人避
世嗟長往嗜書無論終日讀爰函時更臨風賞可憐九老
幽致同欲往從之不可通我貧何時見此屋悵望林壑生
清風

題順元帥府都事楊君昭雪卷後

至大間夷寇野鵠劉弄兵鬼方肆殺斂為民害至白晝
入城登元帥庭大呼狎視鎮兵若無人者時楊君為幕
白府僚發卒捕之獲其渠魁七人賊衆潰走南邊以寧
事聞會執政有衝元帥者以專制論罪凡在府者坐之
後八年朝廷亦知其枉命存坐咸復 舊官屬閩陝之
變楊君造居蜀不得通今年始來京師因靖州劉從事
持其邦人士所送贈文若詩為言狀及其為人才能遂
共感激作憶昔行一首以贈之

憶昔南夷 羅鬼魑魅何為爾奪馬朝驅大市中
桂
牛夜嘯長林裏公然入城欺元帥况論過邑殘居至府僚

會謀飭將卒殺捕渠魁衆皆靡事聞執政議專制忍使群
盜輕邊鄙明罰終能達 帝聰復官更遣司軍紀幕中楊
君西蜀彥宿昔同患今須起感時每欲淚霑膺論事猶聞
血生齒寇盜風烟互騷屑朝廷爵祿思任使至尊日夜憂
四方安得邊臣盡謀士

用王著作見寄韻奉題其所寓聽竹軒

王家好種青琅玕四壁秋声生夏寒朝回每獨風前立客
至時同烟際看北窓数竿最幽勝滿耳蕭々客塵淨截管
休將學鳳鳴世間古曲無人聽

邯鄲行

邯鄲城頭高作下白日邯鄲市上風蕭瑟故壘空餘鳥雀悲荒
垣只見狐狸出何王墳墓對山阿尚憶諸侯爭戰多趙客
歸來重毛遂秦軍老去畏廉頗黃塵白州宮前道鬼火如
燈夜相照公子秋來不見一作歌美人月下那聞咲當時兇蓋
激浮雲槌鐘考鼓宴青春只今惟有郵亭樹還送年々行
路人

傷哉行

傷哉何傷哉出門聞天語掩袂不敢哀道傍行者但躑躅
使我寸腸為之摧嗚呼上天生下民上何多災玉龍駕
若木奄忽復西迴吾聞女媧斷鰲立四極胡不使之萬古

不動長崔嵬天高蒼々不可及下民號之空仰泣

廣西謠

廣西謠一何悲水泠々山淒々寧逢徭賊遇莫逢官軍來
徭賊尚可死官軍掠我妻與子

八十里山行

桂林之區徭賊雜處南有八十里之高山絕天綿延開險
阻賊人倚之作巢砦劫掠經年勢還大官軍收捕費供給
主將逡巡竟何待居民近山晝夜愁山下行人皆白頭况
聞良家半為賊官府貪橫仍誅求安得大聚邊頭兵甲鑄
田器盡鋤高山作平地高山平徭賊斃

南屯老翁行

南屯老翁年七十官府征徭困供給大男送糧赴軍前次
男守寨不得眠盜賊時劫生口東隣西舍日夜走今朝
喜見朝廷使持酒含悽說前事筋力雖微不敢休辛勤更
備官軍至教兒應役莫逃亡縣男成長身日強但願明年
盡殺賊耕種官田得兒力

泰宇篇

元氣渾淪物之先至道周流充大圓洪覆六合完以堅曠
劫不壞體自全真人乘清馭紫烟坐攝群動觀化遷手持
玉芝授至言恬澹無為遊漆園太虛之室洞一玄絳衣神
君宅中間開闔兩扉日月旋列星離離耀擣軒玉樞金籥
固靈關物不干妙自然崇臺中峙朝列仙內景含照洞
無邊以虛為牖靜為垣子能居之神永安

雲莊行為將作院使齋正德賦

房山：川蓄清美參錯田廬間流水中有萬頃之白雲劃
然變化開竒偉紛綸北貫居庸合縹緲西連太行起映日
初緣赤縣來乘風忽被青冥裏雲莊主人起莊中亦如雲
氣隨天風從龍已取應時運作雨猶資成歲功一朝進退
卓然異衆人浮湛那得同乃知其善發天性况復所由承
世忠身居富貴心何有馬上看雲數回首別墅思臨謝傳

棋故園憶對陶公酒朝有舊臣人所賢即今未得辭歸田
頗聞醉後王摩詰乘興時能畫輞川

東溪行為滁州萬戶楊俊卿作

東溪主者楊將軍少年領兵多樹勲心將富貴同流水身
以承平住白雲聞道雲深是溪處扶桑直對門前路青山
左抱日光迴寒瀑西連雨聲注將軍臨溪樂詩酒沙鷗水
鶴相親久螺贏經年綴鼓輦蠟蛸盡日蒙刁斗白團羽扇
小綸中間携棋局過比隣舟中有客時尋載花底逢人非
避秦人間何所無丘壑車馬憧憧走城郭紅葉空藏秋渚
幽綠蘿自傍春曦落近者征南兵未休荒村窮谷多罹憂

願移部曲隳殘寇却向溪邊娛碧流

送袁慶遠赴潮州經歷

結廬清江山與隣帝里留連冬復春南陌花開臨別酒東
城柳發送行人行人直望潮陽館水驛過家風日暖天入滄溟
裊纜長路經庾嶺題詩滿桑浦人家炊晚烟昌黎祠廟草
芊芊候吏立當榕樹底丞徒到及荔枝前府中文牘紛相
積官長權迎幕賓客颺母秋還島霧清鱷魚夜徙溪雲黑
遊子天涯興轉孤明朝相憶定何如上林無日無來鴈會
有鄉人寄帛書

藥城節婦詞

藥城婦郭氏子一生长閨門底少年嫁夫夫早死牀頭
明鏡不復治落花深院鳥聲悲昔時山前哭夫處辛苦携
持葬姑去一身未亡兒女小兒今長大身益老大行三舟
河水枯妾心皎皎終不渝縣官門人見好死生別離那
可道

秋夜曲

草木搖落鴈南飛文窓皎潔承月輝淒風入房露沾衣紅
顏含彩垂佩幃簪金鳴玉揚舞衣蘭缸對耀照君闈遠行
胡為未言歸

七星硯子歌

吾聞飛星墮地時匿彩含光或為石坯凝適與精氣會泉
斲猶疑鬼神惜君家文房七星硯坐令識者嗟難得天上
還愁失白榆匣中歛見開玄璧尋常傳觀潤生手造次何
忍汙以墨孤月秋懸列宿稀五雲夜墮三台拆新晴試筆
當廣庭頃刻烟霧生青冥忽憶前年渡河漢奉使不識天
文經歸來空有支機石長使人間知客星

送篤敬夫御史之南臺

布衣憂國人共嗤有時沉思坐終日不愁賢才進用盡但
恐吾道經綸屈忽聞故人拜御史走讀除書百憂失文氣
寒依北極回德星夜徑中天出故人昔在天曆歲憶送君

行把君袂瀟湘洞庭霜始青蓬萊弱水風能至董生對策
遭英主韋相明經起高第丹閣終看集鳳凰青雲早見驅
騏驎一生忠義心所留身至霜臺仍黑頭感君氣槩重交
分令我懷抱開羈愁繡衣南下動江海寶劍東行吹斗牛
吾聞獬豸憎魑魅肯使鴟梟為寇讎

天師張太玄祈雪歌

至元二年冬不雪 天子夙夜憂黎民宮庭擇日詔方士
臺觀通天求百神留侯之孫住龍虎世領祠官列圭組鳧
鳥經時謁紫微鳳章半夜飛玄武皇天愛民祈可必臘雪
依微應三日望拜還聞在竹宮受釐忽報臨宣室天地杳

默韜玄功賜予紛紜思禮隆請和六氣輔元化常使九州
歌歲豐

銅爵硯歌

鄴中文磚天下奇流傳為硯亦堪悲月砌寒傾古臺莫雨
犁耕出斷釵時荒涼火燒狐兔窟金棺別葬奸雄骨石麟
暗刻魏春秋銅雀空題漢年月可憐此硯依浮世曾見高筵
美人醉行迹猶霑旧鞵塵啼痕已滅新粧淚向來登踐日
紛紛即今磨洗見奇文題詩為吊西陵樹地下曹瞞那得
聞

寄浙省郎中秦不華兼善兼簡趙郎中

故人青春起高第才名豈是尋常者蚤將心事同稷契直
以文章擬晁賈憶昨為客初至燕傾蓋逢君五雲下心好
古書窮篆籀力研六義追風雅一朝乘輅當遠發即恐地
絕長相捨玉樹終期別後攀驪珠更擬來時把二時巡郡
著綉衣幾處逢人避驄馬近聞被命佐華省錢塘名區最
瀟洒百粵山浮白日閒七閩海入青天瀉幕下况有趙郎
中平生意氣君所同當時群姦畏直論茲者二妙齊高風
嗟我歸從日南國一官蹉跎今始得十度望君九斷腸誰
能為我生羽翼

題崔白飛鴉集鴈圖

西風吹江湖水落沙石出汀洲無人秋色遠落鴈歸鴉滿
斜日蒼然萬里聚尺綃粉墨變化生毛質群噪晴翻洞庭
野早飛暝拂鮫人室翠藤古木分慘澹折葦枯荷與蕭瑟
亦知画有當有情坐客傳觀反愁疾豈有人生不如鳥飛
鳴各自安其匹君不見孔翠入君門局促金籠一生畢

烏全子為晁安鬼作後母害之劉長道者生之

烏施三尾襠三生時作巢養子雄樂雌一雌死一雌來三
雛待母食一雛長獨飢彼母胡不仁子不雛母將柰何雛
在樹母咏逐雛去樹百鳥利雛肉常恐身斃巢亦顛母雖
愛二雛巢壞寧獨安忽有黃鵠從東來挾雛置樹間含哺

以食教以言今日羽翼成黃鵠不言恩

武氏節孝篇武用妻蘇氏子名德政

孰不有婦武氏有婦貞且慈夫疾自刳股夫亡守空帷志
不可奪義不可虧命子有遺言千載為母儀

孰不有子蘇氏有子孝以順生時養母不違母亡沒長思
奉遺訓負土為墳廣塋域東西築臺高百尺二泉出地蛇
所導神物冥三寸心格泉廢尚可發土夷尚可增吁嗟蘇
氏子同傳身死有名人鮮能

遠將歸

遠將歸恨歸晚通州河頭有船雇行人將歸不言遠人家

生子少離鄉一生長在父母傍自憐出入無年月北走京
師南走越他人富貴輕貧賤一日金多棄鄉縣小官祿薄
何足為得及父母康強時說着還家客心喜此身雖貧亦
不耻

覆舟嘆

吳中富兒揚州客一生射利多金帛去年販茶湓浦東今
年載米黃河北遠行香火倚神明從來風水少遭驚近日
舡行御河裏順流日三南風喜笑人上水風打頭豈擬自
家船入水前船各自向前行後者還來逢哭聲妻子家中
未知死同侶將書報鄉里道傍歎者獨何為昨日寧聞今

日悲豈不見他平地上風波頃刻少人知

書陽羅堡

微雨蕭蕭濕行李馬頭即見長江水烟浦明侵白鳥邊風
帆亂入青天裏故人南北久離居况復經年無素書明日
重吟漢陽樹何須不食武昌魚

雙劍圖歌

莫邪干將古神劍得水化作雙龍翔斗間寶氣入江滅波
裏金鱗翻日光道人筆鋒如劍利亦能化龍致神異黑風
肩頭濤欲立白日陰雨將至忽然逢之不敢窺爪甲雲
氣常淋漓便愁中夜雷霆怒雨龍乘雲盡飛去

金人擊鞠圖

古來北方善騎射材力往矜豪雄吾觀金人擊鞠圖意
氣已欲橫土中黃旗鷗羽指天黑繡柱龍鱗掀日紅鳴鞭
縱轡捷一發左迴右折如旋風流星迸亂拂衣裏飛電翕
忽生馬鬃極知此藝較輕矯馳騁亦似觀成功後來唇齒
不自惜縱習武勇終亡國當時得失爭一九百歲安危復
何益

題篤御史海鷗圖

空庭海鷗誰所狀海氣初高鷗神王雲脚西騰弱水涯潮
頭東出飛霞上此時扶桑色始分下視百鷺空其群日中

梁刻李起此

金烏側相避籬下凡禽何足論

醉仙圖

吾聞真人絕嗜欲酒有何好仙好之八人坐飲崖樹下大
醉千日無醒時夢中冥冥浩劫始世人不知其所以蒼梧
洞庭孤月生閨風玄圃鮮飈起猿啼鶴翥無復顧顛倒烟
霞在冠屨壺中盡是長生日物外無非共游處醒時所執
醉若遺萬事紛紜何足持嗚呼仙道或在酒於我不飲生
何有

武夷山下接孫伯大山
居圖

武夷山雨圖懷杜徵君

武夷山中春浩浩疾風滿地翻瑶草雲來九曲川欲平雨

發千峰樹如掃谷口車輪不能辨水邊茆屋終相保可憐
卿相多黑頭空谷斯人著書老

孫伯大山居圖

瀕座

洞庭之區水所瀕波濤四時春太虛故人卜築乃厭此因
遣好事圖山居昨日開圖見山色坐中烟雲生頃刻峭石
雄爭華岳青飛湍怒截天河白衡門雞犬仙源裏野徑山
橋宛相似掃花可以坐白雲採藥誰能記流水知君愛山
不在山畫者所見非人間竹陰對客自吟嘯松下聞泉時
往還我生食貧苦奔走石田茅屋今安有招隱空懷小山
桂讀書未種先生柳看君此志真絕塵只今功名始發身

會須買田增築室遲莫有意來相親

伯大山水圖

澗何

齋居胡爲見雲壑白日虛嵐滿秋暝曲水深蟠地底回層
崖險歷空中上蒼茫不知開闢始只尺須論數千丈林端
遠岫微有無岳畔精藍蔚蕭爽雜樹懸蘿拂輕黛寒松覆
谷含清響仙源或在人間世洞口孤舟欲長往嗟我平生
最漂泊中年萬事何鞅掌憶昨征行多所經至今絕境懷
幽想雷霆半夜山忽至風雨三春石應長對坐聊歌隱士
芝無因一試仙人杖

方少府雲山圖

岳陽方君嗜山水妙墨千金不論價好事林生偶相得乘
興能爲米家画雲壑幽森愁翠虛風林颯爽宜朱夏石橋
對面寒泉落茅屋無人午烟罷知君家居洞庭左亦有別
築東山下鄉者入侍白雀宮終日奔隨六龍駕谷中白雲
晝自滿石上青松歲當化爲憐束駕事趨謁常擬還山事
耕稼我亦平生貪勝境誰其未老身閒暇就君買山安得
錢願乞長縷掃嵩華

送蒙古學正楊茂先歸

古來篆籀久不作聖代同文變新學近者秦書廢舊傳諸
生漢詁求先覺岳陽官舍冷於秋微祿淹人歲月流已聞

給告還鄉縣明日風帆失郡樓

題宋道震皇都春色圖

客居栖霞山自號栖霞子平生好詩仍好畫詩與蒼茫畫
圖裏昨日山中開酒壺酒酣聽我說皇都坐聞皇都好春
色引至東家觀古圖東家古圖長一匹數字猶題馬麟筆
上有宋皇飛白之草書舞鳳回鸞弄雲日此卷臨摹用心
苦猶悵生綃不如古歛從坐上見平蕪便恐征衫濕微雨
雨中如聞人語聲彷彿謂是長安城水波已暖浴歸鴈宮
柳初長啼早鶯闔闔霏微立雲起樓臺隱約千花底是中
冠蓋多貴人想見行車若流水豈無禮樂成教化亦有文

章侍閒暇山人胡爲獨長往或問長安指圖畫居不見古
來出處稱達生山林朝市各有名百年造意無不樂聊醉
春風歌太平

題章存誠十三馬圖

集此者接取劍圖歌

韓幹畫馬天下聞筆力遠到曹將軍忽從座右見神駿落
日蕭蕭愁暮雲雄姿利氣閒且逸霧鬣風髻示十三匹神龍
變化未可知天駟光芒有時失去年刷馬喧都鄙紛紛殺
風塵馬輸馬耳騏驎遙依沙漠寒駑駘盡向江南死江南近來
一匹無居家乃得存此圖便當持獻穆天子上下八駿同
馳驅

題劉煥宗明皇四駿圖

明皇昔時愛名馬天廐所育皆神龍今君畫圖有四匹無
乃神駿來九重圉人控御愁閭闔千里長安草蕭颯沙苑
畫疑雲霧有渥注夜恐風雷合因思蜀棧鑿與苦邨見唐
宮教坊舞老驥飄搖弃長道美人寂寞歸黃土開元舊事
誰復陳獨使此馬傳其真今令人觀画心所忽古者千金市
駿骨

梧舉行爲塗張會慶賦

玉山桐林君故鄉間有梧樹恭天長高枝蒼茫會風雨老
幹偃蹇殊陰陽江皋顛氣接飛翠屋下春泉流細香敬候

種木晚爲用少陵移居恒不忘只今城中池水側還植遺
根志先德鸞鳳棲枝漸長翎蛟龍伏竅終生翼飛英拂硯
春常滿落華當庭晚逾積避暑時開背日窓聽風或坐臨
流石蘭臺御史玄圃僊高風勁節時所傳肖將文章著始
末坐使泉石生光妍昨者尋君坐梧下爲君誦詩神爽然
他時清廟製琴瑟君有長材寧弃捐

劉宗海山水歌

吾郡山水邑材藝皆絕倫昔時稚川善遊戲妙墨徃徃追
前人後之作者非一士劉生妙年下筆親意營慘淡竊元
氣功接虛無通鬼神一生精勤嗜奇古十年不見今楚楚

繫刻本起此

菜山首下橋水劍園
歌

忽然遺我四老圖白日雲烟起窓戶頭上松花坐處落手
中芝草饑時咀此翁脊骨非世人蹤迹何因到城府誰依
澗石開茅屋亦遣疎花映脩竹樵斧時隨白鹿歸漁舟獨
繫青楓宿嗟余奔走貪長道見画幽人愧塵俗近時詔下
微隱淪茲士胡爲置空谷

牧牛去題袁慶遠經歷所藏画

牧牛去千山復萬山上山日出愁起晚下山日入苦行難
手中鴟鴞牛伴侶養來多日能人語縱牛不牽繩自垂聽
他行食毋苦之欲歸尚憂牛不飽更近前溪多水草但願
年年牛盡肥主翁足食身足衣農家養牛國所賴惡火城

中殺牛賣

贈相士潘碧山

安成碧山子所居以色自取夫何如眼同秋水照絕壁心
與浮雲行翠虛古來善相稱許負子有藏書服膺久直言
往往驚四坐乃使世人畏其口嗚呼萬物同一氣妍醜於
人豈天意蜂目誰知不可親虎頭自信終能貴近者遇子
岳陽城知我貧薄謂我清顏回屢空吾豈敢猗頓多貲非
所榮潘生潘生子非佞我生久已安微命君不見松栢空
自材歲晏蕭蕭雪霜盛

贈醫士謝茂德

塗汜遠近皆名山仙翁羽客多往還玉田輝輝生寶氣丹
竈往往留人間謝君逢之得其道家積群書日探討上池
飲水能知物東海得方還却老早時玉柱照庭階世俗紛
華志寡諧幾回酒到能傾座何處詩成不放懷古來醫術
資造化內足看君貌閒暇市上懸壺豈近名城得藥應
同價種來林杏日青青猛虎環行袈不驚豈無詔使來弘
景亦有詞人傳家清近者江城喜邂逅人生那得長相就
丹砂見說可輕身遲子南行覓句漏

題胡志同所藏牧牛圖

達官肥馬飽欲死農家畜牛恒苦飢春田百畝用牛力出

入飼之須以時平林蒼蒼雨如霧散牧前坡自知路今年
作苦牛勿辭去歲凶荒闕王賦

題香室僧所藏簡天碧松檜圖

孤松直立苔滿身皮骨老作蒼龍鱗墨池得水怒穿壁屋
上垂髯寒近人傍有雙檜左紋皺短蛟下躄不敢伸神靈
變化或有日雷電時時撼香室

牧牛圖歌并叙

牧牛圖者袁氏之族送其經歷君赴潮陽而作也圖有
竹木水草其間一牛食且飽由由然弛其繩以憇牧者
弄禽於其側而各自得焉蓋民之就牧者有類是牛吾

養之而不害焉則可終歲食其力矣經歷君既公潮而
歸余始獲觀圖於其第且聞潮民多德君者圖果有輔
於是行哉請作歌以題其後後至元四年十月某拜
我生田間食牛力牛為民命古所惜漢相行逢躬自問齊
王坐見心先戚者君此圖誰所畫牛傍牧者何閒暇哺禽
獨坐芳草中歸逕應過竹林下牛飢或食飽或眠養之勿
害天者全服箱可以致遠道力穡由來知有年吾問長民
如此牧養民得肥國當足君不見去年東海頭家家賣刀
買黃犢

傅與礪詩集卷之三

傅與礪詩集卷之四

五言律詩

發武昌留別諸友

客子南來久京華北望遙交遊驚遠別文物慶清朝江漢
春先動幽燕雪漸消芳年各努力流歲不相饒

江州社日阻風

社日長為客行人總念群湓江春過雨廬阜晚生雲春酒
沿靜飲清弦送別聞風檣未得動堅坐且論文

大霧過安慶

水郭浮蛟室雲帆度客星江空連海白山遠入淮青訪古

聊須到乘流未可停遙疑天柱曉風霧颯精靈

呂梁洪

巨石中流伏盤渦盡日旋善游因土俗近住有人烟陰或
過三峽深疑及九淵輕舟脫魚腹錦纜得徐牽

下邳懷留侯

豪傑閑休運乾坤屬遠猷自須成漢業豈獨報韓仇黃石
嗟長往青山感昔遊同時多草莽事定覓王侯

對雨

到京餘二月聽雨獨今朝暝壓高城暗涼通積水遙猶宜
深潤澤已足淨塵囂萬里井爲客謳歌樂聖朝

七夕

耿耿玉京夜迢迢銀漢流影斜烏鵲樹光隱鳳凰樓雲錦
虛張月星房冷閉秋遙憐天帝子辛苦會牽牛

八月十四夜聞雷

京華萬里客已念久離群月幸中秋見雷驚靜夜聞奔騰
迴翔野黯澹帶南雲有感西風裏星河子細分

中秋有感四首

萬里中秋月孤齋病客心庭闈兼喜懼書問隔浮沉地出
西江永天旋北極深蒼茫家國意搔首獨長吟
今夜霓裳樂宮中遂不聞乾坤劃慘淡河漢錯繽紛鸞背

霏寒霧龍髯濕斷雲巡遊多近侍宗社倚元勳
日夜瞻鸞駕生靈係聖躬都門一騎至血淚萬行紅桂月
虛秋殿梧雲冷暮宮孤臣重北望掩袖泣西風
翠華遊幸地悵望感清塵洒竹啼宮女持弓泣野臣金盤
殘月露玉座倚星辰獨有龍鸞氣長令草木春

海子上

獨步金河上遙看碧海隅橋疑通月窟船或到方壺蜃室
寒林杼龍宮夜出珠浮槎八月晚應念客星孤

即事

日斷虞淵日心傷魏闕秋霍光元在漢周勃固安劉廟社

多佳氣公卿足遠歎宸居終不改羈旅莫深憂

未有龍庭使猶嚴虎衛兵雲山秋塞遠星月夜樓明逆旅

多防盜遷居競入城竊聞定神器且可慰群情

聞有西宮使還從北極來日浮三島動天抱五陵回群志
安中土繁星總上台汲知社稷計須伏棟梁材

客舍

清商忽已動大暑欲全蘇竹響秋聲合松涼雨氣俱玄蟬
依木靜蒼隼入雲孤西扇寧忘汝祗傷鄣候殊

詰陳宗道酒不至淹留高劉諸公坐

酒許今晨至灯從昨夜花邊人聽繫馬留客過栖鴉高適

邀同至劉伶興轉賒不成投轄飲悵望隔風沙

賦得天際舟送兵部張孟功治河

日下行人發春辰去鷁催纜侵斜月解帆向斷雲開度鳥
窺詩卷垂虹映酒榭尋源不可盡奉使幾時回

幽居即事

夏木陰森合晴窓隱映開青禽翻露起紫鴿上雲回酒自
隣人送書因送客裁非闕傲朝士直畏犯炎埃

地僻連高樹庭虛集晚煙烏銜朱果落蟲曳碧絲懸扣戶
鳴空盜開渠得古錢深漸窮巷客時枉故人殘

詠大樹谷靳御史

大樹高風集蘄潮四面來輪囷蟠厚地蕭瑟撼平臺雨暗
蛟龍出天清鶴鶴回明堂須重負歲晚見奇材
造化涵滋息神靈會渺茫色分群木秀陰覆數家涼白晝
鳴風雨玄冬度雪霜因知免樵采故解拂雲長

送別汪仲罕赴處州鹿水簿

括蒼晴樹裊遠色正氤氳江白連滄海山青入
習主簿兼似鮑參軍縣路多行客看詩定覓君
雲俱傳

夜宿揭監丞齋館

旅舍塵都滿齋居意自幽飽時晴獨往樹底暮相留詩許
家僮學書從坐客求何因謝拘束來往屋東頭

山東主僉事君

因書問訊以詩代荅三首

都門相送罷千里只馳情
鴻經時到乘驄累月行春浮
海岱闊風入泗沂清遙憶題詩處
花開亂曉鶯
聞道輶車出觀風處處臨
汶流春雨淨梁甫夕煙沉書到
能相問詩成想獨吟京華萬里客
牢落損鄉心
君家瓊樹好齋館舊相輝
客至者皆惜春來見亦稀
遲遲數字往悄悄寸心違
無眼臨風意何時把繡衣

送金華王琴士還山

年少金華客囊琴暫出山
忽聞春水滿徑逐暮雲還
三洞飄玄鶴双溪下白鷗
應尋牧羊子時過綠蘿關

寒江獨釣圖

歲暮漁竿客天寒向水雲
孤舟清沉沉双鬢白紛紛
雪樹微茫見風篁縹緲聞
王車如出獵何處定逢君

次孫伯剛鶴雛詩韻二首

弱羽為人養卑棲每自歸
步苔依坐石窺竹映開扉
幽島秋雲迴空庭夕露微
紛紛野田雀終日稻梁肥
青田伏始出
水立風行沼庭棲月入扉
含
仙氣足猶混羽蟲微
寒廓終高去軒墀豈自肥

題畫扇

絕境群峰合深居

俗人來已少山客見猶難
閣

凭風迴青林蓄雨寒

何事欲朝冠

挽蘇郎

蚤歲攻鉛槧長材

如何違畫省即擾邊青

士

傷任愧鄉人慕薛苞新城風樹晚行客泪痕交

時世事多違乾坤露易晞斯人嗟已遠今子足相輝白日

明珠樹青雲起繡衣能令墓前石終古照山扉

得舍弟書志喜

忽有鄉閩客能傳舍弟書披衣喜不定倒屣問何如竹卷

新客馬花溪夜得魚吾親足自慰鄰舍總安居

和雨中桃

爛熳多臨水霏微亂塞蹊燕輕沾葉喜鶯滿生枝低歌袖
歸時濕行舟望處迷夜聞春漲發因憶武陵溪

中秋分題賦廣寒殿

月殿懸銀枕雲階攝玉梯沈寥天外出回合霧中迷御氣
通黃道仙音合白霓行人不敢近桂樹長皆齊

奉和揭監丞立春病中之作

京 立春年老更迎新汗竹從 養病身乾坤

萬化出日月四時均

詩獨過人

相思梅蘂春復見柳條新

過眼雲 各置身感時

懷子美違俗憶靈均

今何似朝來未見人

近日

近日人皆弃方春客未還憶尋雲外跡吟看雨餘山庭草
通行屐簷花對掩閨蕭然 此物慰羈顏

獨客書空坐孺塵過眼飛自知窮巷竄能使故人稀雪樹
晴猶濕春苗暖漸肥風光歷庭戶多謝不相違

揭監丞枉和仍韻奉謝

苑樹鶯初亂江城鴈欲還春愁兼獨坐暮色更千山風雨
蛟龍宅星辰虎豹閨年華將世故不用損朱顏

城闕春風起樓臺霧雨飛雜花移欲遍幽樹種仍稀水鳥
時時狎林鳥箇箇肥獨吟生事拙常與世情違

寄題余泰富隱居

聞說幽栖處遙連郁木天徑開移竹地渠引灌花泉坐客
留傾釀隣人訪草玄京華遠遊子那得共盤旋

挽徐希韓

少日遭離亂經年葺喪亡呼詩自可老好竹未能忘
舍餘春雨封丘對夕陽傳經仍不混遺澤故應長

挽徐春山

道路干戈後田園積餘 兒課夜分書 樹

成新象山

潛德在鄉閭

拒馬河

落日蒼茫裏，秋風慷慨多。
燕雲餘古色，易水尚寒波。
岸絕舡通馬，沙交路入河。
行人悲舊事，含憤說荆軻。

薩天錫畫屏

入坐聞流水，開屏見遠山。
路通烟樹窈，門對野橋閑。
拄杖晴俱出，漁舟暝獨還。
桓慙萬里客，塵土汙朱顏。
娟娟幽竹好，箇箇倚天長。
白日含烟雨，清秋動雪霜。
渾疑過雲夢，猶憶對瀟湘。
何日開山徑，吹笙引鳳凰。

延津渡河

驛路南征遠，河津曉渡危。
風霆劃簸蕩，雲日互參差。
鳴櫓中流急，懸帆上浪遲。
交州却回日，應及水清時。

金竹道中書題桃花驛

征南萬里使行道，畏蹉跎平壤。
踰淮少青山，入楚多田依。
深谷轉路迫，新崖過後夜。
南樓月，羈離柰爾何。

對雨

飛雨飄飄至庭樹，隨雲縱度閣。
從風亂入楹，依微閣方霧密。
繁思良難理，虛襟坐復盈。

道傍松

鬱鬱群松裏，蕭蕭數騎行。
色愁侵帽碧，寒畏入衣清。
遠露看時合，微風聽處生。
棟梁須汝在，來往莫相輕。

石塘驛

累刻亭
起飛雨云

颯 發餘榮
暮 歷亂然輕

霧

信道路清秋莫林出白晝昏入松雲氣滿傍竹雨聲繁
馬知前驛聞鷄識近村偶然逢水石真使慕田園

蒲圻道

蕭瑟行松竹蜿蜒出薜蘿地臨江北重水近岳陽多赤壁
去殘雲失青山宿雨過登高望不極懷古意如何

港口晚行

早起星猶在前行路稍分人家隔樹見山鳥過橋聞澗響
多于雨林昏半是雲晚逢力田者愧爾一生勤

臨湘

宿雨愁泥滑長途畏日斜黃蹄幽徑犢青聚古祠鴉野屋

時依竹山園各種茶巴陵看漸近遙識故人家

平江道中

洞庭南去路暮

走馬千峰過哦詩萬谷應竹深

園亂棘松老落

長沙道梅花發未曾

紫刻李此首後
有無四態一
補後

柳先生祠

江抱零陵郡山藏鉅鉅潭古人如水去祠樹與天參述作
籠諸子風騷迫二南後來竊時譽吾輩得無慚
才大當為累居深久自寒蟲蛇需翰墨魚鳥識衣冠息壤
風烟古愚溪月露寒經過懷故迹繫馬重盤桓

常安

桂林

桂林南望遠山路與雲連淺水清函石攢峰亂刺天干戈
仍歲月瘴癘接風烟蠻寇何能定邊氓亦可憐

賓州

梁刻本賓州一首在
仙奕山一首後
過嶺冬猶熟綠山夜未寧樹殘兵後赭州蕪燒餘青西寇
迷仙霧南人候使星民居日稀少唯見短長亭

仙奕山

絕壁青天裏危亭綠樹中雲封丹竈冷日照石枰空五嶺
塵猶暗三山路豈通黎民憂盜賊何處覓仙翁

大小石疊

嶄絕山如削崎嶇路欲荒竹繁兼霧暗藤落帶風長鳴鳥

與

梁刻本此首後有臘
日入安南一首補後

時相近垂猿巧自藏只疑人事隔隨處藥苗香

憑高

使

世祖初開業安南早貢琛國蟠蝸角小地接犬牙深漢節
猶頻入蠻兵莫見侵數州須極恤萬感寄登臨

陀覽驛

日月低鈿柱雲霄下壘書山通漢使道田繞馬人居文字
雕題後衣裳斷髮餘擯榔襍鷄黍相迓滿郊墟

將歸

道路南馳遠山河北望深班超晚投筆揚震夜辭金事往
徒勞問詩成只自吟背人閑倚柱誰識此時心

答別龍州蕭從事韶

北極絲綸下南陲政化通靈槎浮度斗瘴華^草偃隨風殊俗
難爲別清談喜屢同馳驅不可住心切大明宮

使節明金虎腰弓偃畫蛇蠻夷趨號令原隍見光華邊樹
猶含綠江梅久放花憶君依幕府何日定還家

還聞柳州破道阻將泝江

交趾方通使賓州忽被圍還聞山路塞徑就水程歸上府
空金椀前軍老鐵衣誰能平政化不事總戎機

栢州嘉魚亭

舟楫回沙驛旌旗駐郡亭江通五梵白天落九疑青此日

瞻雲氣誰家見客星軍須晝夜急寇盜幾時寧

崇仁峽元日思親

野宿逢新歲鄉書隔故園樹間深倚棹沙際迥開樽水影
搖江瀨巖聲應峽猿高堂鶴髮在萬里憶兒孫

別靜江文學諸公

乍見先愁去將行未忍分字期歸後寄歌畏別時聞驛樹
過春雨江船隔夜雲驅馳念吾弟羽翼待諸君

和智禮部早發興安

早發興安道人瞻奉使槎兩來鳴近樹雲去落誰家解纜
眠看竹哦詩坐煮茶歸程足幽意莫向市朝譁

浯溪

艤棹依江岸尋橋過寺門竹深題字滿苔古刻文昏石色
兼雲冷溪聲雜雨喧浯亭正何處為覓滂郎孫

石鏡

方石開玄鑿寒輝截古銅映天渾欲迴含物坐疑空影
無時度江光盡日通往來多自照妍醜莫相蒙

衡湘驛

烽火連諸郡旌旗轉百蠻野鶯先客至江鴈及春還吳楚
青天迥瀟湘白日閑登臨慰懷抱况復近鄉關

長沙見嚴親

遊子方春至嚴親盡日怜別來憂道路喜定問山川百粵
元過嶺三湘總入天歸朝誠努力江上莫留連

金陵晚眺

金陵古形勝晚望思迢遙白日餘孤塔青山見六朝燕迷
花底巷鴉散柳陰橋城下秦淮水年年自落潮

沛縣

縣路迷青草行人蔭綠楊時逢沛父老能說漢君王芒碭
來秋氣彭城送夕陽凭高發慷慨遠色正蒼蒼

六月二十八日至京

使節遠雙闕天書下百蠻雨蒸歸日路雲合去時山嶺表

兵猶動灤陽駕未還安邊數策在不得犯龍顏

中秋同主叔善諸公分韻得中書字

皓月開良夜清颿洗太空氣浮銀闕動光與玉壺通霧露
分毫末河山得鏡中寂寥今夕會歡喜故人同
城闕臨秋迥庭軒抱月虛桂枝涼可把桐葉淨堪書會合
驚時序飄零憶里閭壺鵬聊共引文字足相於

題陳大禧山水

古木風烟底遙山霧露餘野舡依渡小村舍隔林虛路暗
疑聞犬江清或見魚行人向何處應就白雲居

賦贈秋海樓堦

長天盡碧海遠色赴高樓日湧層波夜風迴絕島秋釵簾
逢鶴度倚柱見龍遊何日臨空閣從君望十洲

胡廷英箕山別業

高年餘菊水別業在箕山野鶴行相逐溪雲出自還樹陰
近迎客健花下引孫閑游子京塵底聞風欲汗顏

酬黎別駕

遠道勤相憶明時愧不才偶乘天藻出親到越裳來離恨
留詩卷登臨罷酒杯尺書非敢愛南鴈或遲回

酬景德載

迂濶長憂世羈離久任天春歸萬里別臘盡一書傳江漢

謳歌底瀟湘盜賊前相思未即見真愧徧公賢

和王申伯寄子伯昌叔善

聞有閩中使遙怜闕下寒客袍寒恐薄賓館住宜安天廐
千金足霜空萬里翰丁寧重建業留簡後來觀
尺素題封遠驪珠滿把寒長中夜起清夢幾時安霜雪
驚華髮風塵惜彩翰王家子弟好吾輩得相觀

骨肉拘遊宦田園隔舊鄉村聞

後美松見種來蒼著述

工何用驅馳苦脩葺

季子最相望

一老淹閩海三年憶帝鄉

乘赤壁是禮天蒼文

歸朝親聲詩托禘嘗周南不必恨有子慰深望

挽括蒼姚君衛

南宋傾危日東園隱逸年芝雲

泉外松月爛柯前自決

生營塋人疑坐得仙猶聞化去日能寫示兒篇

處士樵歌遠空山^宰木寒田生晚傳易陶令早葬官白日

開琪樹青天下玉棺看君真不死文采映芝蘭

挽李森高夫婦

厚德鄉評在高情世事遠孟光能共隱蕭史不同歸夜雨
悲懸楊^榻秋風憶斷機承家足文彩同穴有光輝

挽劉侍御

臺首思耆舊朝廷失老成遂悲劉寔死猶擬謝安榮星落

長沙白霜留建業清湘山夜來月還照泪縱橫

京師守歲

日月催時序乾坤隔晦明殘年萬里夢今夕幾人情
久客煩朋友双親倚弟兄深慚須薄祿不得謝浮名

次黃次舉

尋君已出俗久立向空庭把袂驚相得開樽愧獨醒
雪餘深樹白山憶故園青未有同歸日哦詩且共聽
蚤歲違鄉里終年忘闕庭久同今日俗敢謂古人醒
奉使心常赤逢人眼倍青紀行多近事愁思不堪聽

送羅憲使

雙闕除書下三山綉使來荔枝迎馬拆茉莉近人開
輕箠行時把单衣上日裁不須愁濕熱冰雪滿烏臺

使節安邦郡輶車出帝京星連百粵動風過七關清財賦
東南入瘡痍日夜生到官頻訪問常使慰群情

發通州

燕騎經旬發吳舡此日行樹知風起色帆識雨來聲
驟轉長林暗斜分絕塞明河流今夜滿無復滯歸程

水村

野樹籠葱合官橋屈曲通入天迷遠近看日得西東
酒旆青搖水漁曹白映空時還問村落何必似城中

河西務

驛路通畿甸，江廩倉俯漕河。騎瞻西日公，帆聽北風過。燕薊舟車會，江淮貢賦多。近聞愁米價，素食定如何。

直沽口

遠漕通諸島，深流會兩河。鳥依沙樹少，魚傍海潮多。轉粟曾秋入，行舟日夜過。兵民雜居久，一半解吳歌。

海戍沙為堡，人家葦織簾。使通漕米共，捕入京鹽蟹。憶霜時賤蚊，愁夏夜添。人倚舡坐閒，愛草纖纖。

五月二日清州

舟行旦復莫，愁坐惜離群。斜日看帆影，微風愛水紋。鄉心

增渺渺，節物漸紛紛。何處榴花色，如今似舞裙。

長蘆

水國常含鹵，沙場業煮鹽。轉輸分使出，征權置官監。橋壞仍通市，舡來總落帆。依依道傍柳，無那拂征衫。

秦郵

縹緲平湖白，微茫遠樹青。田分高下水，道俯短長亭。鳧鴨烟中亂，魚蝦雨裏腥。秦郵看漸近，城郭記曾經。

湖中方洲即景

野屋垂楊裏，方洲積水回。舡通菰葉過，門對藕花開。豈是嫌城府，真疑斷往來。居人惜未學，詩句不能裁。

安慶

驛路通淮甸歸人及皖城山國圍柱天柱起江赴海門傾孤塔
凌風迴危樓近水明舟中望猶憶公時程

初歸

遠道趨鄉國中宵夢弟兄松篁數里見桑柘十年成慈母
驚相問鄰兒笑共迎無錢米足恨骨肉慰離情

送鞏志道挂憲史

憲史才名舊南遷歲月遲湘中獨發夜嶺外早行時暑雨
過榕樹涼風起挂枝殊方慎寢食莫遣髮成絲
相見嗟已晚相知情獨真一生多好直終歲少言貧豈是

輕微祿祗應念老親送君徒悵望心迹不堪陳
五嶺連烏府群賢列綉衣閉門文史足巡郡簡書稀日月
明丹微風霜滿翠微時時念疎遠吾道亦光輝

卧病

風雨長沙郡泥塗陋巷居病嗟眠食少貧覺往還疎楊柳
低應濕莓苔映座虛淹留未足恨昆弟久無書

志道雨中留飯

急雨侵危坐長衢滯獨行乾坤一氣塞溝壑衆流生巢鳥
憂漂戶江鷗喜結盟主人因飯客對此未忘情
箕畢星多好江湖水亂行暑兼雲氣濕秋共客愁生東海

猶聞變南夷數背盟相逢得相對世故莫関情

張振卿見訪和韻

漂泊怜生事經過念索居紫苔歸鶴晚青竹照螢疎避俗
門多掩期人席久虛題詩擬相屬桐葉正堪書

近聞長者轍能到故人居青眼非関傲蒼頭或見疎孤城
秋水迴高樹夕陽虛相見池亭裏歸來試草書

善原道弟原性處問舍弟信

令弟來衡岳何時出桂林干戈百粵外舟楫五湖深惜別
長回首言歸摠慰心嶺南予季在書問豈浮沉

送巴陵諭張復心

化俗須文物成功錄歲年祿微那避事官冷亦稱賢俎豆
諸生在絃歌一邑傳洞庭臨別日摠有送行篇

挽楊都曹

郡縣師秦吏江湖屈楚材上官勞薦引中路坐迂迴
秋蓮廢仙源夕樹開佳兒舊相好聞問不勝哀

美齊東王師猷

聖代昭耆德王家重伯兄性疑元亮簡心見伯夷清海岱
成高隱江淮罷遠行潛夫堪著論處士豈虛名
太史書遺逸今時見古人曾參無更娶原憲有長貧糧絕
寧終餓廬焚竟自陳高情嗟已矣薄俗愧真淳

猶聞變南夷數背盟相逢得相慰世故莫關情

張振卿見訪和韻

漂泊伶生事經過念索居紫苔歸鶴晚青竹照螢踈避俗
門多掩期人席久虛題詩擬相屬桐葉正堪書

近聞長者轍能到故人居青眼非閑傲蒼頭或見踈孤城
秋水迴高樹夕陽虛相見池亭裏歸來試草書

善原道弟原性處問舍弟信

令弟來衡岳何時出桂林干戈有粵外舟楫五湖深惜別
長回首言歸總慰心嶺南予季在書問豈浮沉

送巴陵諭張復心

化俗須文物成功錄歲年祿微那避事官冷亦稱賢俎豆
諸生在絃歌一邑傳洞庭臨別日總有送行篇

挽楊都曹

郡縣師秦吏江湖屈楚材上官勞薦引中路坐迂迴
秋蓮廢仙源夕樹開佳兒舊相好聞問不勝哀

美齊東王師猷

聖代昭耆德王家重伯兄性疑元亮簡心見伯夷清海岱
成高隱江淮罷遠行潛夫堪著論處士豈虛名
太史書遺逸今時見古人曾參無更娶原憲有長貧糧絕
寧終餓廬焚竟自陳高情嗟已矣薄俗愧真淳

又上人求母汚陽

開士辭家早慈親割愛深倚門思一見飛錫誓相尋鴈度
雲移寺烏啼月照林此時憂白髮長路政關心
受法從西竺懷恩限北堂書來一洒泪經罷九回腸
連春水江湖散夕陽袈裟拖樓底遠色正蒼蒼

答揚聞禮

家學存先葉囊書受異人江湖行欲徧山水宿相親黃壤
羅翁仲青雲滿縉紳百年多宅兆融結任鴻鈞
城市逢君地庭軒為客開花陰通杖屨木末見樓臺對雨
傳飛學看雲撫画壘淹留未覺久猶恐遇黃梅

和贈陳與之

午日清江道南風滿白蘋莫年為客健長路對人貧憶弟
餘雙鬢還家稱一身有孫堪慰眼莫厭把盃頻

桃源圖

聞說避秦地花間忘歲年偶逢漁父問長使世人傳丘壑
渾疑幻林廬或近仙至今圖畫裏惆悵武陵船

送雲間師遊浙

杖錫違蕭水風帆向武林海紅秋樹遠江黑暮鐘深雲起
通香氣潮來合梵音亦知無住著隨處得安心

吳越青山亂隋唐古寺多雨中持鉢去松下掉舡過業淨

唯詩在心空柰法何故山明月夜猶恐憶烟蘿

熊羆嶺

百折疲登頓群峰互接聯風煙含古木雲日射寒泉
路出飛猱上江流去鳥前據鞍臨絕頂注目盡遙天
臘日入安南

冬入安南國雲迎使者輶郡聞秦日置柱想漢時標
江路篁猶籜山田稻始苗皇恩涵遠邇行役不辭遙
案二首從刻本補一在柳先生祠前一在馮高前

傅與礪詩集卷之五

任丘宋應祥伯禎點校

弟傅若川次舟編刊

七言律詩

黃河

黃河萬古來天上白日千雷走地中浮水巨龜時出岸傍
巢靈鵲自知風神珠化濁何由得仙木尋源或可通聞道
千年聖人出此生何幸見時豐

徐州

斷山數里見浮屠水樹微茫曉日踈舟楫盡經危石過人

烟稍近白雲居朱陳縣遠思遺俗楚漢臺荒想故墟萬古
風帆自來往新詩吟罷獨躊躇

沛公亭

遙山寂：對危亭壞礎欹沙柳自青四海久非劉社稷千
秋猶有漢精靈豐西水散烟沉浦碣北雲來雨入庭坐想
酒酣思猛士歌風臺下晚冥：

濟州遇大風

黑風揚海只欲翻黃塵蔽天愁即昏章江百丈有寒色轉
野孤蓬無定根少年涉歷深世故長路艱難銷客魂坐嘆
杞人真不慧浮生久已信乾坤

會通河伯祠晚眺

水神祠下晚維舟閑倚穹碑誦遠遊西日射雲明獸瓦北
風吹土集貂裘漳川近繞幽燕出汶水分兼濟潔流過客
豈知疏鑿苦當時荷鍾幾人愁

至京

京國古為形勝地野人今識帝王居無時雲氣浮金闕
盡夜奎文映玉除豈復常何須論事蚤聞司馬已成書袖
中獨有長楊賦欲向何門曳客裾

詠懷

一春風浪淹行客六月塵堆滿上京鄰館朝烟同杵臼故

園莫雨隔柴荆西州近日猶防寇南詔經年久用兵獨夜
起瞻龍虎氣五雲終統鳳凰城

駕發

天門曉啓黃金鑠路馬遙翻碧玉蹄銀燭熒：花外出翠
旌丹：柳邊迷千官劍珮屯雲合五色旌旗擁日齊後夜
龍沙駐清蹕侍臣不寢聽晨鷄

呈王學大叅時領江東憲

丈人文律擅風騷往昔朝中屬望勞宣室近聞徵賈誼漢
廷重見遣王褒蒼松雪後森：直玉樹風前凜：高幾處
瘡痍待蘇息遙瞻使節下江皋

蚤年弄筆向山阿行徑春深長薜蘿逸駕未能攀屈宋苦
心虛擬過陰何南遊澤國黃塵滿北望都門紫氣多最說
蓬萊旧仙伯妙音時復奏雲和

登樓

樓上秋風吹画屏樓前秋思滿都亭金河水去涓：碧瓊
島雲來冉：青近見蕭何成第宅舊聞汲黯在朝廷明時
進用多英傑迂腐深慚守一經

秋興五首

天上旌旗卷莫寒人間鼓角送悲酸瑤池落日迴青鳥月
殿浮雲掩素鸞楊柳漸稀秋瑟：芙蓉已老露溥：砧聲

苦近南隣客寥落霸懷強自寬
落木蕭蕭滿帝畿候虫處趣寒機
客星入斗秋深見神女行雲日晏歸
復喜諸公扶社稷祇憐弱弟奉庭闈
短章諷罷頻回首目送江南鴻鴈飛
梧桐樹晚細含烟閣闔門深
搃映天龍去鼎湖雲漠鶴
歸華表月娟東都日望金輿發南陬
猶驚羽檄傳只在忠良勤夙夜五陵佳氣故依然

白日遙看錦綉懸重樓閣隱青烟
化城或在諸天外方丈長疑弱水邊
每說神僧飛杖錫更聞童女上樓舡
西風日莫何蕭瑟一度憑高一惘然

敝裘已畏早寒侵歲月祇驚久客心
莫倚長卿能作賦始知季子故多金
天門守虎星辰冷雲氣從龍霧雨深
直北關山時極目昔人聊復短長吟

題張齋公祠

將軍結髮事先朝百戰山河血未銷
搃說霽雲能忼慨兼聞去病最嫖姚
烟塵劍戟迷秋峒風雨旌旗落莫潮
自古英雄須廟食精靈何待楚辭招

送湘中李從事赴柳幕

長沙上游山水窟柳陽自古說名邦
天圍翠岳連三楚地合清湘赴九江
歸去收書經石室坐來拄版對雲窓
西風

慘淡都門別莫愛青樓倒玉缸

和宋子與病中

知君憔悴對醫師
總為庭闈接夢思
去國休題王粲賦
憂時苦愛杜陵詩
閑河落日傳飛箭
城闕高秋建畫旗
自有群公勤輔翊
不妨羈旅蹇栖遲

寄漢陽黎暹州

郎官湖頭秋月輝
大別山下暮烟微
隣家竹好題詩到
別墅花濃放棹歸
稚子攤書黃葉下
楚人送酒白魚肥
惟應對客多清興
解念征塵染素衣

寄馮架閣

風沙獨走燕臺路
秋思長懸楚觀雲
直北橐駝終日見
向南鴻雁幾回聞
過門每憶逢春雨
迂轡能忘坐夕曛
教就行人問消息
知名總說漢馮君

崇天門朝賀

輦路塵清列羽林
侍臣星嚮肅森
風含鳳吹青冥闊
日射龍旗紫極深
兩廡佩趨臨水玉
九門詔出映泥金
從來湯武須傳業
更在伊周老盡心

雪中次元茂才

北闕今晨雪滿墀
腐儒憂國畏人知
月寒弱水迷三島
雲暗蒼梧失九疑
瑞木細飄天上葉
梅花潛發嶺南枝
山陰

那得乘佳興起逸前軒自詠詩

客館對雪

主人並馬清晨出獨客搖毫白晝吟空院雪花時近眼故
園棋蓋掩閑心天迷灑節南征遠日冷燕臺北望深但使
年豐成國用敢論遊子少黃金

元日

漂零京國逢元日俯仰乾坤任四時天上神花虛作頌江
南棋蓋好題詩三山日動蒼龍闕玉雲迴翠鳳旗元老
議成周典禮小儒思見漢官儀

正月十七日麗正門觀迎接口號

南旗旗萬里迴中天城闕九重開龍門仗簇青雲起鶴
禁香通紫氣來父老多流去日淚公卿不乏濟時材已聞
奉壘歸金室早聽趨朝進玉杯

和宋架閣病後出遊

近說能詩宋之問還同多病漢相如出門跨馬驚春晚臨
水聞鶯似夢餘柳邊苑路通飛觀花底宮泉溜決渠每歷
鳳城多襍興須君把筆更來書

送賀尚書致仕後赴召上都

使者徵行立曉風宰臣傳詔守離宮關中舊憶留蕭相江
左俱看起謝公路經琴峽秋聲滿天繞河御氣通間說

至尊勞睿想莫令行色後賓鴻

送唐子華

嘉興照磨

子華名棣吳興人善畫

聞君秋思滿南湖行李今晨發帝都
幙府初乘從事馬江城還憶步兵
鱸樹浮白日山侵越潮蹴青天海
入吳閒暇憑高動詩興須成一醉
掃新圖

和孫太常元日

日射天門海霧晴雪飄仙路島風輕
柳邊伏出開旂影花庭朝回散珮聲
為客頻占新歲事思親復起故鄉情
不論萬里羈離苦惟願中朝政化平

澧陽橋

謝客作橋泝水上行客題詩江霧中天接
五溪南去水地連三楚北來通青龍莫見雲汀濕
烏鵲秋閑月渚空聞說道傍多駿馬何人環珮立西風

次韻春雪

才見天花散碧寥即看庭樹失青條
侵香靜向金虬滅拂舞輕兼綵燕飄
只怪春叢俱爛熳可知年穀最豐饒
蹇驢莫出多詩思却恐傍人擬灞橋

出郭

晴光縹緲汎青春遠色氤氳動紫塵
出郭自因芳意早尋溪兼得野情新
邊古寺翔金爵樹底高墳卧石麟却倚

層丘望城闕上方雲氣繞龍鱗

送會稽方泳道之松陽令

松陽令尹之官去三月都門柳拂衣作郡舊聞成式在去
鄉今見買臣歸春花繞縣居人滿秋柿連村迺卒稀從此
絃歌遍閭里看君鳧舄近雲飛

寄河間趙運使

雪盡官河春水生移家還出鳳凰城竹間退食占靈鵲花
外題詩聽早鶯藍井青烟晨縹緲漕溝素月夜分明京華
久客遙相憶欲托音書不稱情

送臨川僧明極

天寧堂中雲所居生公聚石意何如山前振錫應逢鶴池
上開函或召魚有時風樹鳴珠網當畫天花墜寶書豈憶
今晨送師處薊門南望說鄉閭

送馬伯誠書大典恩授學官待次歸

蚤聞獻賦擬楊雄晚信傳經出馬融載筆日登天祿閣將
書能到大明宮苑花送酒歸時發江樹迎舟去處通會待
詩書化十櫓青灯重約故人同

送杜德常御史赴西臺

御史才華舊省郎翻雲路起鷓行天回紫閣明奎壁地
切烏臺動雪霜分陝定存周禮樂過秦猶有漢文章欲因

循郡還搜訪別酒臨風意獨長
綉衣此別定如何驄馬西行處
過驛樹蒼茫連灞澹江
花浩蕩過岷峨三秦久訴誅求盡
六詔仍聞警急多早聽
封章切肝膽為憐編戶困兵戈
憶到京華未相識將詩往
向人傳祇慙燕石登重櫃豈
有驪珠出九淵青雲滿路逢
傾蓋白日臨岐送著鞭好去
城南訪遺譜杜陵自古盛才賢

送方從事赴潮州

闕下風流秘省郎移官萬里向潮陽
樹邊海氣浮天闊雲
底瀧流出地長見客惟應辭蕙苒
思親定復倚桄榔諸公

佐郡多能事日對韓山送酒觴

都門十月把征衣腸斷千峰木葉飛
江上也知鱸膾羨
嶺南還恐雁書稀
棋花月落晨趨府
樅樹雲生晝掩扉
幕下
故人如問訊帝鄉為客未能歸

寄潮州袁經歷

去歲京華歎別離
千回坐想到州時
潮人載酒昌黎宅
海客移舡廣利祠
南去祇憑相憶字
北來頻問近題詩
嶺樵
處：開應好何得春前送一枝

送蒙古潘學士

奎宿凝華協帝符
龜圖呈畫照坤輿
衣冠治定通重譯
燈

帛文詞變六書分教已從官獨冷致身寧論術猶踈明朝
鼓棹瀟湘去處：秋秔荐白魚

次韵元日朝賀

宮漏催朝燭影斜千官鳴玉動晨鴉交龍擁日明丹陛飛
鳳隨雲繞畫車宴罷戴花經苑路詩成傳州到山家小儒
未得隨冠冕遙聽鈞天隔綵霞

對雨懷揭監丞病起

微雨霏空坐轉添把書終日對廉纖霧交忽復深連海風
引時能近拂簾樹底征鞍愁易濕花邊坐席喜相需孰知
病起多幽思行樂時：過西簷

答張自觀自江右贈詩至燕

十年江國苦淹留萬里京華志遠遊坐客浪傳鸚鵡賦市
人爭指驢驢裘久疑傳說騎箕尾空使張華望斗牛此日
朝廷盛文物春來相望莫深愁

和揭監丞聞王少監定二月梅花盛開

南州臘近梅偏盛北地寒多暖始繁總為蕭疎含冷艷獨
判遲暮春恩誰家愛樹開幽徑此日逢花憶故園何遜
能詩意無恨莫將愁思繞務根

送周士稚歸盱江

華子岡頭春色幽麻姑洞口好山稠天晴暗草生歸思日

莫濃花喚別愁岐路不堪長送客故鄉那得便同舟知君
文力驅江海豈學蘇秦着弊裘

為客京華歲易遷看君游倦獨愔然更同夜語何由得只
湧春還也自賢作賦未成前殿奏論經猶擬後生傳仲舒
况有賢良策漢主經營最盛年

和孔學文從奏延春閣

宮漏沉、曉仗移衮衣當殿聽朝時風含雜舌飄青瑣日
射龍鱗動赤墀奏對御筵多密近退趨春院搃委蛇喜聞
近日稀游幸閣下儒臣出每遲

題王晉之崆峒山房

君家堂上小崆峒開猶疑見禹功青潤每愁靈雨至白
常喜細泉通緱山遠色來琴底良岳餘姿落座中欲侍
軒轅親問道廣成何許倚秋風

秋日巡山和王君實四首

大駕當年幸舊都守臣巡徼禮如初西山雲氣來仙島北
極天文繞帝居龍去欲騰秋水劍雁回疑得上林書山河
滿目今全盛文武才多國未虛
九重城闕擬清都萬井閭閻倍國初但見貔貅無急警始
知鷄犬亦安居鉤陳月轉秋移仗太一天
夜書聖主
夙興思輔治由来廊廟不宜虛

巡山千騎接神都穀滿秋田露下初烽火不聞秉夜警人
烟多見入雲居百年禮樂成周典萬古山河列漢書喜有
新詩繼風雅諸公才氣總凌虛
衣冠如雨耀神都郊甸新涼拂馬初日月迎臨黃閣貴風
雲遙限紫宸居少陵謾擬陳三賦司馬先能著八書想見
九閔嚴守虎王堂金殿最清虛

七月十一日赴安南

燕城秋早五雲開路入南交幾月回奉使始從天上出行
人爭看日邊來班超萬里終投筆郭隗千金更築臺聖主
恩深極炎海伏波銅柱任蒼苔

馬上

四牡光華照早秋路人傳者使交州青雲北趨飛
日西明洗馬溝山上浮屠兵後石道還
欲訪前朝業沙草微茫水自流
古時丘據鞍

涿州樓桑村先主廟

先主君臣並材傑天傾炎漢苦須扶曹瞞力盡終分國葛
亮謀成竟托孤遺路只今通隴蜀山河無復限荆吳行人
為指樓桑廟賜斷西風散白烏
孤村縹緲見靈祠廢宅蒼茫失故
蜀鬼夜還風滿蓋涿
人朝祭雨露旗空文定復歸寒水桑影猶疑覆短
終古

鄉間有遺恨衣冠空想漢威儀

登真定龍興寺

網戶層層映日開寶欄曲近雲回水連鉅鹿河流轉山
走封龍岳氣來天樂有時飄下界佛香終日覆前臺微軀
新病宜高爽倚柱長吟莫却迴

公事畢重發京師

故人送別古城頭已去重來不敢留司馬舊為持節使洪
喬今作置書郵路蟠冀魏通江漢山盡荆吳入斗牛却到
日南應萬里早春還憶鳳凰樓

范陽

督亢陂前草沒沙武安廟下客思家西風落日猶驅馬北
地秋陰亦見蛇不勞邠竹重吹律何得張騫獨泛槎從此
南征思何限象林銅柱更天涯

趙州石梁

趙州南梁石壯哉季春舊刻暗塵埃水流日月隋唐去山
捲風烟冀魏開白驢誰見仙翁度聽馬今迎使者來却恨
秦人駕東海謾勞心力望蓬萊

磁州

曉出邯鄲露滿空武安紅樹起西風鼓山路向雲間落滏
水船從地底通秋州尚疑曹氏塚野花無復趙王宮古來

富貴皆黄土莫笑行人憶夢中

武城

武城村南千丈塵百回立馬問行人古臺壞兩埋銅爵高
冢移雲卧石麟三分早恨英雄死九錫深悲命數頻萬古
漳河自來往秋來臨眺最傷神

淇州

湯陰縣前秋氣悲路人說紂亡時比干死諫猶存墓西
伯拘幽尚有祠草沒廢城牛牧遠樹侵官道鳥飛遲西風
落葉成多感行過朝歌却賦詩

汴梁

汴上荒城遠故宮山頭危石墮秋風夷門市起聞嘶馬梁
苑樵婦見斷鴻闌草尚餘殘後碧進花無復盛時紅欲登
高處腸先斷滿目閑愁賦未工

上蔡

上蔡城頭黃葉多聞雞看劍起長歌徒憐丞相東門犬猶
憶將軍半夜驚樹底衣裳沾霧雨馬前燈火動星河涼風
滿路吹行鐸那似金門聽玉珂

登岳一作登南岳

衡陽烟樹翠重知有仙居近古松采藥猶嫌山鬼誦
經不使世人逢日光冷射朱陵洞雲氣晴熏紫蓋峰惟恨

南征逼霜雪未能相逐徧携筇
萬壑千峰次第開祝融最上氣崔嵬九江水盡荆揚去百
粵山連翼軫來入樹恐侵玄帝宅牽蘿思上赤靈臺明年
更擬尋春興應及瀟湘雁北迴

興安縣

亂峯如劍不知名篁竹蕭蕭送驛程轉粟未休滴水役負
戈猶發夜郎兵百蠻日落朱旗暗九嶺風來畫角清空使
腐儒多感慨西南群盜幾時平

謁羅池廟

柳州刺史愛羅池廟食千秋傍水涯隔座桄榔風瑟近

擔撒攬露垂唐碑載事班前史楚俗迎神叶古詞欲借
題籤卜行役祇慙巫祝強知詩

書南寧驛

歲晚驅馳憶帝京北風回首重關情中天日月迴金闕南
極星辰繞玉衡父老尚煩司馬檄蠻夷須用伏波兵也知
文德能柔遠傳道新恩欲罷征

次韵智礼部贈黃忠州

臨邊鎮早從戎新遣亦有功留在豹韜知今變佩
來龍劍識雌雄西山幾月烽烟定南土當年貢賦通會見
文翁化成俗不勞壯士挽琯弓

書如月江橋市驛

迢々旌節指天隅，歷々山川載地圖。市發朝霞晴捲布，江
生明月一宵還。珠禮從陸賈來時定，俗自任延去後殊親。
見蠻邦慕冠冕，只今聖德似唐虞。

瀘江

瀘江之水發南詔，龍編古城居下流。馮夷伐鼓近漢節，泉
客弄珠隨越舟。鯨海遙連白日動，鰲山近戴青天浮。層波
莫據鼉鼉險，日夜東歸未敢休。

題天使館

元統三年頒正朔，詔書還到極南開。使旌入館青雲動，仙

蓋臨江白日迴。諭蜀豈勞司馬檄，朝周終見越裳來。還家
者舊應相問，文化如今遍九垓。

却侍姬

連蒙遣侍姬皆即辭却我輩非陶穀輩人不宜以此見

夜宿安南天使館，主人供帳爛相輝。寶香燼起風過席，銀
燭花偏月照帟。王母謾勞青鳥至，文簫先放綵鸞歸。書生
自是心如鉄，莫遣行雲亂濕衣。

落棋

案撫天爵撰傳與礪墓志云與礪受命行至安南安南人多設謫詐以給使者或郊迎張宴摘粟或盛飾侍姬侑酒君皆却之即謂此也

棋盡紛々落小池，粉墻猶護折殘枝。臨風見影時堪惜，步
月聞香妄自疑。萬點撲簷飄乍急，數回沾帽拂還遲。地來
羌管多愁思，好謝行人且莫吹。

華林村

華林步頭江徑迂晴烟渺：見村墟水邊茆屋圍青竹樹
底柴扉掩綠蔬國老把盃齊送別館人操紙解求書歸程
正及寒花發滿處清香逐使車

崇仁峽

扁舟夜宿魚龍窟久客長懷虎豹關歲莫思家成白髮天
涯持酒得青山張騫浪喜蒲萄入馬援終嫌蕙苾還天子
只今勞遣使將軍何日遂平蠻

贈黃天瑞

道外相逢春正寒知君能奕動衣冠風簾落子花搖席夜

燭收枰月轉闌松下或尋仙客對竹間應任野樵看由來
此道通兵法即遣籌邊也未難

寄雅正卿

送別都門秋葉飛臨岐猶記把征衣嶠南歲月鶯啼早江
北風沙雁過稀張騫奉使經年至馬援平戎幾日歸却望
旌麾倍惆悵往來人事苦相違

桂林喜呂仲實僉憲至

正月交州奉使歸忽聞鞍馬發王畿嶺南障雨開銅柱江
上春雲逐綉衣草熱虫蛇常並出樹深豺虎近皆肥明朝
按節勞咨訪邈郡于今未解圍

寄湖廣僉憲姚子微

憶君馳馬赴金陵送別題詩久未能秋後也知鷹自擊春來
惟恨雁無憑洞庭地拆連青州林邑天迴帶白藤南北驅馳
只相望飛霜何處濯炎蒸

過故妻墓

湘皋烟艸綠紛紛洒泪東風憶細君每恨姮娥工入月虛
疑神女解為雲花陰午坐閑金剪竹裏春愁冷翠裙留得
旧時殘綉在傷心不忍讀迴文

洞庭連天樓

崔嵬古廟壓危沙縹緲飛樓入斷霞南極千峰迷楚粵西

元詩注按陶九成輟耕錄新喻傳若金嘗志其妻瑣云君諱淑字蕙蘭姓孫氏其先汴人年二十三歸我于湘中泰定五年八月廿有一日卒後三日寓殯湘中又案與礪墓志傳與礪兩娶皆孫氏此詩蓋為孫蕙蘭作也哀戚之情多見悼忘之作惜集中未及全載茲特採入附于卷末見綠窓遺藁

江衆水混渝巴鮫人夜出風低艸龍女宵還雨濕花北倚
闌干望京國故人何處認星槎

和黎別駕飄然樓

老子樓居頗近仙樓東常繫泛湖船衣冠已任隣人識文
字兼從過客傳桂夕把杯還問月花時吹管欲乘烟登臨
莫苦懷鄉國述猶堪托暮年

送羅用賓靖州教官兼簡

柳色新袍照洞庭西南幾夜候文星水浮七澤通黔白山
擁三苗過峽青銅鼓不勞歸鑄馬絳帷還見坐橫經府中
從事君知己應共哦詩使六丁

龍翔寺

梵王宮殿倚青冥先帝旌幢擁百靈寶網自鳴空裏樂琅
函時出賜來經近山鳳去花仍碧遙海龍歸樹獨青玉輦
宸遊竟寮廓行人揮淚讀新銘

鳳凰臺

太白題詩鳳游處古臺蕭索換流年風流偶出齊梁後文
藻猶含晉宋前淮水夜明滄海月石城春暗秣陵烟古來
宮殿俱無迹風雨凭高獨黯然

候友人不至戲作

儀真城下菖蒲節晴日江頭錦綉文旗影送船侵樹過笛

聲催鼓隔花聞雙龍鏡化間風雨玉馬歌沉暗水雲日莫
故人期未至誰家看舞石榴裙

送奎章典書王可賓歸陳

儒臣侍講黃金殿閣吏依光白玉除親在未沾三釜祿使
回先寄數行書叢臺日莫啼烏烏蔡水霜清見鯉魚歸到
高堂說文治五雲遙指帝王都

送張良佐歸鄉

知君京國久飄零舊隱南宮樹色青平子莫年能作賦志
和初歲已明經石田每恐荒秋雨銀漢虛勞問客星聞道
鄉心與詩思夜隨寒月遠柴扃

挽劉漢璋

舊遊京國夢林泉老就揚州築墓田海上遂疑徐市去濟
南誰得伏生傳藥欄寂寂臨春水松館蕭蕭對暮烟身後
愧君名或泯故人哀思倍淒然

送篤御史之南臺

旅館天寒盡日空綉衣臨訪走兒童已聞俗客驚題鳳更
訝隣人失避聰短刺實愁歸後見清尊虛擬別時同明朝
振策秦淮道惆悵燕雲隔斷虹

金陵臺畔栢森森馬首飛霜已滿林定有文章無論建豈
無風采屬登臨東隅地限諸夷遠南服天圍五嶺深吳楚

誅求極困敵干戈飢饉轉關心

送趙仲礼御史兼呈王侍御五首

文章御史久為郎南赴金陵道路長百粵雲山連楚大六
朝烟樹入隋荒清秋按郡行馳馬落日登臺詠鳳凰新喜
諸公振風采早聞當道去豺狼
都門相送意躊躇別路秋生白羽車霜雪搃看鵬去疾風
烟那問雁來踈嶺南斥堠愁烽燧江左誅求畏簡書白面
少年空解事綉衣行縣定何如

建業城頭烏亂啼知君感古夜聞雞荆揚貢賦元趨魯晉
宋文章漸入齊草既或依松影坐哦詩應就竹陰題書來

肯憶京華客日長，衢聽馬嘶。六朝遺蹟，
袞、晴雲塞要津，終聞聖主用儒臣。蜀都文物來西漢，奎
閣圖書近北辰。此日賜冠簪，獬廌暮年留像，画麒麟。極知
風俗須揚激，肯使賢才但隱淪。賜書南粵，初歸日駐，鄴秦淮欲莫天。嘯詠偶經梁，舊寺登
臨，猶憶晉諸賢。謝安別墅，虫鳴裏，王導新亭，鳥去前。多謝
府中賢侍御，別時能作送行篇。

和馬中丞送丑子元按部湖廣
法星夜入斗南天，人候乘馳動隔年。嶺外轉輸疲郡邑，海
隅征戍廢田園。馬援定地思標柱，蘇武歸朝恨齧毡。想見

巡行得風俗，尚論信賞勸才賢。

題奧屯主簿藏其叔滄江公翰墨
從父舊為湖北使，老年亦就漢陽居。晴登大別題黃鶴，暖
立滄江翫白魚。杜佐未忘工部學，庾郎休慕右軍書。只今
耆舊凋零盡，撫卷傷懷淚滿裙。

次韻曾士敏寄其子經筵典書元傑
南豐老人鶴髮稀，遙矜令子客邦畿。步隨玉佩趨延閣，書
發金繩對袞衣。休怪赤駢終日去，也知蒼隼得秋飛。江邊
吟罷無人見，拄杖時能陟翠微。

天涯游子日思歸，行李何時發帝畿。司馬未論金換賦，買

臣終欲錦為衣紫駝車動秋塵合黃犬書回莫雪飛我亦
鄉心滿江浦千山烟樹正霏微

宋氏西亭

宋家亭子渭城西賓主幽尋每杖藜把酒柱間桑樹遠被
衣墻下麥苗齊雷霆暝閉龍門石烟霧晴生瓠子堤何日
相從覽奇勝新詩還對野人題

重午寓揭公館

翰林宅中值重午節物驚人心欲摧泪羅萬古烟波去幽
薊今朝風雨來山中菖蒲已可服庭下石榴猶未開主人
搃有故園意與客慰藉共傾杯

送熊天瑞南歸

豫章先生筋力優既老携書能遠遊風烟慘澹燕薊晚日
月蹉跎梁宋秋青灯獨夜有歸夢白髮終年無客愁京國
今晨却南去將詩萬卷更何求

送林彥廣祠南北鎮

中使傳香下玉墀儒臣代祀出金閨幡幢北起開恒岳丹
楫東迴入會稽望海也知晨駐馬渡江休信夜然犀名山
見說多仙氣應得從容散杖藜

詠林廣文種竹二首

高齋叢竹珍如玉手種階前看發生故土已無雲帶至新

梢都謝雨催成坐中曙接淇園綠簷下秋舍嶰谷聲見說
主人多楚趣客來從看不通名

舊葉蕭蕭、槁復青新叢細、斬還生斷當醉日愁仍損澆
過炎天訝忽成步月獨歸貪覩影臨風閑坐喜聞聲相遇
况是無塵俗青簡留題最盛名

寄王君實二首

北望衣冠憶省郎遠隨車駕幸深陽苑中首藉空騏驥池
上梧桐起鳳凰中使有時傳賜酒近臣何處避含香上林
此日無來雁吟罷題書欲斷腸
遊子江南生事微五年京國夢柴扉彈冠總為王陽在垂

橐虛隨陸賈歸藜藿已秋仍寄食芰荷當暑未成衣諸公
也念求升斗日夜高堂白髮稀

送王思文上舍

京華日夜憶庭闈路接南天思欲飛衡岳數峯開縹緲洞
庭千樹入霏微館中共惜何蕃去江上應逢宋玉歸來歲
花開擬相覓預愁烟雨濕春衣

題涑從古壽藏可居亭

浮世百年那得知丘原同盡不須悲雲間板宅星河冷海
上求仙日月遲蓋棺只合生前定荷鍾徒勞醉後隨
可居亭下客青山相好即相期

山中築室真堪老身後知歸即是仙
預斷竹根開秘壤親栽松樹遠空
阡一生忼慨飛鳶外千歲風流化
鶴前想見登臨增曠達酒壺棋局
任流年

送孫伯起掾嶺南

父為掾吏趨公府忽去親朋赴朔
城黑水舊聞龍北起青天惟見雁
南征蒼茫部落連諸迤邐山河接
西京王室由來重藩屏省郎切莫
負才名

北去頻聞霜雪多驛程猶是過
滹河悲風絕幕迴蒼隼落日穹廬
卧紫駝行色且謀寒夜飲別懷休
憶醉時歌都門已隔千行柳况復
鄉山老薜蘿

題紀靜卿竹圃

聞君種竹今成圃繞舍青
手自治花塢犯根休聽
畦妨筍更教移即通好客深開徑
稍斷行人遠插籬因憶故園荒欲
盡為君悵望一題詩

寄鄂季弟幼霖并寄仲弟次舟

弟兄終歲長羈旅南北何時却定
居春至每瞻衡岳雁秋來猶食武昌
魚每愁年長須經事即恐家貧廢讀
書仲氏應門獨辛苦平安消息近何
如

吾親霜鬢日紛：為客艱難不使聞
養老只須常善飯生兒何必總能
文書同洛下思黃耳心似河陽見
白雲季弟

還家報兄好歸期猶恐遇春分

聞張吏部督海運歸詠懷奉簡

日邊隻鄴下滄溟雲際千艘赴驛亭直為邦畿須轉粟也
因江海念流萍玉京永夜瞻卿月銀漢清秋識使星待盡
西風始相見客愁如酒一時醒

絕域歸來歲月過應憐辛苦涉風波楚人不得輕毛遂漢
使因能屈趙佗自古諸溪連盜賊祇今五嶺徧干戈微官
乞就江南地直念庭闈白髮多

別山北憲掾傅子通

邊城置驛往來通憲府臨藩政化同三語忽傳收薦鶚一

經猶得佐乘馳遼東地盡玄菟閣塞北天寒白雪空此去
行秋勿容易 臺閣舊生風

北望車塵損客顏洽陽萬水漫千山乾坤歲莫多離別道
路天清忽往還海鶴朝呼風滿柱冥鴻夜度月臨闕此時
馬上應相憶却羨歸雲盡日閑

九日同陳道之携酒過揭公

每歲登高喜重九今秋天地獨堪驚青山即恐西風滿白
日常愁北極傾故人對酒思陶令今上求言憶賈生忽見
新詩使腸斷看雲對菊涕縱橫

安南使饋香因分送京下諸公

南越名香屑異材
遠人持贈比瓊瑰
採經銅柱秋雲濕
熏對珠崖夕照開
入朝喜見朱鳶定
充貢還隨白雉來
久憶諸公擬分送
却愁蕙苒誤相猜

送著書曹裕之赴銓

京國風塵共起居
朝廷文物用吹噓
不緣張斐能推律
誰識虞卿解著書
江路月明梅漸發
薊門霜落柳全疎
看君被檄南州去
即見青雲動里閭

酬黎別駕

天涯為別動經年
空有音書托雁傳
時見遠人來闕下
不
忘孤客在江邊
山亭訪竹雲生榻
堊寺尋僧雪擁壇
想得

郎官湖上月清輝
長共此心懸

送東宮說書周仁遠歸里

知子京華厭久居
慈闈多病憶江魚
雲深鶴禁辭通籍
月暗螺江夢倚閭
別騎冷隨沙樹遠
歸舟晴照堊梅疎
獨慚歲暮仍羈旅
腸斷千峯隔敝庐

出典...

...

...

傅與礪詩卷之六

任丘宋應祥伯禎點校
弟傅若川次舟編刊

七言律詩

元日朝賀後聞赦

紫殿風雲會縉紳
榮光又逐歲華新
近時鉄馬清南海
昨夜金雞動北辰
法令已行秦郡縣
禮儀仍見漢君臣
獨勞聖主哀黔首
還以殊恩服遠人

春蒐和賀伯更

行殿千旗拂紫宮
辭鷹年少喜遭逢
子雲賦好誰能薦
司

舜字於乞臂字

馬才高不得從天外帛書無過鴈苑邊雲氣盡成龍金輿
早晚還雙閣二休尋常慎九重

鷹隼晨飛馬正驕駕鵝春過雪初消鳴鞘捷應金鞬脫

肥勝玉筋挑朱袖拂雲歸

翠華吹雨度山遙即今

誰入非熊兆空使愁心似柳條

送臨川黃次峯南岳巡檢

客遊帝城今幾春忽聞歸思滿江濱誰憐日月淹文學自
愛雲山入徼巡瀟湘樹合瞻南岳臨汝花開憶北人若遇
長沙訪耆舊更因迴鴈寄書頻

送趙宗吉御史兼寄篤敬夫

只今臺閣用文儒幾處瘡痍待掃除念我北遊同社燕看
君南去食時魚雲霄舊載郎官筆江海新乘御史車若值
故人憑寄語金陵詩思近何如

和危山臞寄弟四首

天子開朝策治安近臣每入漏初殘香飄紫殿迴金爵伏
下彤庭度玉鸞御苑縱田春正樂邊城吹角夜猶酸腐儒
未省經邦計直道休歌行路難

畫戟連雲甲第高內官如雨送春醪貢金半鑄分封印賜
錦多裁侍宴袍自古聖明非獨治至今材武深相遭文章
且共安微命廊廟由來錄舊勞

故園兄弟摠相思，久客懷歸屢失期。司馬却慚題柱早，東
方翻恨上書遲。都門樹暗愁中見，鄉國花繁別後知。昨日
南橋訪春水，望雲回首獨多時。
天涯骨肉久離居，京國風塵髮欲疎。娛日強傾開歲酒，憶
家頻看隔年書。路通一水花開裏，門掩千峯木秀初。便擬
邀君此時發，歸舟同食楚江魚。

送梁實翁免征錢歸鄉

幾年征錢困吾州，鄉井供輸日夜愁。廢冶月明誰鼓鑄，空
村民散更誅求。豈聞兇賢成子莫，虛擬龍光在斗牛。此日
罷征君倍喜，楚江春色滿歸舟。

壽王左丞

南極諸星映赤霄，東風二月滿青條。焚香鳳閣春開宴，鳴
玉龍墀午散朝。但使經綸齊稷契，不勞服食慕松喬。日長
自度昇平曲，閑聽雲間合九韶。

野航事

孤亭聞道小如舟，來客閑能學棹謳。常疑竹裏通歸槳，只
擬花間弄釣鉤。月明入剡寧論夜，風起思吳不待秋。城市
誰知有江海，烟波祇在屋東頭。

送盧茂實之廣東憲幙

仙城近接衆山迴，憲府遙臨百粵開。海上喜通持節使，幙

中兼得濟時材
鮫宮織罷魚龍出
蟠戶珠還蚌蛤來
預想到官多暇日
清詩題徧嶼頭棊

東國相逢念客遊
微官初 南州越裳白雉親曾識
勾漏丹砂豈願求
荒徑久連元亮宅
故山猶 仲宣樓瓜期
况在經年後未得相從 海鷗

城東遇雨

四月鑿輿出鳳城
此時游子動歸程
蓬萊一水通雲氣
閭闔千門度雨聲
書卷喜從船尾載
酒盃愁就馬頭傾
長年三老歎相語
沙際河流一夜生

送張尚德改除雩都芋頭巡檢

儒官乘障氣飄
章貢南邊路不遙
縱使人烟連百粵也
勝風俗混三苗
春遊近市盃隨手
夜邏前山箭在腰
直以詩書化疆禦
不勞銅柱入雲標

寄王君實張孟功趙子期

左司衡鑑冠時流
憶昨相逢早見收
去國初還漢使節
辭君又汎越人舟
詩因海燕猶須寄
書換池鵝或可求
不有文章誇異俗
天涯何以慰羈愁

吏部先為畫省郎
獨憐驅馬向殊方
越裳萬里來中國
楚客三年憶故鄉
度嶺敢辭南海熱
邇江終倚北風長
清詩誦罷頻回首
愁絕都門柳萬行

兵部風標映海霞只今人物數才華六書盡學周王鼓重
譯親通漢使槎每喜名公能薦士最憐遊子獨思家詩成
定覓何人寄日日江頭訪鴈沙

寄王叔 兼呈子山內相

為客長歌行路難得君真使旅愁寬也知文氣來西漢敢
以詩名敵建安秋榻每當明月下青山閑就亂雲看只今
清興誰能共縱有朱弦不肯彈

學士高標今罕儔主人與客俱風流花連紫閣天文動樹
隔青言月影稠長楊獻賦仍須薦曲几行書不待求楚客
南歸若相憶繫船時復倚江樓

寄陳維禎兼呈揭公公許為故妻作傳

官樹青 隔帝閣維舟北望每銷魂風來獨使占雲氣雨
罷頻勞測水痕下榻徃時同假館哦詩清夜憶過門君家

太史今司馬著述時應教外孫

太史臨文筆最精一聞徃事獨傷情每憐對鏡窺鸞舞猶
怪吹簫逐鳳鳴列女未終劉向傳故妻虛瘞柳州銘書成
定寄湘江浦預擬招魂學楚聲

潮州示同舟

來時岐路滿沙邊回首何堪問歲年槎上 功猶是客坐
中同載或疑仙風鷗亂起還依草雨燕卑飛却避船舊見

垂楊已如此往來能使幾人憐

眉山圖

眉山自古聞天下此日逢君出畫圖空翠忽浮雲氣合江
流遠浸月輪孤猶疑并通秦塞始信岷峨限蜀都見說
直西多鳥道懶從開國問魚鳧

送王檢校止善

海上三年幕府開日邊萬里薦書來却承雨露歸南省還
接星辰統上台負^勞應憐縣令至懷章莫使郡人猜京華
昨日同時發慚愧扁舟獨後迴
江左名藩天下雄吳中貢賦與閩通轉輸舊倚蕭丞相檢

校新煩魏侍中畫省芙蓉深映雨碧湖楊柳近含風于今
幕府多名勝閒暇登臨定得同

贈黃仕任地理

蚤歲為儒頗恨疎中年游藝獨何如謝公自製登山屐郭
氏親留相地書丹壑夜營仙客葬青溪晨訪野人居他時
期子千峰下為卜雲林是結廬

題阮謙仲客子光陰集遊吳小菴後

江上經年別故林天涯何處寫鄉心長亭莽蒼含朝暮岐
路崢嶸對古今行世共憐車轍改憂時恒恐髮毛侵嗣宗
文采諸孫在亦有幽懷托苦吟

江左傳君處：過六朝文物近如何齊梁祖述風流盡吳
越登臨感慨多雨晴海明秋對酒天晴江浦夜聞歌此行
賸喜添詩興莫向流年歎逝波

題山谷蕭峽詩後

太史遺風不可尋祇饒遺墨重千金雲烟慘淡連蕭峽風
雨蒼茫入阮林持翫每淹孤客坐買藏終見兩賢心向來
豪奪今何在撫卷長歌百感深

題羅士哲畫送張仲簡謁虞杜二先生

滿幅晴烟寫別離行人江浦放歌時樹深一水通臨汝花
發千峰到武夷問字只携門外酒尋仙豈看洞中棋扁舟

却出名山路應得藏書慰所思

方壺

蓬萊員嶠對嵯峨知有群仙日日過琪樹曉通雲氣濕羽
輪秋會月明多秦人采藥空依海漢使乘槎但入河誰識
高齋有仙息不勞萬里涉風波

圍春亭

暖風遲日布雲林中有華亭結構深窓戶每薰山翠合衣
中無復市塵侵居人隔塢求花氣遊客巡牆得樹陰始信
桃源渾不遠欲從漁父一相尋

送胡二清北遊

早聞閉戶讀春秋近說辭家賦遠遊懷玉空迷父母國貢
金終入帝王州中天城闕連閭闔東壁圖書近冕旒自是
聖明思至理可無俊彥應旁求

清意齋為一清題

高齋聞道無塵俗好客惟應數往來幽共白雲秋縹緲迴
同玄鶴夜徘徊水邊坐石時依竹雪後尋溪獨見棋况有
文章每相發也知韋柳最多才

答何好禮

鳳凰城中花若相客游多是感流年春生江漢思南國雪
盡幽并見北邊遠使豈貪歸有索微官仍苦坐無羶相逢

未恨今晨別滿把驪珠慰目前

贈相地姚立雪

聞君早得青囊秘藜杖登臨日幾峯花底或尋仙洞出樹
間時與異人逢只疑東海聞歸鶴莫怪南陽見卧龍吾郡
古稱山水國白雲長伴往來蹤

送何時春北上

何郎早賦遠遊篇忼慨題詩向別筵自古衣冠多愛士只
今臺閣况求賢秦吳道路元通楚趙魏人材摠入燕好向
明時致勲業莫將風雨負華年

送何時學游湖南北

洛陽極浦遠帆多憶昨狂遊是處過今日送君如夢寐少年為客莫蹉跎沅湘日落明秋葉江漢風迴亂夕波若過楚憑借問沙頭芳草近如何

送朱道夫潯州伏化巡檢

鬱林文學負才華刀筆三年滯海涯乘障復趨丹壑問途應傍碧虛斜山中綠酒開浮螳石上雕弓照畫蛇南望桂枝相憶苦使來先許寄長沙

伏化官居倚竹

此邦幽絕少炎蒸洞穿白石通勾漏江

汎清潯轉猛陵揮翰有時風在竹罷琴中夜月侵藤遙知盜賊今全息獨使才情得見稱

去年京國欲離群前日瀟湘喜見君邊吏只今多用武世儒何事獨能文湘南作客過春草頗表思親隔莫雲莫怪書生弓矢起家猶憶將軍

同孔學敏遊仙遊觀

鳳音亭下草如熏誰見仙娥倚翠裙環珮忽疑遊處得笙簫猶想去時聞湘江竹暗連春雨衡岳花開隔莫雲千古遊人自來往登高回首思紛紜

桓仙宅前江水盈鳳凰山下野禽鳴猶聞採藥辭空谷無復焚香禮上清雲裏並遊金節冷月中同載羽輪輕登臨盡日多惆悵欲倚鸞簫和楚聲

題裴思敬別業

宦游江國久為家，况有田園楚水涯。
直為思親勞夢寐，不堪行後向風沙。
故池引徑元依竹，春院開門只映花。
盡道此中多野趣，肯因微祿負年華。

送嚴允恭北上

嚴氏風流著汗青，看君年少復明經。
上書自擬干天子，垂釣誰能問客星。
燕薊北回天漠漠，瀟湘南下雨冥冥。
遠遊直為明時出，自古賢良重漢廷。

送薛仲方歸涿省墓

淮海飄零憶范陽，南來蹤跡轉蒼茫。
茫茫幽燕日落悲，長道江

漢春深夢故鄉，家在惟供一洒泪。
書來每使九回腸，明年何處求先塚。
北望松楸滿路傍。

漢江銜山圖

西來一水浮襄漢，上有群峰截杳冥。
層構迴臨沙渚白，亂帆斜蔭石林青。
地雄縹緲連嶠冢，天險微茫帶洞庭。
只尺風烟應萬里，無因一上峴山亭。

寄許叅政

相第巍巍畫省東，布衣時許往來通。
忽聞冠蓋辭三，猶有文章在兩宮。
故園撫樹思陶令，別墅看花憶謝公。
楚客南遊每相憶，扁舟前月到湘中。

送平 尹宋彦禮

湖南大府收群彥，額表名區得令才。邊吏賦由疲戰伐，古人為邑慎懷徠。昭潭樹傍鳴禽合，仙額花臨倚棹開。此去風烟隔湘浦，知君時憶定王臺。

送蔣廷良歸省因簡袁潮陽

送客湘江見白蘋，登高懷遠况思親。斗牛紫氣臨三楚，吳越青山到七閩。南下恰逢香稻熟，東遊仍憶荔枝新。扁舟定過袁宏渚，煩寄殷勤問故人。

送趙璋甫

名家之駒不易得，昔人傳業子如何。花飛南岳客遊遠，木

落西江鄉思多。太息長憐漢傳傳策，獨醒誰和楚歌。歸舟豈愛鱸魚美，恐秋山損薜蘿。

送姚子微

雙闕除書下玉階，三湘回棹拂珠厓。天垂銅柱南低海，地入金陵北近淮。江國鴈來秋肅肅，驛樓雞動曉喑喑。大家定有東征賦，鮭菜隨船慰老懷。野人憶別寸心傾，臺憲頻聞被寵榮。湖外樹圍烏府立，嶺頭花共綉衣行。平原未得收毛遂，北海親勞薦禰衡。慚愧駑駘後，騏驥西風回首獨長鳴。

聚楚賦宜江歲晏東余太守樊別駕

梁楚烟塵日未寧故園迢遞感流萍北風歲莫聞烏鵲南
浦天寒見鵲鑊游子未歸心轉切故人相愛眼終青羈栖
自喜依仙館不爲籠鵝寫道經

宜江元旦

北望天門拜冕旒宜江晴色滿雲浮故人作郡分銅虎新
歲行春土牛花外樂催銀甕出宴餘香逐綵旗收喜聞
近日平諸寇坐使今晨散百憂

送元景說赴茶陵學正

一官分教古雲陽十月携家過武昌楓下繫舟晴望岳竹
間聞瑟暝浮湘炎陵日落思前帝謨廣風悲感故王見說

此州多士族看君瓊樹映琳琅

憶在京華跨蹇馱每怜窮巷致回車嗣宗曠達元耽酒曼
倩恢諧早上書萬里盡瞻黃鵠舉三年空倚卧龍居今晨
振鐸仍南去預擬歸來會石渠

題李子億梅屋

聞君繞屋梅花好絕似孤山處士居雪裏夜疑香隔塢月
中暗愛影當書洛陽富貴傷華閱江國風流憶故廬昨日
宜溪芳樹底相逢春思獨何如

送鄧仁康赴龍泉延慶巡檢

一官萬里司求盜南浦扁舟日夜東歲莫荆揚江盡落時

平甌越路全通龍文遠弃泉中劍蛇影高懸壁上弓但使
一鄉稱善俗斷無豪客嘯秋風
武功頗起漢將軍儒術徒淹鄭廣文也為奉親須薄祿便
堪乘鄣累微勲同舟夜夢
月行李秋瞻鴈蕩雲來歲
嶺南逢驛使松州消息許相聞

別孔學禮

感君相愛復相親豈有文章解過人書法未通吳郡草詩
名虛擬杜陵

遊別谷留兼日夜宿幽齋語達晨別後

湘江見回鴈帛書無惜寄來頻

送劉子謙赴廣西帥幕

河南相倚最相知惆悵征帆欲去時感事每持清論在怜
才猶與故人期邊城雨過低榕葉幕府春來長桂枝舍弟
南游借披拂書田應得慰離思

劉煥章山居圖

司空山前處士居白雲千頃映田廬桃花近隔秦人洞松
樹深回漢使車澗底綠觴浮出酒床頭青簡著殘書畫圖
昨日看芳草因憶春畦久未鉏

別劉煥宗

長沙城中夏木清長沙城外楚江明歸人盡日思臨水過
客常時問入京空有使查通外國每無賓
置前榮相逢

又作長途別多謝西山主送迎

答劉雲章

憶昨浮查傍海回只今幽館向江開馬鄉去蜀題柱郭
隗居燕媿築臺將詩豈敢逢人誦載酒空勞共客來况復
扁舟雨中別為君臨發徘徊

巫峽圖

十二峯前江水東上疑三蜀路相通青天鳥影連巴峽落
日猿聲近楚宮每有客舟來繫樹豈無仙袂去乘風古來
奇絕空傳畫今日詞人賦最工

覓白鷄

君家白雞異凡種變化恐是西方精良尋丹白過雲影栖
近書窓亂月明山雞映水徒相疾野鶴同林已不驚許寄
雙雙趁書舫竹先稱雪毛輕

寄方君恕

聞君卧疾近如何閉戶時應賦短歌安石或能携妓出子
猷常擬棹船過微風倚檻宜脩竹落日臨池愛綠荷也念
湖邊未歸客秋山回首白雲多

岳陽中秋值安南貢使因懷舊遊

洞庭秋氣滿龍堆為客偏驚節序催鈇笛乍聞雲外過瓊
樓應傍月中開越裳重譯三年至溟海浮查八月來忽憶

舊遊今萬里天涯長見鴈飛回

送葉天惠

岳陽學舍古城陰歲晏君賦子衿傳業豈憂名未愛
親恒畏老相侵天門樓月鳥啼冷夢澤連雲鴈去深憶我
舊遊如昨日逢人離別損鄉心

歸舟阻風

洞庭十日風勢號沙頭客舟如縲繫匏沅湘九道白波立衡
霍千峰玄霧交神龍欲蟄無定窟黃鵠將歸愁故巢咫尺
城樓不得上何因一望楚江郊

送月明德經歷赴工部文事

清江地狹仍凋弊上府文繁裁忽報郎官天上召遂
煩使者日邊來考工夙已明周禮利用猶疑致楚材總有
去思情萬疊數占雲氣望蓬萊

相子祀常作榴

明公為政已多聞久客還家喜識君始信明珠能破濁也
知良驥蚤空群分明漢策存經術零落秦書見箱文此去
扁舟各南北天涯相憶萬重雲
儉府才華奪上賓各官僚屬近清塵月寒烏鵲愁依樹日
落狐狸喜瞰人鄉校久歌公在泮輿梁今見客知津獨令
文字存遺愛此日誰能借寇恂

贈陳與之

處士窮居已白頭
春來思泛五湖舟
不逢太守知徐孺
空使時人惜鄧攸
一代衣冠餘老大
百年文物見風流
承家獨恃諸孫好
舉杖相從散客愁

贈壽上人之五臺約歸同虞學士遊匡廬

飛錫初聞度嶺頭
看山復作五臺遊
天花雜沓來獅座
海樹微茫滅蜃樓
即可是中依上首
更於何處覓同流
頗聞李白匡廬下
遲子歸來共泛舟

送孔伯吾拜祖林

三孔風流譜牒存
祖林隔中原
家全科斗經秦世路
逐爰居過魯門
闕里蒼蒼雲樹合
闕宮寂寂雨苔昏
始知

聖德同天地
長使恩及子孫

和楊友直度嶺韻

使君三月嶺南還
五馬翩翩曉度關
郡邑去思多下淚
道途安穩一開顏
粵音勸酒通殊俗
漢隸題詩徧近山
聖主求賢念耆舊
立園那得便投閑

高明樓

江上孤城映水回
市中層構出塵開
衡廬樹入青天畫
章貢波翻白日來
每憶陳登門有客
最傳王粲賦多才
闌干百尺應能借
乘興誰同月下杯

尖題

翩翩秋錫響空飛五月松風滿翠微
悟已將詩並入道
孤元與俗相違匡廬迢迢盤秋霧
冗蒼茫散夕暉此外
名山何日徧優曇花蕞及時歸

題胡伯有官溪山閣

湖上群山浮翠陰山阿高閣湧清潄天虛彭蠡風帆盡地
下鍾陵霧雨深文字數從名士得壺觴頗約故人臨却怜
城府無仙分咫尺溪源不可尋

贈侯務本

異人墨訣世稀聞病起論方喜見君即貢尚方知不媿偶
來蕭寺許同分匱開玄豹春含霧函戲驪龍畫起雲從此

臨池增筆勢書成極恐費鵝群

洪都再贈侯務本

憶昨相過愜素聞鍾陵五月更逢君題詩豈敢傳千里學
字空能愛八分樹裏叩門衣帶雨竹間試墨研生雲送行
忽起青^宴思黃鵠高飛自不群

送楊仲剛之藤州學正

蒼梧之南多樹林石州黌舍鬱蕭森紫藤落影書帷
桂香依禮殿深殊俗干戈恒滿眼古人庠序最關心窺逢
舍弟煩相語日望鄉書抵萬金

美陳國寶州判新修高風書院

昔賢祠宇高峯下風雨漂搖感慨多興學遂煩新柱石未
游不使廢弦歌旂臨碧水晴雲動碑映蒼山夕照過遺愛
百年何所係諸生朝夕誦菁莪

羅濟川百鴈圖

天南鴻鴈百爲群澤國微茫島嶼分飛逐稍梁時共集宿
驚蒲葦近相聞瀟湘夜渡霜浮月渤海春還水映雲坐數
脩程感行客揮弦送目思紛紛

答張德暉

昔年爲客上燕臺身負虛名媿不才處士有星今始識故
人如雨日同來應怜薄宦趨南海豈有雄文動上台欲答

新吟正惆悵渴心先近嶺頭梅

送晉上人遊浙東柯學士

寒山寺前江氣深吳王池苑正蕭森楓根繫艇秋重到竹
裏懸燈夜獨吟禪客往還無定蹟古人興廢不關心將詩
爲訪柯供奉想見揮毫風滿林

答張仲鞞

君家華鄴映堦除紅頰脩髯每不如樹下酒香留客醉竹
間詩就遣兒書高飛每喜瞻黃鵠遠別親勞賦白駒海上
他年却歸日維舟還覓故人居

送性道原遊方

九江東去盡滄溟無數名山擁地靈金屐春遊雲滿谷木
杯夜渡月浮汀有時鶴下愁衝錫何處龍來喜聽經踏遍
諸方應得道故鄉煙樹正青青

周尚志同歸寓所適寺門已閉會宿張伯龍宅

清秋爲客依僧寺落日逢君過客窓並座總看人似玉臨
觴翻畏酒如江曲終別院歸銀燭鐘罷迴廊閉石幢已去
却還仍不惡論詩未覺寸心降

和韻送虎恕齋待父降香玉筇

蕭水東南翠作堆洞天飛路隔崔嵬晴林守虎花含霧陰
壑行龍樹起雷使者旌幢天上至仙人環佩月中迴隨車

况有雙珠在靈雨霏々濯暮埃

王顏復丹墨

妙墨早傳烏玉玦洪爐更伏紫金丹研磨盡日資文字服
食何時致羽翰雲中鷄犬飛皆去燈下蟲魚注未乾此訣
定從方士得異書寧遣俗人看

題渝南黃敬道耕馥所

州橋南畔足田廬應避鴛塵遠卜居傍舍水泉通釜錡隔
林煙火映犁鉏行人午值田中飯過使春停樹下車見說
全家成隱服白頭賓敬晚如初

贈陳東溟

聞子竒胸貯海濤逢人水鏡察秋毫浮槎夜歷飛星近扶
木朝廷出日高預知仙家來孤鶴親見神山戴六鰲河伯
向來空自負擬垂鵬翼共遊遨

送胡漢傑北上

我昔尚幼君壯年下筆看君調涌泉離群每獨吟招隱懷
舊何因訪草玄長卿志大新還蜀樂毅才多晚入燕北遇
貴游如見問煩君為出贈行篇

寄別林允恭兼簡其子鍾英

為客常年去里閭歸來蹤跡到城踈期人每恨違離黍憶
弟頻勞致雁書逐祿今晨瀕海去卜隣何日對門居知君

膝下班衣好看竹焚香意自如

赴廣經九牛驛次文居安韵

自憐薄宦尚南遊共載人疑李郭舟傳舍風烟停驛馬使
槎河漢犯牽牛兩邊對語恒連夜霜角同聽况值秋海上
到時應歲莫知心獨倚慙離愁

奉陳怡菴憲使

故家持憲起儒流遠道觀風控上游採擇舊緣明主識操
存須與古人侔西江藪氣收龍劍南海清霜薄蜃樓從此
殊方無反側坐令重譯頌咨諏

奉使南行載璽書小儒從後後謾崎嶇解裝不顧千金索題柱

祇慚駟馬車此日微官猶贈蹉蚤年獨學况蕭疎自今泮
水親時雨會激長江起涸魚

次韵劉持中春懷

天涯懷抱非春事海上晴光忽暖風萬里厭隨游宦遠一
樽喜得故人同樹陰展席閒揮塵松外停車遠避驄想得
故園寒食近榆烟花霧近濛

武昌送

入蜀訪故

黃鶴樓南水接天送君西溯錦江船風高馬閣蒼霞亂日
澹龍門白雨懸慷慨欲題司馬柱辛勤應預子雲玄故人
置榻遙相遲明夜春山隔杜鵑

題棲碧山為滄龔舜咨賦

揭文安公云予欲賦棲碧久矣興無由起一日
臨江傳與礪來開卷同賦之予詩未成與礪已
就非不可更作念無可以適與礪也遂易結句
而已

山人愛山如李白幽棲還在碧雲深松杉繞屋清宵響雷
雨懸崖白晝陰石上每同仙客坐花間猶恐世人尋京華
日多塵土終擬投簪話夙心

傳與礪詩集卷之七

任丘宋應祥伯禎點校

弟傳若川次舟編刊

五言長律

壽陳景讓都事四十韻

韻十

種德由来遠流芳信有苗名門多令器夫子最高標地迥
瞻崧岳天清見斗杓声名從結髮問學自垂髫江漢棲遲
久林亭興致饒紫蘭敷月露蒼竹倚風颺西艇移書放秋
燈把劍挑微名寧屑一高志獨翫一五氣乘昌運群英集
聖朝武功收赫怒文治付宣昭曆數初教禹聰明已贊堯

求賢多晏食夢帝起中宵石室仍高隱中臺欵見招賜書
懸日月乘傳出雲霄議論紆三榮光動百僚入宮催護璽
趨府聽鳴鑣郊社陳周禮神人協舜韶出閔春衣繡分陝
夜乘輶獬觸心彌壯豺吞膽共銷封章猶懇切歸思遽飄
飄哀職江湖隔鋒車道路遙凝旒思穆々行李發蕭々典
祀尊原廟承釐洽大寮步依文石進香近黼裳飄白日明
聰馬清霜急阜鵬帝裾遮道引諫艸避人燒佐省持三尺
繩民究八條兵曹多暇豫卽位益崇超所向才華冠何曾
意氣驕臺評推妙畫士望慰深翹引拔連茅茹芬芳襟桂
椒銀章看且佩金鼎竟須調小草方慚出浮萍久恨漂

文章殊豹隱篆刻近雕徐穉矜懸榻蘓秦惜弊貂敢期充
礪礪猶幸致葛藟黃鵠追高舉青松託後凋火行占孟月
星聚識生朝壽酒開雲液仙音出鳳簫祇應成遠業未可
慕松喬

送孔惟中再謁祖林

惟中予同郡
三孔之後也

吾郡稱文物君家續聖賢尼山懸日月楚樹隔雲煙追遠
逢昭代遊方及盛年北通三仲譜南下九江船雁起垂綸
外鷗飛解纜前水涼聞雨坐沙暝望星眠岱岳遙臨海河
流遠自天路詢洙泗境人指鄆誰田日觀朝暉接風雲暮
色連闕宮俱寂々闕里獨綿々翠合知林墓翬飛識廟

趨庭槐氣潤拜下柏陰圓科斗殘書帙旋蟲壞樂縣圖稽
始祖出世別小宗傳遠近論昭穆尊卑齒後先杖藜楷木
淨冠截檜皮堅舊俗聞詩禮遺儀見豆籩玉傾當別酒珠
寫贈行篇古道嗟環轍長途勸著鞭京師同逆旅瀛海限
飛仙賦或君王問負應故舊憐苦吟冰合硯危坐雪侵羶
魚目從人貴蛾眉祇自研猶懷薛氏劍未絕伯牙絃卒業
思歸魯離群遽發燕霜蹄終奮迅風翼暫迴旋文憶來時
把詩要去日聯綠燕羈思滿青柳別愁牽為客慙烏鳥因
君感杜鵑兗城多驛使頻寄彩雲箋

送彭叔璵歸臨川却之尼山二長

毓聖由天縱鍾祥紀地靈文開周宇宙神照魯郊坰泗水
烟中白尼山日下青古祠留草創遺躅接音形綿蕞來諸
子管蕭享二丁祭田侵後廢植木亂中零嗣續仍詩禮衣
冠足典刑麒麟思繫紱科斗慨遺經建學謀官守推賢慎
委令百年興曠典一語動明廷有客真英選多才更妙齡
每開鳴匣劍羞對讀書螢北極憑元氣中台會德星骨收
燕市馬甘薦楚江萍紫電纏清霜整鶴翎久疑淪浩
蕩忽作附青冥被邑從人訪孔庭高堂湏定省歸路正
伶仃里父窺蘿送家人候竹扁壺觴春澗燈火曙熒熒
還舍雖云樂之官不可停雲高瞻泰岳樹盡見滄溟驥服

長驅阪牛刀始發硎宮牆上日建
茲誦坐時聽歲月登倉
庾春秋具鼎劔市通槐下道壇築杏陰亭銀漢侵題榜丹
霄映勒銘育材須杞梓醫國備參苓木鐸流聲教染盛著
德馨乾坤吾道在常使萬邦寧

寄題番易周子震金潭山居

大氣生磅礴云功接杳冥江開吳楚白山直斗牛青玉牒
呈天秘金潭泄地靈百盤工取勢千疊互殊形石吐高低
筍峰羅大小屏忽如森隊仗復似倚娉婷六、移諸洞三
、映列星靜宜營道室幽或下仙輶客有依文物兒皆尚
典刑卜藏思買宅佩訓謹趨庭娛老心能遠高步每停

艱難成宿志寔窅慰千齡雨潦供漂木神祇助薦牲史留
徐穉傳碑勒蔡邕銘碧水通銀漢蒼霞護石扃瞑迷中谷
路晴見隔溪亭鳳穴含飛旭龍湫蓄震霆倚廬浮曉靄行
徑俯清冷鸞鶴軒群岫龜蛇汎遠汀陰陽相抱負存沒摠
安寧種竹期成實栽松擬伏苓父居隣吠息清誦野猿聽
夜燭吹藜杖朝餐啜土劔馬卿能作賦韋氏舊傳經伯仲
翔鷗鷁東西念鵲鷁辟雍初識面京國共漂萍磊落珠藏
擯光芒刃發硎即看培遠業誰得限修翎何日過彭蠡從
君載醪鄙遂求靈運屐一往眺林垆

送陳道之獻書南歸

天子尊圖史朝臣念布帛著書心力苦為客鬢毛稀風雨
群龍會雲霄一鷲飛文風吾郡最經術古人微夫子辭家
塾前年入帝畿塵埃白羽扇燈火絳紗帟訓傳多脩補文
章併發揮揚雄終得薦劉表暫相依歲月功何晚乾坤事
每違買臣今日貴伯玉幾年非畫省俄傳 青山遂拂衣
嗟予同邑里奉使隔庭闈路出將軍柱河經織女機艱難
成國典安 侍皇威燕薊繁霜雪衡廬老蕨薇那知萬里
道能及 歸南海連春霧西江逸夕暉他時兩相憶何
處 芳菲

送幻上人還高麗

梵宇通遼海僧居屬弁韓象依三藏立龍近衆香蟠異域
今為一遊方故不難繡幢來日下金刹滿雲端世主多尊
佛沙門總授官衣傳中土徧錫挂上方寒網樹珠垂絡香
株寶刻闌况茲窮壯麗知爾久盤桓故國春頻至長途雪
又殘風沙歸寺遠歲月作程寬日落經華表天窮得翠
岵水杯過渡穩蓮座出波乾莫雨鳴齋鼓春風倚釣竿誦
經泉客聽傳鉢海神看行住都如幻虛空未足搏路應歸
後憶雲向坐時觀紫極迷天樂青霄隔露盤如逢國王問
為說聖人安

送胡繼叟赴道州知事

天子綏荒服郎官映列星銓曹嚴遴選慎府待儀刑道通
蒼梧郡微茫有座亭西京秋始動金掌露先零去路 湘
竹歸船傍楚萍道詢虞舜治江弔屈原醒丹極元非遠蒼
生久未寧忘投傷器鼠思去食心螟五嶺當群盜千山震
百靈日光兵後白雲氣瘴餘青憶昨過泂水尋君隔洞庭
北來還解后南望正蛉蜃網罟今逾密干戈歲未停浩歌
懷古昔遠別戀朝廷久客綠三釜時人笑一經看君萬里
翻從此薄青冥

送張尚德之

銅山巡檢

紫氣開霜匣青雲倚玉梯才名淹下第文學借卑棲度嶺

初還北浮湘更向西直求乘小障不作歎朝壘地險連三
峽天迴帶五溪夜郎花外隔樂瓠竹間迷獨木剗船小荒
茅覆屋低自從歸舞羽應總事耕犁秋嶂沉烽燧春亭鞞鼓
弓力間暫閑翰墨醉多題玄豹終辭霧峯虬豈戀泥去鄉
殊出處行道各扳躋離別腸堪斷留連手重携上林頻候
雁中夜共聞雞歸路何由並生涯苦未齊千峰獨南去心
折鷓鴣啼

登南岳次黃次舉

楚望尊衡岳虞巡比岱宗朝廷隆正祀神物 幽蹤宮殿
迴朱鳥幡幢下赤龍玉書何代冊金奏古時鐘雷雨中天

近烟雲盡日重歲穰資長養時治後登封行役心能遠幽
尋興頗濃巖栖多映竹仙徑梢侵松地軸通三島天梯挂
五峯危藤猿共慄縣瀑雁相衝羽客嗟長往飈車不可從
自疑流水隔與故人逢江漢低鴻鵠乾坤亂蟻蜂飄零
真寄世蕭索入成冬山戍喧寒柝邊城起夕烽撫時多感
慨臨眺敢從容

送尉彥誠歸長沙却之道州經歷兼呈外舅孫公

歸客長沙道之官有庠城府公資幕畫朝士采詩評一郡
優為理千山遠作程去瞻南岳雁行背上林鶯野店逢花
發江帆反水生迥齊鄉吏識入楚路人迎問字從兒好收

書任僕爭淥醺春酌暖瑤瑟夜聞清禹鑿遺天險虞巡界
月明感時雙鬢改懷古寸心驚盜賊連飢饉科徭半甲兵
實怜民未息深倚政能平儒術寧迂濶人材自老成湘中
見吾舅遺世獨何情

送楊翼之還清江

同郡晚相得還家君獨先艱難萬感集離別衆愁牽盜賊
凶荒後干戈餉餽前故園思縮地行路歎登天郡國方收
馬江湖稅船遂嫌居鬱鬱竟作去翩翩芝嶺寧忘世桃
源似欲仙游鯤輕萬里歸鶴異千年已謝蘇秦印無論祖
述鞭道瞻匡阜兩山背薊門烟遠色芙蓉浦濃香穉田

藏書猶有壁坐客豈無糧我亦懷三釜誰能乞一錢將詩
不敢寄多是斷腸篇

奉送達兼善御史赴河南憲倉十二韻

聖治尊儒術賢才翼帝躬立朝防觸刃行路避乘駟復
道河南去先愁異北空激揚元自任出處豈謀同地絕者
持節天長惜轉蓬繡衣今日把尺素幾時通別酒花開裏
征帆木落中薊門懸夜月梁苑度秋風古縣藤蘿碧霜林
果茲紅咨詢行每徧閒暇賦能工白日明高岳黃河遠故
宮登臨興何限題寄北飛鴻

和錙子簡國學冰

凌室晨披霧雖宮夏薦冰水晶持欲滴玉氣望如蒸積自
群陰漸堅非一夕凝碧涵天左轉紅射日東升貯盃寒疑
漏侵衣薄未勝戰休床下蟻飛失坐中蠅病肺清堪滌飢
腸冷易乘詩因詞客誦書憶史官稱滹水嗟王霸陰山惜
李陵時平銷甲馬歲足賦金繒二氣須調燮諸公正業統
寄言老成子四序莫相陵

登岳陽樓

馳傳自青天憑高憶往年闌干映水迴埤垓與雲連江會
沅湘大山侵楚蜀偏娠郎通別井龍女宅重淵日月鴻濛
裏風沙浩蕩前驪珠秋後冷犀火夜深然張樂猶疑奏乘

槎欲並仙登臨停去騎寵餞惜離筵地氣南交接天文北
極懸賦慙王粲作詩擬杜陵傳渺渺衡陽鴈迢迢浪泊鳶
早春回漢節應得汎湖船

歸自安南贈中書掾凌仲明

皇帝初登極殊方總入朝忽逢歌遣使因得佐乘輅白日
臨丹徼清秋滿赤霄三湘綠沮洳五嶺度嶕峣旗對風烟
動衣垂瘴霧飄解表輕陸賈投筆愧班超賞典仍叨忝文
風正寂寥玉衡憑氣運金鼎待人調掾省遭時彥伶才似
父要共成毛義喜竟免介推燒山雨知玄豹天風仰皂鵬
逢人寫懷抱聊復寄歌謠

題方叔高水齋

種樹千章合開軒四面臨徑微通窈窕簷迴起蕭森風雨
行春氣雲霄落干陰碧從脩竹間青任古苔侵養鶴幽時
下垂猿密處吟都因結構好逾覺往來深花發明開卷藤
懸拂挂琴閉門惟淨石倚杖即深林寥闊天涯夢消搖歲
莫心歸舟過彭蠡思尔定相尋

奉和蘇授經八月二十九日明仁殿進講勅賜

酒饌許乘舟汎太液池趨西苑之作二首

東壁圖書出西周禮樂修燕閒催進牘清切近垂旒聖學
天俱運恩波海共流萬幾思至理三歎賞嘉猷紫氣當筵

駐青雲滿殿浮賢應通

倭豈進伊優虎觀風移伏龍

池雨送舟詞章唐后

訓話漢儒羞明主虛能受諸公問

即酬六經懸日月何止鑑千秋

聖明思善述耆舊倚交修虎豹闈闔闔山龍照冕旒日臨

丹宸動雲拂翠華流猷納稽前古都俞協大猷几筵花氣

合圖史竹光浮當宇經綸遠尊賢禮數優內厨深出饌西

苑近迴舟禁轡由來貴溪毛庶可羞遙勤三顧問各奉萬

年酬牢落南州客相望奈九秋

送余觀嘉賓及第歸岳陽却赴常寧州判

主上徵多士郎君策少年絲綸三殿出名姓九霄傳月桂

妙宿

蘇東坡詩
主上云云

城

浮丹籍宮槐拂綵筵爐烟携去重袍色賜來鮮鴈塔青雲
繞龍門紫霧纏聖謨恭已治文德待人宣日月南垂楚山
河北湊燕洞庭飛鳥外衡岳亂帆前祿喜娛親足官聽舉
策遷京華未歸客臨別意茫然

送無外式上人還高麗

萬國山河混三韓道路通都因聖德遠兼使佛書同持
鉢遊天上乘杯自海中烟沉孤嶼白日湧大波紅入夜唯
瞻斗經時只信風本從箕子國來覓梵王宮到日過春草
歸程及早鴻將詩猶恨少問法久知空鳴綠遙連北雞林
更在東他年許詢輩何處訪支公

九月六日壽許中書

瀕

宇宙生良弼朝廷得鉅儒
九秋頰落帽三日記懸弧
露氣流金掌天文統玉樞
人皆瞻稷契世擬見唐虞
日月懸雙闕風雲會兩都
治分黃閣坐朝向紫宸
趨宿昔聞周禮從容進
禹謨神仙何用學廊廟
竟須扶瑞世知龍馬傳家見
鳳雛今辰對佳菊爛醉把茱萸

晨

內丘縣舍

歲月催行役塵埃屢苦吟
懷山叢桂遠入縣古槐陰
道倚相如節堂虛子賤
琴厨人輸傳食稚子解懸衾
風露占秋早星河識夜深
履聲嘶秣馬燭影動栖禽
晴漏時時鼓寒

暗

衣處處砧海邦圖上見江國
夢中尋翌日過洛水何時到
象林北來常早起王事最關心

送程伯臯還新安

南宋衣冠盡東吳閎閱存風流
成異代文雅見諸孫近日
來京國因秋憶故園
知交無復在羈旅更堪論
舊隱藏山色清江落水痕
坐愁楓樹老歸愛菊花繁
任昉餘幽賞陶潛避俗喧
窓風晨下鶴碕月暝啼猿
竹淨臨書卷松高蔭酒樽
雲林真可樂軒冕未為尊

送廬陵范會宗入京省兄朝宗

梁刻李作送范會宗省兄朝宗

大范留京國齋居接棟梁
端門通籍晚望苑曳裾長
遠客

逢難弟諸公比季方題詩晴望岳載酒夜浮湘萬里懷燕
市三年厭楚鄉旅遊成獨往兄在慰相望馬酒宜風土孤
裘耐雪霜况聞周選舉不廢漢賢良紫電依龍種青霄屬
鴈行故人多在北應念獨南翔

送安伯寧知沔陽府

久說貳車賢新聞領郡專被書辭北極建節指南天水國
春爲市沙村夜種田雞栖桑雨外魚網荻風前山獻荆人
璞江通郢客舡使幡當竹過賓竿隔花傳訟獄平如水閭
閻望若仙政成聽舉最勲業進貂蟬

過小孤山

輻

春

鉄纜

堅

恠石成孤島長江瀉亂淙人愁造化跡神闕往來蹤落勢
懸千仞盤根下九重浪侵綠岸釣風應隔林鍾陟險尋幽
洞憑高對別峰舡依天柱過廟受璽書封厓絕不通鳥潭
寒欲起龍經過毛髮悚不敢久從容

題朱仁昭別駕所藏幽篁古木

黃落催寒色丹青著苦心幽篁依磊砢喬木映蕭森鸞鳳
青霄迴蛟龍白晝陰靜疑風動僻晴畏雪沾襟落日愁空
谷寒天憶故林風烟三徑晚霜露百年深汗簡誰能任浮
槎不易尋他時愛清節對此脫朝簪

鍾

詠常寧斷鐘東余太守樊別駕

牧

守新民聽鈞陶協化功采山群力會超治百心同紫氣起
干南斗玄陰散北風警時成器大傳世勒辭工遠響號神
獸奇文逸恠蠱主司嚴旦夜撞擊破昏解冰雲懸天半雷
霆隱地中自今聞政最歌頌摠無窮

題禪居山雲堂

某刻本此首在竹深亭一首後

蟠

丈室樓青嶂千峰起白雲樓臺數步隔鍾梵半空聞衣潤
寒偏覺人來近始分樹陰當黠霽谿影度細縕地迴藏靈
氣天清斷俗群寸心無着物五色自成文細雨休春誦微
風坐夕曛是中支許輩吟嘯日為群

太學上下

某刻本此首在竹深亭一首後
太守樊別駕一首後

丁

某刻本止此

某刻本此首下
揚古學之道

秩秩嚴明祀煌煌闢孔祠橋門多士集齋廡庶官隨禮樂
循周典衣冠襍漢儀進牲雲覆俎揚燎月當墀道並乾坤
大文從世代宜恭惟歌聖德詠歎不知疲

竹深亭

華座

蕪構依林下幽篁接磗阿夏陰當坐滿秋氣近檐多脩潔
同冰玉蕭條帶薜蘿映書光可把侵袂翠相和山阮時俱
築求羊日共過知君少塵事歲晚得婆娑

七言長律

奉和宋翰林顯夫御溝詩韻

宛宛長波切太虛霏霏晴霧濕高居雲涵度影翻玄燕日

映圓紋散白魚遙轉石陰通樹細稍侵花底出宮徐橋邊
市起春鳴轂閣裏朝回晚曳裾天子數臨窺碧藻詞臣時
勅賦金蕖龍池浩蕩恩波接草木無情亦勝予

送鞠布仁友元及第歸岳陽却赴邵陽縣丞兼寄
楊秀才裕

平陵一別鴈來頻京國相逢燕賀新桂殿日浮金榜曙杏
園雲散玉壺春董生對策真能事轅固談詩耻後塵帽帽
聞雞持別袂蕭蕭跋馬送征輪荆衡地闊通南極幽薊天
回倚北辰湖草欲青應進舫縣花初白冑懷人長卿實畏
貧歸蜀季子徒聞早入秦為報楊雄休識字少年直恐鬢

成銀

登石鼓山

歸途訪古駐征鞍 棧通幽統曲闌故老尚傳唐棟宇諸
生猶識魯衣冠 封後洞蒼雲濕樹蔭西溪白日寒諸葛
祠前沙浩浩昌黎碑下石團團山浮岫嶠晴時出江合蕭
湘地底盤也擬題巖記行迹詩成粒畏萬人看

寄題吳野夫竹松齋

蒼松脩竹繞茆廬中有幽人事隱居琥珀入雲閑後斲琅
玕人雨靜未書鏡湖冷逼秋聲早禹穴晴通曉色虛野客
每能携酒止隣人時共帶經鋤更培老樹看巢鶴休損長

竿學釣魚霜雪欲聞千畝外棟梁動計百年餘子猷興歎
從人恠元亮生 本自踈南望風烟限林壑京門久客正
踟躕

送觀至能赴廣西憲司經歷

薊門官柳徧鳴禽馬上離人酒強斟久以才名稱闕下忽
持風采照江潯三湘曉雨開衡岳百粵春雲接桂林何遜
到官勞賦詠謝安携客喜登臨吏人靜徃山城僻部使閑
過幕府深溪裏藥苗寒自綠道傍榕樹晝多陰蠻夷比歲
頻騷動巖壑何人更討尋明日孤帆逐君發長沙南望最
傷心

送楊好問裕北上

京國衣冠集勝流昔年恨子不同遊夔龍禮樂開經濟班
馬文章寄纂脩此日送君須決去諸公薦士足深謀金門
夜奏三千牘玉座春瞻十二旒無復風塵淹白日也知雲
漢倚清秋明年海上還相念應有書來慰別愁

傅與礪詩集卷之八

任丘宋應祥伯禎點校
弟傅若川次舟編刊

五言絕句

古意

人言道路遠直傍天涯去
頭上忽見天近於江南路
牽牛一水隔織女經年會
咫尺闕相聞何況千山外

雪中訪友人值出飲未歸戲題二小詩

空齋掩深雪知向誰家宴
徑造不逢人殘書誦皆遍
期君久不至深坐雪霑扉
臨當日暮去終同興盡歸

戲效子夜歌體六首與達兼善同賦

種荷深水中日夜期成藕蓮子逐浮萍風波漂蕩久
織錦望成足終朝不盈尺誰知方寸間千絲萬絲積
儂是弓上絃雖絕猶當續歡如弦上矢一往遂不復
思將儂別淚溢作長江水處處逢歡船任歡行千里
郎心願成鏡照妾生光彩鑄鐵作同心千年亦不解
歡乘紫騮馬儂作碧蠶絲繫在白玉鞭千里得相隨

古楊花怨

揚花白如雪無事學高飛莫作浮萍草漂零不肯歸

即事

官家禁弓箭不得行人把猶聞馬上寇殺人青山下

金竹道中書所見

月上清霧開山虛翠烟集紛紛群木中時見孤松立
巨木爲人伐細木森自蔽作書諭松柏材大何足貴

陵州

遠道千峰隔長河萬折流風帆不可住今夕過陵州

慶都道中小憇

暑路宜官柳風亭厭旅塵冷傳七尺影偏與太陽親

至樂城使者亡其弓戲題

兵革三邊靜蠻夷九譯通猶持漢使節莫問楚人弓

衛州值雨

大澤泥淖多今朝復秋雨不畏道路長惟傷馬行苦

題衡陽驛

南來山不盡北望意何如恨殺衡陽鴈來時不帶書

題襟畫

虛舟不得渡立馬垂楊側但見從橋安寧知濟川力
山翁捐世慮避暑長松裏絕壁無人諸峰隔流水
橋危獨騎小江闊群鷗亂喬木過風帆遙山滅雲漢
松杉白日冷樓閣青烟暝漁釣倚孤舟風波夜來定
青山宜野服白髮明溪水入暮幽思多微風樹聲起

空江白鷺起遠樹蒼烟合日落沉舟時長天見孤塔
烟寺微茫裏漁舟浩蕩前松聲薄暮起寒氣近江天
岸陰却夏暑水影涵雲樹日莫詩已成長吟不歸去

題墨梅

弱水不可舟車誰能御群仙六銖服飛度空中去
漠漠烟外姿娟娟坐中見分明銀屏影不隔宮粧面
積雪春不壞踈花冷逾馥心鄙藻阿嬌貯之黃金屋
月下逢素娥清輝寒相照應懷不死藥玉色長如少
橫枝交屈鐵踈蕊分群玉同氣復同心相親不相瀆
孤花臨祗浦半樹宜清景寂寂林下風娟娟月中影

題瓜圖

思子成消渴逢人說苦吟最憐貧病裏常有邵平心
西風吹落蔓白露成秋實對此憶甘寒令人失心疾

題粹中琅上人所藏蘭石

雨過蘭發馨枯禪定中起空林聞叱石一夜愁山鬼
三湘連斷岸九畹餘幽境墜露不聞聲落星空有影
幽蘭不為佩白石不受礮寂寂高堂莫蕭蕭來遠風
泗濱足竒石澧浦多香草荆棘何足除芳堅幸相保

題墨蒲桃

小架青烟暝空林白露秋誰家一斛酒遂得守涼州

上苑根株少風沙道路長也知隨漢節終得荐君王

題墨竹石

雨籜化龍杖風枝咽鳳匏惟應林下石獨稱歲寒交

墨龍

素壁吹大波高堂見神物野人不敢近雷電生翕忽

七言絕句

清河口書所見

濁浪生愁不禁坐見碧水醒人心無數飛花當棹落幾
家弱柳映門深

水市春深雲木稠吟行偶愛寺門幽老僧石上因留客稚

子沙中學打球

溜溝舟中

人家時見小簷低
水驛遙疑曲徑迷
墻裏桃花多映戶
舍前桑樹總分畦

襍興

風吹木葉洒秋清
憶在湖南江水行
楚色高迷衡岳
湘波寒切壽沙明

秋興亭虛吞遠天
郎官湖碧照寒烟
記得往時黎別駕
坐吹簫管共回舡

洞庭之東巴丘高
在昔登臨詩思豪
聞笛每吟清夜月
倚

樓長對晚秋濤

老親坐堂白髮生
諸弟治家幽意成
引徑或通梅下道
疏泉多傍竹根行

夜坐

微月照人不可寐
靜夜起坐向前除
花邊犬吠時時近
竹裏螢流箇箇疎

忽憶

莫雪紛三舞勢迴
忽憶故園襟亂開
江上已應千樹遍
眼中那得一枝來

寄黎別駕

正月已過二月新羈客愁坐不知春
近簾細草青尚短隔屋小桃紅欲勻

臨水層軒相次開炎天幽夢擬頻來
長江漠漠青天去高鳥冥冥白日迴

訪友不值

故人已出閉幽室使我獨到未仍回
夕陽樹裏猶疑見雪街中更擬來

奉和存初院使二絕句

上林嘉木蔭連牆冉冉遊絲轉日光
忽憶江南好晴景碧溪春水照鴛鴦

御溝東畔粉為牆雲氣時時汎水光
花帶朱橋通啼竦柳齊碧瓦映鴛鴦

題貢有源壁間墨竹一枝

一別湘江烟霧深眼中見汝醒愁心
長疑碧水猶涵影只恨清風未滿林

題方叔高歸羸集後

鳳凰城中木落時空齋獨夜把君詩
最憐庾信腸堪斷常恐陰鏗髮蚤衰

歸客長途不可遲回欲發更題詩
佳人苦愛傾城笑明月休生按劍疑

寄題進士宋翔仲書室

淳安縣東金紫峰 公舊隱隔雲松山人採蔗應常到溪
客尋花或未逢

聞道蔗南修竹裏小堂清誦夜常勤烟中谷響遙相答月
下泉流靜始聞

宋家窓雞解人語談論往來能通玄祇應風雨長司旦安
用雲霄並得仙

石室南邊風滿林讀書之處亂雲深頗聞折桂來天上猶
憶捫蘿俯澗陰

題寒梅凍雀圖

寒雀雙栖碧玉條竹間踈蕊暮蕭蕭幾回憶得江南路雪
樹參差暗野橋

和陳宗道元夕懷江南絕句

月下金渠照夜晴雲間玉管散春聲絲鸞何處無消息閑
憶梅花坐到明

萬家行樂愛春晴花底遙聞度曲聲唯有客窓嫌月色照
人離恨太分明

駱駝圖

紫駝碣磈動秋雲白草微茫卧夕曛中土向來惟見都

次韻王繼志任大瞻訪卧病道者

游戲人間只寓形空山瑶草為誰青歸來市上志山仙藥卧
向壺中悟道經

門前蒼檜古龍形何徑通幽接帝青羽客醉歸因示病牀
頭顛倒換鶯經

彰義門柳

送客都門見柳行幾回板折斷愁腸如今自向城西別無
那柔條拂馬長

逢進包茅使

天子明裡盛禮儀楚邦供貢不曾遲令人却恨夷吾不

見包茅自入時

過真定尉陀先家

殊方久識漢廷尊異代能忘聖主恩南粵若逢人借問尉
陀先家至今存

平安驛

孤燈夜宿平安驛欲寄音書無使將南鴈數聲秋雨裏却
先行客過瀟湘

野田

野田風露浥清秋扶耒歸來百不憂稚子未知耕作若阿
翁懷裏學騎牛

咸寧縣

咸寧縣南山色青
丁師橋畔水泠泠
道邊松樹疑千歲
便擬尋仙煮茯苓

廣西即事

南鎮干戈日夜陳
西山寇盜出猶頻
荒村百里無烟火
聞道官軍更殺人

比歲供輸不自聊
祇今氛祲未全消
陣前將士願殊死
莫倚功多氣轉驕

安南人以紙立馬求賦梅華

江驛梅花晴照人
暗香冉冉拂衣巾
可憐結子依南土
未

得移根近北辰

回鴈峯

江上青峰宿雨開
江頭歸使日南來
登高欲訪平安字
二月衡陽鴈已回

武昌春日

鸚鵡洲前芳草新
黃鶴樓下綠波春
隔花游女烟中語
不解明珠贈遠人

與黎別駕

夜聞車騎亦已到
門外雨意故難來
明朝狂走須相覓
終日論文未可回

十分白石淨可悅無數幽花寒自妍
眼中此物差慰意何得即置小堂前

黃岡曉發

黃岡縣西路多石一夜風雨畏行難
雞鳴山月淨於洗龍過溪雲濕未乾

石磴崎嶇出萬山平岡稍復慰愁顏
樹邊茅屋時時見竹裏柴扉往往閑

道傍拒霜

驛路迢迢入萬松人家時見木芙蓉
不堪翠蓋烟中冷却恨紅粧露下濃

小孤山

舡度江天暮色青半江峰影動寒星
海風忽起玄珠樹山月遙生綠玉屏

海上夜失蓬萊山九江飛翠落雲間
仙人暮色來絕頂徑踏星辰朝九關

偶成

去年詔書禁乘馬今年詔下禁持弓
猶聞白晝多豪客騎馬射人官道中

金人擊鞠圖

駿馬如雲擊鞠馳衣冠彷彿正隆時
向來北地誇豪俊不

省中原厭亂離

古松圖

一寸霜根歲月深
養成千丈氣森森
畫師不欲開全樹
來客徒能得古心

千歲虬枝截古苔
餘姿猶自大山來
即今梁棟俱為用
何得山林有棄材

偃蹇巴陵老樹枝
黃昏風雨使人疑
神仙夜過還相識
城市朝來獨未知

種樹常愁歲月遲
老根千歲與仙期
惟應華表歸來鶴
曾見仙翁手植時

秋鴻

百尺寒淵瀉碧峰
樹根漁艇少人逢
涼風忽起吹征鴈
明月還來照卧龍

粟鼠圖

力盡秋原粟始黃
畫圖逢爾獨心傷
也知豐歲多遺穗
不比窮年耗太倉

和陳道之送子歸鄉并寄諸兄

弟兄不見長相憶
况復別離成老翁
忽夢謝池春草合
不知姜被幾時同
古屋秋風吹
難兄誦得寄來詩
懸知薄暮思家處
正

是清江過鴈時

夜語燈前生達明歸舟還送阿戎行微官漸得文章力遠道能忘骨肉情

思君盡日令人渴忽見新詩手自書况有郎君如玉樹鬪將花艷比紅葉

即事

五月鑿輿北狩時行人辛苦鬢成絲蹇驢日愁風雨官馬如雲不得騎

墨竹

嶰谷千年倚月明秋來風露最淒清自是截作

別

有新梢學鳳鳴

過長蘆追悼故運使趙希顏

此地經過憶往年沙頭樹色翠含烟故人何處今玉歸客還來獨繫舡

憶昔過君未見君重來何忍復相聞不成挂劍尋秋樹空使題詩泣暮雲

舟行

何江雲樹襟生苔風雨蕭々中夜來常時行過人不識直幹已具棟梁材

漁家日落亂收罾欲及前舟苦未能行盡綠楊三十里隔

河遙見驛亭燈

無題四首

天台靈草滿溪香
縹緲鸞笙隔洞房
誰見桃源花樹裏
春來日：待劉郎

江頭芳樹碧重重
中有危樓對楚峰
盡日娉婷倚窓下
看花不使外人逢

樓上仙衣捲薄羅
樓前春暖杏花多
鳳簫最好吹明月
惟有簫郎自教他

江草離離江水流
玉人何處捲簾鉤
岳楊學盡春來瘦
不省人間有別愁

潞縣舟中寄京師楊上舍諸公六首

買得吳船繫柳根
潞河新雨過黃昏
都門只隔烟中樹
一夜尋君苦夢魂

故人萬里俱為客
十度春愁九別離
京國向來未覺天
涯明月倍相思

午門烟水浴輕鳧
曾共花間問酒壚
楊柳青：舊時路別
來還解憶人無

二月和風滿上林
憶君時復走相尋
夜來見月堪腸斷
城鎖千門碧柳陰

生來不識酒中味
憶昨故人常見招
不是多情能度曲
樽

前恨殺董嬌姚

春風亭館看花時自變新聲教柳枝只恨秀娘空第一不
曾歌得斷腸詞

墨梅

天涯不見遙相憶窓下重逢乍欲迷彷彿空山明月夜一
枝初出古牆西

戲簡張伯貞

第二橋東楊柳新舞腰爭學楚宮春可憐張緒才情少孤
負長條不贈人

張生肆意

俗一室蕭然獨嘯歌幾度見人狂欲死醒

時常少醉時多

日暮醺_出酒家更過隣肆喚琵琶玉奴已伴他人宿獨
自歸來卧

寄王敏文

憐君卧病更傷離語盡燈前 僻時恨殺城南 張紀送
行不寄一篇詩

月館花開厭獨居故人別後_後意何如衡陽直過瀟湘去南
雁來時好寄書

青樓只在石橋東幾度聞君醉落紅近日綠陰濃似雨門
前別繫玉花聰_{時將}

碧雲 汎清觴明月嬾、照曲房想爾此時逢謝女愛
渠中夜喚王郎

楊村

楊村岸頭驛使回直沽洋裏海船來軍夫伐鼓欺行旅百
里維舟不敢開

臨清

五月河橋繫客舟舊來河水至今流落花冉、無消息垂
柳深、盡別愁

馮都木墓

舊鑿河流遠墓長親栽堤樹與祠荒行舟借問頻回首過

客傳聞總斷腸

孟陽津

孟陽津頭烟柳多鷄鳴臺下客帆過誰家孝舞翻紅袖盡
日含頰借翠蛾

擢歌八首

河中日上水悠、誰道人心似水流河水彎迴有時直人
心屈曲幾時休

朝、風雨送舡行白日無晴夜有晴東岸 燈西岸見中
間猶自不分明

河上風吹楊柳枝河邊日落閉門時前舡好待後舡至南

人莫被北人欺

行船日恨舡遲舡頭水聲無斷時
昨夜天晴好新月誰家學得畫蛾眉

攀柳莫攀當路柳繫船須繫上風船
當路人行無好樹上風浪小得安眠

去年舡裏逢端午今年舡裏又端陽
九節菖蒲本仙藥如何曲曲似愁腸

生兒寧作漁家子生女莫嫁征夫兒
征夫年上好遠別漁家日日不相離

寧向泥中棄蓮子莫向水上種桃花
蓮子出泥終見藕桃

花隨水不還家

寄李尚賓

久別思君欲白頭書來真足慰離愁
衡陽五月無回雁江上常時獨倚樓

聞道齋居盡日幽可憐文采獨風流
秣湖上求如願何用人間問莫愁

隱上青山湖水頭登山臨水惜同遊
舟中只擬從元禮月下空令憶子猷

和黎別駕

漢陽城東湖水碧大別山上高雲
猶若登臨近官舍更

將雞犬入山莊
山中野屋連修竹
門外溪流半落花
偶入青峰
樵徑去
尋白鹿到仙家

手種松株逾十尋
家藏書卷直千金
溪雲已任行時滿
山雪蕪從坐處深

淳風滿地吹香
明月當庭照短籬
一夜空階聞落
平明和露下題詩

魏元君壇戲和陳彥高

池上仙房閔古臺
世人傳是鍊丹來
自從雲蓋空中滅
後見風簾月下開

衡岳仙成只可聞
南昌何處覓天君
隣兒狡似東方朔
偷得金桃不見分

道士焚香禮紫虛
故人題字滿齋居
可怜宋玉工詞賦
不及文蕭有韻書

赤壁圖

憶過臨^身蘇訪大蘇
古祠寥落水禽呼
如何月夜黃州夢
却在西風赤壁圖

過豐城

石泉灑日照晴暉
山崦茸帶夕霏憶
得年時松下路
兒童相逐采樵歸

隔溪篁竹似吾廬竹裏人家夜讀書一本故園如昨日春
來頻夢帶經鋤

題宋道震栖霞山四景

谷口林廬映水涯樹陰鳧鴈近人家春風恰似河陽縣開
遍山中處處花

水檻涵虛直翠微林當處却尖暉青石上長松樹獨
稱山人白氎衣

木落江南鴈過時獨行幽思少人知多情宋玉風流在馬
上猶能寄楚詞

雪裏無人共酒盃行吟處只逢梅月明自向前溪問恐

有扁舟到却迴

題墨蒲桃

漢使歸朝歲月深離宮別館翠陰深不因宛馬來中國那
得龍須徧上林

西域蒲桃滿玉壺貢時常續紫醅酥向來天上沾餘瀝今
日湖南看畫圖

夜靜山庭映葉虛秋來風架落藤踈月明滿地無人到時
有幽人學草書

暑雨過庭龍怪生南風吹架綠陰清如今零落成秋實猶
作蕭疎弄月明

聞昔降龍遇五湖時因持鉢見龍須
近來窓下拋藤杖忽悟衣中得寶珠

架上龍須十丈陰異方風土種來深
猶憐漢使通西域未遣宛見上林

蔡氏隱居

仙隱深三聞遠雞青山別在郡城西
亦知好竹能開徑只擬尋花共入溪

題畫

迢遞雲山隔遠溪微茫烟水帶長堤
秋來木葉多搖落日暮寒鴉不肯栖

遊園和吳光輔

雪外高亭倚竹根石門幽徑躡苔痕
重來花發應千樹只恐漁舟失洞門

送桃與孔學在李尚文

千歲仙桃不可期摘來翻恨寄君遲
武陵太守如相問莫道秦人始種時

題張天彝山水卷

江上晴雲起亂山行人長暮釣舟閑
雙鴻更背湘潭去南盡衡陽幾日還

送楊彥才歸南陽

南北雲山萬里餘
洞庭秋思近何如
故園獨傍隆中去
落木蕭蕭見草廬

雙燕圖贈王惟中

玄鳥飛時綠樹春
湖南相際往來頻
明年社日君何處
逢著新巢憶故人

送姚景翔歸武陵

沙上清尊照舞裙
暫時相值即相分
明年花發秦人洞
遇著漁舟定問君

方少府席上

故人之居湖水傍
別有幽墅炎天涼
聽詩自喜當明月
把

酒先判盡夕陽

有酒其如醒者何
題詩予愧古人多
已辭醉後能騎馬
敢比書成欲換鵝

翠袖臨觴拂素筵
一頓一笑使人憐
多情竹影留歸騎
何處菱歌起別船

歸舟欲行且復住
故人有客解相存
也知為米求彭澤
不
是携家隱鹿門

別劉煥宗

瀟湘江上舊逢君
無數青峰映白雲
明日扁舟却相別
洞庭煙樹綠紛紛

題飲馬圖

一斛寒泉照紫駟蕭蕭駿尾動高秋夜來櫪上西風滿憶
傍寒雲飲隴頭

題蘭亭圖

勝日山陰共賦詩風流猶想醉書時如今池上無餘墨長
使人間學斷碑

題輞川圖

摩詰歸來愛輞川清辭妙墨使人傳江山故業渾千變文
物餘風見百年

簡孔伯明知事

昔別長沙失送君岳陽音問日相聞幙中吏牘應稀少時
出藏書校古文

捕魚圖

落木蕭條沙渚空截江魚網暮含風天寒紫蟹應無數便
擬持螯坐短篷

題潘文學扇

聞說幽亭近水開微風時自竹間來惟應為客通三徑盡
日清談不遣回

簡鄧仁康

洞庭之南地早暑况復長夏少相親歸舟夜發青楓底忽

到巴陵逢故人

簡善道原

湖南五月洞庭秋楊柳深
繫客舟遙憶郡齋無一事
題詩頻到岳陽樓

簡楊好問

湖亭初得寄來詩幾度長吟
恨別離近日扁舟洞庭野
雨中多是憶君時

題畫松

石角槎牙折斷崖
雨聲蕭颯動高齋
忽疑落日翻林影
半樹參差照水涯

石上枯株老茯苓
尚餘孤幹倚青冥
若為借向天河裏
夜浮槎載客星

太山祠下古時松
雷雨蒼茫色化龍
忽向人間見
竒畫老枝猶恐襲秦封

遙憶商顏松色青
女蘿枝上醉眠醒
自從四皓安劉後
歲莫何人采茯苓

題松菴上人墨蒲萄

磊砢玄珠得露垂
蜿蜒翠蔓與風宜
向西萬本無人見
時有山僧學一枝

奉使初從塞外過
車前烟蔓翠婆娑
江南妙墨今無數
未

及張騫得見多

初月生林白露垂近簷秋色正離
西風一夜明珠滿却是驪龍睡着時

漢苑尋常露下時月明高架影參差
上林近日無來使腸斷江南見一枝

露顆含香近客衣蜜蜂胡蝶繞藤飛
夜來應值驪龍睡探得明珠月下歸

蒲萄十丈翠蜿蜒葉底驪珠萬箇懸
昨日大風翻架倒一枝吹墮衲僧前

南岳山僧工學幻空庭長愛翠婆婆
若教親見宛西種醉

墨淋漓意更多

和宋子與送圭峰僧

飛錫翩翩去玉京也知富貴視來輕
清江樹底天寧寺詩罷長廊看月生

官道垂楊接帝京飛花渾傍驛帆輕
揚州南去春多雨一夜舡頭報水生

題山家小景

萬壑蒼蒼雲氣昏石泉斜落古松根
前林欲暝僧歸晚應聽鐘聲到寺門

浴鳧飛鷺聚寒塘落鴈歸鴉映夕陽
忽憶湖南烟樹裏倚

闌秋思正茫茫

松下孤亭映古茨
幅巾來往靜相宜
門前一水應如鏡
照見龍髯落半陂

窈窕松杉入白雲
千峰何處覓夫君
中洲雨過多芳草
誰見哦詩坐夕曛

門外千峰含綠姿
居人衣服似秦時
仙源直在桃花裏
世上漁郎未得知

清溪白石無人到
古木蒼藤徧水涯
日出群鴉渾去盡
山雞照影獨多時

鴈起秋空樹色遙
行人江上駐歸桡
海門東去應千里
白

日微茫見落潮

花底溪流暖映空
石邊林氣翠含風
輕舟似識秦人洞
直上尋源或可通

酬楊伯謙

江路垂楊亂客愁
藕花時節憶同舟
鴛鴦鷓鴣頻相近
空使離人欲白頭

玉樹秋清白露垂
東遊取醉莫多時
金陵小妓能相惱
應解明璫乞贈詩

吳女嬌歌倚画船
小紅輕翠映蟬娟
風流妬殺金陵子
費盡黃金學步蓮

題蒙孤峰小像

紫髯蕭森朔漠氣白氤飄飄巖石間絕似仙翁遺世慮千
株松下采芝還

題廖衡瞻墨梅

別來江樹雪叅差月夕尋常夢見之昨日雙溪重
影春風猶識歲寒姿

送孔庭會之舟江巡檢并簡鄧和仲虞伯雷二憲

掾

一騎弓刀入桂林乘江孤障暮烟深西南地重多烽燧近
群偷已就擒

憲府諸郎摠好文將詩煩爲道敷動應怜小弟官同冷日
日登高望白雲

題蕭敬仲墨龍

閭闔迢迢白氣通九江雲起墨潭風夜來仙仗無尋處應
向人間作歲豐

送蘭隱上人遊方

清江江頭芳艸春林深盡日不逢人明朝散入千山去葉
葉清香是法身

題畫羅漢

流水濺濺出石間應真遊處碧波閑惟應此公天台近杖

錫時時共往還

聽法歸來憶梵天臨流坐石意蕭然如何不作飛空去却
愛山中弄石泉

寄德隆檢校

紅葉千林對夕曛黃花三徑踏秋雲鴈來莫厭書頻寄江
上長吟正憶君

鍾陵城郭俯江波畫省沉沉散玉珂檢校幕中清似水新
詩應比別時多

臺憲今時何舊臣巖居風采照湘濱行騎驄馬逢南使
寄雙魚問遠人

題歲寒圖

梅花亂開脩竹裏孤月正挂蒼松尾空山歲晏憶同心誰
見幽人夜深起

半身松圖

老樹龍鱗雜古苔晴窓雲氣撲衣來惟應咫尺論千丈莫
以尋常擬大材

瓜圖

煙蔓蕭條帶守宮露團井美熟秋風可憐舊日青門客說
著東陵似夢中

水芙蓉

別院秋風起翠帷美人樹底獨含思能言宋玉多情思腸
斷東墻乍見時

金沙

青鳥遙從漢殿迴春風吹散九霞盃群仙半醉歸時晚絳
節翩翩獨後來

先兄本意以壬申至乙亥夏爲初藁乙亥秋至丙子
夏爲南征藁則皆冠以揭文安公之序由丙子夏以
後爲使還新藁則虞文靖公實序之而刪甲子至辛
未爲牛鐸音則有范太史之序存焉不幸早亡既而
上率衆力刊之

壬

辰兵燬之後欲求正稿刊行而力弗逮至壬戌夏偶
得宋應祥伯禎抄錄點校先兄正藁予過稀年恐斯
文之泯遂潛編次率衆力鋟梓仍將此本叅對
文辭不同則兩存之庶使學者有考焉所有文集陸
續刊行時歲癸亥仲春新喻曹溪傳若川次舟謹誌

Large stylized watermark or seal impression, possibly reading '圖書' (Library/Book).



Faint, illegible handwritten text or bleed-through from the reverse side of the page.

